

**E.W. DKHAR**

**KA KOT IARAP**

**IA KA KEHAI  
MIL II PAPER**

(KI PASOH, KI ESE, KI KYNTEEN KYNNOH, KI  
ADVERB, KI KYNTEEN BAHII, KI KYNTEEN  
RIFWYMMEN BAD KABA IHAW SENIEN)

**NA KA BYNTA KA HSLC/ SSLC**

*la ka hok longtrai la tyngkal*  
**2000**



**KA HOK IARAP IA KA**

**KHASI MIL**


**PAPER II**

(Ki Pasoh, ki Ese, Ki Kyntien Kynnoh,  
Ki Adverb, Ki Kyntien Ba eh, Ki kyntien  
Riewtymmen bul kaba thaw senten)

**NA KA BYNTA KA SSLC/HSLC.**

(Ja ka hok long trai la tyngkai)

**2000**



# SHIKYNTIEN

Ha ki 20 snem ba nga la long kum u nonghikai (1957-1977) nga lap ba bun ki khynnah skul ki shem jingeh ha ka Paper II Khasi Vernacular namar ba ka long ka unseen paper. Ka jingeh kaba ki khynnah Khasi ki iakynduh ka long kumno ban thoh Pasoh, Ese, ban batai ia ki kyntien kiba eh, ki kyntien riwtymmen, ban pyndonkam ia ki adverb bad ban thaw senten.

Ka ktlen Khasi ka long kawei na ki ktien kiba la roi. Kam long kaba duk kumba ong mano re. Khamtam ha ka juk mynta, ka Khasi Itereshor ka la roi haduh katta katta kat haduh ba la pyndonkam ia ka ha ki kyrdan hikai kiba ha khlieh duh jong ka University.

Kane ka kot ym tang ba kan iarap ia ki khynnah HSLC/SSLC ban pass ia ka eksamin hynrei kan ai ia ki ka jingtip tynrai la la ka ktlen bad ka nongrim sngewthuh kumno ban thoh pasoh, thoh ese bad pyniar ia ka jingmut jingpyrkhat ha la ka ktien.


Nga kyrmen ba kane ka kot kan iarap ia baroh ki nongpule ban leit la la ka jong ka ktlen.

**Nongthoh.**

## Khasi MIL II PAPER

100 Marks

1.	<b>Lynnong I:</b> Kael bad kumno ban thoh Fashoh?	1
2.	<b>Lynnong II:</b> Kumno ban thoh Ese ?	13
i.	Ka Cinema: Ki jingbha bad jingsniew kiba don ha ka	19
ii.	Ka radio bad ka juk mynta	22
iii.	Ka Kotkhubor	25
iv.	Ka jingpule ia ka Saian	29
v.	Ka akor babha	32
vi.	Lada phi mon phin jop	35
vii.	Ka Spah Mariang ka Ri Khasi	39
viii.	Ka jingminot ka wanlam ia ka jingjop	43
ix.	Ka jingarsap: ka bynta ka jingim	45
x.	Ka jingkyrmen	49
xi.	U Riewshlur ka Ri Khasi	52
xii.	Ka jingpynjakhlia ia ka Iyer	54
xiii.	Ka ri Khasi kum ka jaka iaidkai shang pyrthei	57
xiv.	Ka trel ka ktah ka ri Khasi	60
xv.	Ka jingtrei kam ka mariang	64
xvi.	Ka saian: ka shakri babha bad ka kynrad ba sniew	67



xvii.	Ki matti u longshuwa	...	70
xviii.	Ban ĩeng ha la ki kjat	...	73
xix.	Ka jingbuh teng	...	76
xx.	U briew u long kham kor ban ia ka spah	...	78
xxi.	Ka khleeh kaba phong pansngiat kam suk	...	80
xxii.	Ka jingtip ka long ka bor	...	83
xxiii.	Tang uba nud u jop	...	86
3.	<b>Lynnong III: Ki kyntien kynnoh</b>	...	89
4.	<b>Lynnong IV: Adverb (Jingbatai)</b>	...	112
5.	<b>Lynnong V: Ki kyntien baeh: jingbatai</b>	...	120
6.	<b>Lynnong VI: Ki kyntien Riewtymmen</b>	...	137
7.	<b>Lynnong VII: Kaba thaw senten</b>	...	142

## **LYNNONG I**

### **KAEI KA PASOH (SUBSTANCE) ?**

Ha ka English litereshor ki don bun jait ki rukom thoh ban wan rah lyngkot ia ka jingmut kaba don ha kano kano ka dkhot ne poetri kum ka – substance (Pasoh), summary (jingmut kyllum), central idea (ka preng) ne gist (ka mat pdeng). Ha ka jingshisha ka Pasoh (substance) ka long ka kynja jingpynshai ia ka jingmut ba kongsan kaba don ha kano kano ka jingthoh ne ka poim ne ka jingkren. Teng teng ka long kaba eh bân pyniapher ia ka pasoh (substance) na ka Jingmut kyllum (summary) bad lada don ruh, ka shu long tang ka kynja jingpyniapher ha ka rukom pyntrei kam.

### **KUMNO BAN THOH PASOH (SUBSTANCE)?**

Kine harum ki long katto katne ki rul ba dei ban kynmaw:-

1. Pule bniah arwat laiwat ia kano kano ka poim ne jingthoh ban shem ia ka mat-pdeng kaba u nongthoh u mang.
2. Dei ban thoh ha la ki jong ki kyntien katba lah.
3. Tang shu loh ia ka mat-pdeng ki mat-bynrap ki bud hi ter ter.

4. Batai ia ka mat-pdeng bad mat-bynrap ter ter kumba dei ban long.
5. Weng ia ki shyieng ki shruh baroh khlem da pynlang thymmai ei ei ha ka.
6. Ym dei ban pyndonkam ia ka kyntien 'nga', 'ngi', 'phu', 'ngin' ne 'phim' ha ka pasoh lada kine ki kyntien kim don ha ka poim ne jingthoh jingtar.
7. Ym dei ban pyndonkam ki senten kiba shim kylliang (direct form of narration), jingkylli, jingkyndit ne kyntien syllok pharshi.
8. Ym dei ban klet ban buh ia ki dak sahngesh`ha ki jaka kiba dei.
9. Ka jingthoh ka dei ban paw kum ka jong phi hi.
10. Da ai kyrteng ia ka jingthoh ne pasoh ba ki nongpule kin kham kem ia ka jingmut.
11. Wat noh mynsiem lada don ki kyntien kiba eh bad bym sngewthuh, ïaid lait ia ki bad bat thik ia ka mat-pdeng.'
12. Ka Pasoh kaba bha ka dei ban long tang shiteng ne shibynta na ka lai bynta jong ka trai.



## 1. KI NUKSA

(a) Ka dohnud u briew ka long kum ka kper syntiew kaba U Blei u la ai ha ngi ban thung ban tep. Namar kata, dei ban thung tang ia kiei kiei kiba bha bad ba itynnad bad weng ia kiei kiei kiba sniew bad ijli kiba lah ban san ha ka. Lym kumta ka kper jong ka dohnud jong ngi kan long kaba shrah bad kaba sniew dur. Ka kamram ba kongsan jong ngi ka long, namar kata, ban pyndep ia kine ki ar tylli ki kamram kiba ha khmat da kaba kyrpad ia U Blei ba un iarap bad kyrkhu ia ngi khnang ba ka sngi kan tyngshaiñ, ki umjer kin jaw, u slap un hap ba ki diengsoh diengkwei kin san kin plung bad kin seisoh kyrhai. Dei da kumta keiñ ba ka dohnud jong ngi kaba long ka kper kaba itynnad, ka paradise hapoh jong ngi.

### *Jubab: Ka bneng hapoh jong ngi*

U Blei u ai ha ngi ka dohnud ha kaba ngi lah ban btep ia kiei kiei kiba bha bad weng ia kiei kiei kiba sniew. Lada ngi leh kumta, da ka jingkyrkhu U Blei, ngin ioh ka kper ba kynja bneng jong ka jingsuk hapoh jong ngi.

(b) Ia u briew lah ban tip na ki kot ba u pule bad na ki lok kiba u ialang; namar ka don ka jingialong lok bad ki kot kumjuh ruh bad ki briew bad barabor ngi dei ban im bad ki lok kiba bha. Ka kot kaba bha ka long kumjuh kum u lok uba bha. Ka iai long kumjuh bad kam ju kylla. Kam ju phaidien ne lyndet na ngi la ha ka shipa ne ka sngewbha. Ka pdiang ia ngi da ka juh ka jingieit bad jingkmén. Ka bthah ka hikai ia ngi ha ka jinglong samla bad pyntngen ia ngi ha ka jinglong tymmen.

**Jubab: *Ki kot kum ki lok***

Ki kot kiba bha ki long ki paralok ba bha tam. U paralok u lah ban kylla ha ka jinglong, hynrei ki kot kiba bha kim ju kylla. Barabor ki long kiba sbun: kiba btin ia ngi ha ka jinglongsamla bad kiba pyntngen bad pynshaid bor ia ngi ha ka jinglong tymmen.

(k) Ha ka por jong ka thma Russia, uwei na ki doktor ba pawnam u la kwah ban sumar nyngkong ia u rangbah shipai. U Napoleon tang shu iöhi ia kane u la kynhet jraiñ, "Ka kamram jong phi ka long ban sumar ia baroh kiba mynsaw ym tang ia uno uno u briew kyrpang." Haba u kulai u la jan noh halor u shipai Russia ba mynsaw, uwei na ki general U Napoleon u la ong, "U dei tang u shipai Russia." U Napoleon haba u iöhsngew ia kane u la kem ktien, "Hadien jong ka jingjop ym don shipai Russia ne shipai Phran, baroh ki dei ki para bynriew."

**Jubab: *Ki dei ki Para bynriew***

U Napoelon u long kham khraw kum u briew ban kum u nongialam shipai bakhraw. U bthah ia u doktor ban sumar khlem jingshiliang khmat la ia u langrut ne u rangbah shipai. Haba uwei na ki shipai Russia ba mynsaw u la jan shah lymban ha u kulai, U Napoleon u la iada ia u bad bthah ia baroh ba hadien jong ka jingjop baroh ki dei ki para bynriew.

(d) La iathuh ba shisien u Padsha ka Ri China u la ioh jingtip ba ki nongshun jong u ki la lum ka kynhun shipai pyrshah ia u ha kawei ka jylla. Mar kumta u la

hukum ia ki rangbah shipai ban laid ryngkat bad u sha kata ka jylla bad pyndem ia ki. Baroh kila pyrshah bad khmih lynti ba u Padsha un pynjot thiaw ia ki. Hynrei tang shu poi ki nongialeh pyrshah ki la pyndem wait pyndem stieh bad u padsha u leh sbun da kaba map ei ia ki. Kane ka la pynbitar lep ia u Myntri Rangbah u ong, "Patsha ba don burom, hato da kumne phi pyndep ia la ka hukum ? Ka hukum jong phi ka long ban pynjot thiaw ia ki, hynrei mynta pat phi la map bad leh shun ia ki pynban."

"Hoid, Myntri Rangbah, ia kata nga la kular bad mynta nga la pyndep la ka kular. Ha khmih mynta kim long shuh ki nongshun; ki long ki lok jong nga."

**Jubab: *Ka jingmap ei, ka kput ba donburom***

Shisien ka la don ka jingkhieh pyrshah ia u Padsha China na kawei ka dong jong ka hima. Shisyndon u ai hukum ba dei ban pyndem ia ki da ka bor. Hynrei ynda u la poi ha kata ka jaka ki nongialeh pyrshah kila pyndem wait pyndem stieh khlem da faleh. U Padsha u map bad leh sbun ia ki. Hynrei u Myntri Rangbah u pynkynmaw ba ka hukum jong u ka long ban pyndem ym ban map. U Padsha u la jubab ba namar mynta kim dei shuh ki nongshun, u la pyndep ia la ka hukum.

**Note:** Ha ka poetry ka long kham eh ban pynlyngkot ia ka pasoh jong kano kano ka poim namar ba ia ki kyntien poetri la thoh lyngkot eh katba ka jingmut pat kaba iar. Namar kata, ban wan rah ia ka jingmut kaba biang ym lah satia ban pynlyngkot. Teng teng la hap ban nang pyniar pynban.

*Nuksa: (i)*      Ki jingjaw um ba rit,  
                     Bad ki phngit symboh shyiap,  
                     Ki pynlang ka duriaw bah  
                     Bad ka khyndew ba radbah;  
                     Kumjuh ki khyllipmat ba rit,  
                     La kim i myntoi shisha,  
                     Ki pynlong ia ki 'arta bah,  
                     Sha ka bymjukut ki sah.

***Jubab: Khyndiat pa khyndiat***

Kumba ia ka duriaw la pynlang da ki jingjaw um  
 bad ia ka khyndew bah da ki phngit shyiap ba rit, kumta  
 ruh ia ki rta bah bad ka bymjukut la pynlong da ki  
 khyllipmat barit.

*(ii)*      Ki jingleh sbun ba rit,  
                     Wat la kim i myntoi,  
                     Hynrei haba kim don,  
                     Jingim sha khlaw ka poi.  
                     Ki jingleh sbun ba rit,  
                     Ka spah bym lah kheifkor,  
                     Wat la ki paw khunlung,  
                     'Siar nylla ki kham kor.  
                     Ki jingleh sbun barit,  
                     Ki 'tien ieit ba jar jar,  
                     Pynlong bneng ia pyrthei,  
                     Ba lait war na jynjar.

**Jubab: *Lehsbun da jingieit***

Ka jingsbun ha ka ktien bad ka kam kim pynlut ksan ei ei pynban ki long ka spah bym lah kheiñ dor. Ki pynlong ia ka jigim ha pyrthei kaba suk, ba kmen bad ba laitwar na ki jingjynjar.

- (iii)    Ai jingim kan long kum syntiew,  
           Ba pynkmen pynshngaiñ ia baroh;  
           Hun ban puh ha lum ne dymmiew,  
           Ha raring ne ha jaka sboh.  
           Ai jingim kan long kum jingrwai,  
           Ba sopsapaiñ dohnud kiba mong;  
           Ba ai bor dohnud kiba swai,  
           Bad nongrwai ki khor ba un phong.  
           Ai jingim kan long kum diengduh,  
           Ban kyrshan ba tlot ba sator,  
           Bor baroh ban theh sei ban puh,  
           Ban iarap kiwei ban ioh bor.  
           Ai jingim kan long ka khubor,  
           Ba pynum, pynkmen pyn jai jai,  
           Ba jingngeit kan skhem khlem jingdor,  
           Ha nongrim ba phylla kynjai.

**Jubab: *Kane nga kwah***

Ai jingim kan long ka jingkmnen bad jingshngaiñ, ka nongiarap ha ki jingdonkam, ka nongpyntngen ha ki jingsngewsih, ka nongkyrshan ha ki jingtlot bad ka nongai mynsiem ia kiba duh jingkyrmen. Kaba hun ha ki jingpynñaid U Blei bad kaba shaniah skhem ha u ha kiei kiei baroh.

- (iv) Ar ngut ki riwsaid hadien ka mamla,  
 Ki ia kynjut kti ba la wai ka thma,  
 U barem u shri da jingdom u kren,  
 "Kumno yn long lok bad u bseĩn u thlen !"  
 "Khun ka Bieit thalngeng," hapdeng ki riwain,  
 Kum syrti khaiĩshi, tang ia ka pdeng keĩn  
 [ki daiĩ."

**Jubab: *Ki riwain bad ki mamla***

Ki syrti khaiĩshi ki long kiba nep pynban kim ju ia ot kawei ia kawei pat lait tang ia kano kano kaba hap hapdeng jong ki. Kumjuh ruh ki long ki riwain. Hapoh jingbisha ki ia talain ki ia pyneh kum ban ia bam doh. Hynrei habar ka jingbisha kim ia shun ne sngewsih. Tang ki mamla keĩn kiba shah ot shah tar na ki shyrti jong ki.

- (v) Jingim bym don ki jingialeh,  
 Long tang ri khlaw ba ieng saiheh;  
 Ki jingshah jop ba sngewshyrkhei,  
 Buh jingkyrmen ha snieh pyrthei,  
 La bun bunsien ba phi kyllon,  
 Wat shah jingtieng ia phi kan phon,  
 Ieng joit b'la khreh da bor thymmai,  
 Kut jingmut triang naduh tynrai;  
 Don ka kamra ha ka pyrthei,  
 Ka library jong ki jingtrei,  
 Tih na dyngkhong bad bat skhem triang,  
 Jingjop kan wan ha por ba biang.

**Jubab: *Ki jingskhem jingmut***

Ka jingim khlem ki jingialeh dei ka jingim kaba duk. Ki jingkyllon bad ki jingshah jop ki long ki rishot bad ki paia ka jingim; kiba ai ym tang ka jingkyrmen bad jingkhlaia mynsiem, hynrei, ka bor jingiaishah kaba wanrah ia ka jingjop.

- (vi) Lada ka sneng na la rympei—  
 Ka tlot kam ju sawa,  
 Basniew ba jot ka shnong ka thaw,  
 Hato da pyrkhat bha,  
 Ka daw jingsniew kam dei na khlaw,  
 Na rympei la bakla.  
 Khnang ba ka ri kan roi kan bha,  
 Ka shnong kan suk kan saia,  
 Khnang ban tip briew ki khun samla,  
 Ka rympei dei ban khlaia;  
 Da ka jingieit ka sneng ka kraw,  
 Da jingtipbriew tipblei,  
 Ki khun samla kin ia kynmaw,  
 Rympei baieit I Mei.

**Jubab: *Pynkhlaia na rympei***

Ka ri bad ka jaitbynriew ka jot ka pra namar ba ka sneng ka puramit ha rympei ka tlot. Haba ka sniew ka smeh ka kiew ha ka long rynleng kynthai shynrang la ju kynnoh ba ki bor kiba nabar ki khyrniom ia ka imlang ka sahang. Lada ka jaitbynriew ka angnud ban ioh ia ka imlang sahang ba kynjai ba hormot, ka tipbriew tipblei ka dei ban speh na rympei.

(vii) Teng teng ha suiñbneng kaba iar bad bakhraw,  
 Ki khlur ba phylla tang teng teng ki ju paw;  
 Tyngshaiñ la jingshai bad ki phet noh sha jngai,  
 Phalang tang shi por bad ki slem ban wan phai;  
 Ki briew ba phylla ki man long mawkordor,  
 La iap bad jingiap ki iai im ha ka por,  
 Ia ki, katba mon, phi kynthup ne phi pda;  
 Kum sngi ki phyrnai, ki thymmai da ki rta,  
 Ha tlang ka jingim ne ha miet ba dum bnai,  
 Duriaw ba kynting da ki dew ka jingswai;  
 Sha ki keiñ ngi khmied, ba kan wan ka jingshai,  
 Bad ki ban syllok, khnang ba ummat ba kin wai.

**Jubab: *Ki Riewphylla***

Kumba ha sahit bneng tang teng teng ki paw ki  
 khlur ba phyrnai, kumjuh ruh ia ki briew kiba khraw tang  
 teng teng eh la wan kha ha pyrtnei ban ai jingshai ia u  
 bynriew. Ia ki ka pyrtnei ka lah ban pdiang ne kyntait  
 kampher namar ki iai im bad ki iai kren wat la ki la iap.  
 Bad ha ki por baeh bad ba sohsat jingim tang ma ki kiba  
 lah ban ai ka jingshai bad jingtnen mynsiem.

(viii) Dang iap ka pyrtnei jingkhaw wang ka plie,  
 Ki kam ka iehnoh la khmat ka khyllie,  
 Ki lum ki jinriew ka iaid pahara,  
 Ki duit bad ki khriang ki tuid khlem pyrwa;  
 Ki phlang ki kynbat, ki dieng ki syntiew,  
 Khlem ñiew shiliang khmat ka shat ka kyrsiew;  
 Ka iaid khlem sahnggeh mynsiem ka kyndeh,  
 Teng teng ka khapbrip ba shoh samthiah eh;  
 Hynrei ka sngewthuh la kam ban trei dep,



Naduh dang shu mih haduh ban da sep;  
 Ka tang peit ki khmat pyrtnei ka sngewshngaiñ,  
 Ki rong laiphew jait mariang ka ñai sam,  
 Naduh ki riewhok haduh ki dusmon,  
 Ka peit da jingieit, rit khraw katba don;  
 Kum syiem ka bun kam synshar la pyrtnei,  
 Jingieit ka pyndep ki kam katba dei.

***Jubab: Ko Mei-ngi baieit***

Naduh dang step phyrngap ka Mei-ngi ka phriang la jingshai. Ka kysiew thiah da jingdoh ia ki lum ki wah, ki phlang ki kynbat, ki dieng ki siej bad ia baroh ki jingthaw shityllup ka pyrtnei. Khlem sahnggeh ka ñaid na mihngi sha sepñgi ban pynsyaid pynshngaiñ ia ka pyrtnei ka mariang. Da ki rong ba phylla ka pyndeng pynkup ba ka mariang kan puh kan phieng bad kan kmen. Ka ieit khlem shiliang khmat ia ki jingpynlong baroh bad ka synshar ha ka jingsuk bad jingñia ryngkat.

(ix) Ki ktien ba la khlei, hei kynmaw kim sepei,  
 Jar jar la ki ngam khlem sawa ruh ei ei,  
 Ki suh la u thied bad ki sei la u soh,  
 U soh jingpyrto ne u soh jingkynnoh;  
 Jingdung ka mynsiem, da ki ktien kiba ngam,  
 Ki suh sha 'leiñshyieng bad ki par ha ka snam,  
 Dawai kam donbor, ka jwat wat ka por,  
 Ban weng ia ki sni, jong ki ktien kiba khor;  
 Ki ktien nongaiksuid ne ki ktien ba shong blei,  
 Ki dur la ki pher, ka thymmei tang kawei;  
 Jingpang ki pynkhia, ia jingmong ki syrpai,  
 Jingtngen ki wanrah, ia dohnud ba la swai.

***Jubab: Ki Kyntien ba jem***

Na ka shyntur u briew ki mih ki kyntien kiba khor bad ki kyntien kiba jem. Ki kyntien kiba pynsngewbha bad ki kyntien kiba pynsngewsih. Ki kyntien kiba khor ki tynrah haduh tynrai ka dohnud bad ki pynsniew ia ka jingmut jingpyrkhat. Katba ki kyntien kiba jem ki don ka bor ban khem umjem umjah bad pyntngen wat ia ki dohnud kiba pait bad ba pra.

- (x) Ko khun ka ri, shikhrum ka bneng,  
 Baroh ngi wad jingshai kylleng,  
 Ha sngap ka khanatang ia phi,  
 Kumno hyndai ba im ki kni;  
 Kino ki kur ki kha ki man,  
 Ki tip kumno ka Dur kan wan;  
 Ki don ka sang ki tip ka ma,  
 Ioh pom pyrthat ioh dait u khla;  
 Baroh ki don ka pud ka sam,  
 Ki sang sha liang kiwei ban jam,  
 Ki ai kyliang ki ai palat,  
 Ka don ka wan ka leit ryngkat;  
 Ka iap ka im ruh dang kawei,  
 Synshar ka suk shisnieh pyrthei.

***Jubab: Ioh ngi klet***

Ki kfi ki kpa jongngi hyndai ki long kiba khraw. Ki tip kino ki kur kino ki kha bad kim ju ryngkang sha ba bakla. Ki im tipbriew tipblei bad kim khwan kim rhah. Ka imlang sahleng ka suk ka palei bad ka synshar ka khadar ka beit ka ryntih ba ka hok ka synshar. Ha ka suk ne shipa ki iarap iabeh markylliang.

## LYNNONG - II

### KUMNO BAN THOH ESSAY

#### I. KAEI KA ESSAY ?

Naduh ki klas kibu rit la hikai ba ka senten ka dei ka kynhun jong ki kyntien kaba wanrah ia ka jingmut kaba shai halor kano kano ka bynta ba ngi ong ne kren Ki senten pat kiba kren ia kajuh ka phang ki pynlong ia ka paragraph. Ki paragraph pat kiba kren ne batai kham ni ia kane ka juh ka phang bad kiba ka jingmut jong ki ka iasnoh ter ter ki pynlong ia ka Essay (Ese). Ka Essay, namar kata, ka long ka jingthoh ryntih da ki paragraph halor kano kano ka bynta ne subject ba ngi kwah ban thoh.

#### II. KUMNO BAN THOH ESSAY ?

Kine harum ki long ki mat ba kongsan kumno bad ha kano ka rukom yn sdang ia ka essay.

- (a) **Ka jingjied:** Ha ka por eksamin la phriang bun tylli ki subject ba ngin jied. Ia kane la dei ban leh kham kloi bad da kaba pyrkhat: kata ka mut ia kano kano ka subject kaba phi tip bad lah bha. Shisien ba phi la jied ym dei ban kylla.
- (b) **Ki mat:** Lada ia ki mat ym shym la ai lypa, donkam ban khan biang pa biang kumno ban buh ia ki mat bad ha kano ka rukom ba phin pynfar ia ki khnang

ba ka essay baroh kawei kan long kaba ryntih bad ba ïaid beit thik naduh ba sdang haduh ban da kut Lada jia pat ba ia ki mat la dep ai lypa buh jingmut thik kumno pat ban pynñar ia ki katkum ka phang ba la kdew. Ia kane dei ban leh da ki paragraph kiba don ka jingñasnoh kawei bad kawei ban wanrah ia ka jingmut kyllum ba phi don ban kren halor kata ka subject.

- (k) **Kumno ban pynñar ia kine ki mat:** Sdang ia ka paragraph da kano kano ka jingmut ba thymmai kaba kiwei pat ki jingmut kin bud ter ter katkum ki paragraph. Nangta pynkut ia ka essay da kaba phi ai la ka jingkynthoh halor kaei kaba phi la thoh ne kaei ba phi don ban kren halor ka subject baroh kawei.
- (d) **Ka jingai jingmut:** Pyrshang ban thoh da ki senten kiba jem bad ba suk ban sngewthuh. Kiar na kaba pyndonkam da ki kyntien kiba eh ne da ki senten kiba jrong. Bud ryntih ia ki aiñ jingsahngeh ne jingbthah (punctuation). Da bishar bha ruh ba kawei ka senten bad kawei pat ka dei ban don ka jingñasnoh. Ha kaju ruh ka rukom kawei ka paragraph bad kawei pat ka dei ban don ka jingbteng jong ki jingmut jingpyrkhat.
- (e) **Ka jingpule arsien (revision):** Hadien ba ia ka essay la dep thoh dei ban don ka por ban ïoh pule ia ka khnang ba lah ban pynbeit ia ki jingbakla ne

pynbiang ia ki jingduna kiba lah ban don hangne hangtai. Donkam ban phikir bha khamtam ia ki jingspel dak bad ki jingdkoh kiba don ha ki senten khamtam ki jingsahngeh bad jingkdew (punctuation), ba ka jingmut kan jlih kan ryntih bad sngewtynnad.

- III. **KI JART Essay:** Ki don bun jait bun rukom ki essay kiba ym nym n̄iewtang lut hangne. La katta ruh lah ban shu ia bynta kyllum tang ha ki lai bynta –

- (i) Ka Essay kaba shu batai (Descriptive)
- (ii) Ka Essay kaba shu iathuh\* (Narrative)
- (iii) Ka Essay kaba shu phalang (Reflective)

Hynrei wat kane ka jingphiah ruh kam lah ban long pyrkhing haduh katta namar haman la kawei pa kawei na kine ki essay ka don ka jingiakhleh. Ha ka essay kaba shu batai ka don kaba shu iathuh ne shu phalang bad ha kaba shu phalang ka don ruh kaba shu iathuh ne shu batai.

- (i) **Ka Essay ba shu batai:** *Ka dur kyllum.*

- A. **Ki Jaka ba pawnam:** Ka skul, ka ling mane, Sohra, Jowai, Shillong, Delhi bad kiwei. Ka dur kyllum jong ka Essay ka dei ban long kumne:–

1. Hangno ka don ? 2. Ka donnam namar balei ? 3. Ka jinglong ka mariang - ka jingshit jingkhriat 4. Ki nongshong shnong, ka jinglong jong ki, ka niam

ka rukom, ki dustur ki riti, ka trei ka ktah bad kiwei  
 5. Ki jingdon jingem ba ka mariang ka ai, ka khañi  
 ka pateng bad kiwei 6. Ka jingpynkut.

**B. Ki mrad ki mreng, ki sim ki doh:**

1. Ka dur 2. Ka jinglong 3. Ka jaka shong  
 4. Ka jingbam 5. Ki jingmlen 6. Ki jingdonkam  
 7. Ka jingpynkut.

**K. Ki mar ki mata (kum ka dewiong, Ka umphniang sharak, U Mawshun, Ki dieng ki siej bad kiwei)**

1. Ka jingbatai lyngkot 2. Hangno lah ban shem  
 3. Kumno yn pyndonkam ia ki 4. Kumno ki iarap  
 ia ka khih ka kamai, ka trei ka ktah, ka khañi ka  
 pateng 5. Ka jingpynkut.

**D. Ki jingjia (Ka nemsnieuw, ka jingshleu um, u jumai, ka khlam, ka thma bad kiwei).**

1. Ka jingsdang (da kaba batai kyllum) 2. Ki daw  
 3. Ki jingmih 4. Ki jingjia ba mynshuwa 5. Ki  
 jingiada ne jingiarap 6. Ka jingpynkut (kiei ki lad  
 jingiada ba kan nym wan pat).

**(ii) Ka Essay kaba shu iathuh: Ka dur kyllum**

**A. Ki jingjia kiba jia: Ka jingialehkai phutbol, Ka shad suk mynsiem, Ka thang syiem Sohra, Ka pom blang Nongkrem, ka phur ka siang bad kiwei.**

1. Ka por, ka jaka bad ka daw 2. Kumno ki leh bad ha kano ka rukom la pynñaid 3. Kiei ki jingmih nangne 4. Ka rukom ngeit bad ka rukom pyrkhat 5. Ka jingpynkut (da kaba ai la ki jingkynthoh).

**B. Shaphang ka jingim jong uno uno u briew:**

1. Ka sngi bad ka jaka kha: Ki kmie ki kpa bad ka jinghiar pateng 2. Ki sngi ka jinglong khynnah (ka trei ka ktah ka pule ka dangle) 3. Ki kam ba u trei 4. Aïu u ai ia la ki para briew 5. Ka jingñap 6. Ka jingpynkut (aïu phi den ban kren ne aïu phi ñoh jinghikai na ka jingim jong u).

**K. Ka jingleit lynti:**

1. Ka por bad jaka 2. Ki daw ne jingjia 3. Ka jingpynkhreh pynkhrum 4. Bad no bad ha kano ka rukom 5. Ki jingñohi bad jingñashem ha kane ka jingleit 6. Ka jingpynkut.

**(iii) Ka essay kaba shu phalang: Ka dur kyllum.**

Kane ka long ka essay kaba phalang bad mih na ka jingpyrkhat bad jingsngewthuh u nongthoh ban pynwan ia ka dur jong kano kano ka subject kaba u kwah ban pynpaw kum – Ka jingwan tista bad biang por, Ka jingñaiashah, ka jingjemnud, ka jingieit, ka jingryntih bad kumta ter ter. Ia kiba kum kine ki jait essay dei ban sdang. kumne:–

1. Ka jingsdang (ka dei ban long kaba sngewtynnad da kaba kiar, lada lah, ban batai ia ka jingmut jong

ka). 2. Ka jingtai bad jingpynwan ia ki jingmut ter ter 3. Lada don kano kano ka numuna ne jingfathuh khana kaba ia hap bad ka jingmut jong kane kaba kham pynshai ia ka phang. 4. Ka jingpynkut (kaba tuid hi na ka jingmut jingpyrkhat u nongthoh).

Kine harum ki long ki nomuna essay kiba don ryngkat ki jingbthah jingkdew (outline) khnang ban sngewthuh kumno ban sdang, ban batai bad pynñar ryntih ryngkat ka jingpynkut.



# 1. KA CINEMA: KI JINGBHA BAD JINGSNIEW KIBA DON HA KA.

(Ki mat: i. Ka jingsdang ii. Ka jingpdiang paitbah  
iii. Ka jingmyntoi iv. Ka jingduh jingmyntoi v. Ka  
jingpynkut)

Ngi im ha ka juk jong ki jingphylla jong ka saian  
bad ka teknologi (technology) ryngkat ki jinglap buit  
thymmai ba phylla jong u briew. Ka cinema ka long kawei  
na kita ki jinglap buit thymmai kaba la pynlyngnoh ia ka  
pyrthei.

Ha kane ka juk ñiar eh ban don ka nongbah kaba  
ym don ki ñing cinema namar ba ki briew ki kwah bad  
sngewtynnad ia ka. Khamtam lei lei haba ki wan ki phlim  
kiba thymmai bad itynnad, ki ñing cinema ki dap ki shlei.  
Ki nongkwah peitkai ki ñeng da u laiñ ban thied tiket.  
Teng teng ka don ka jingia knieh thied tiket haduh ba la i  
thamula. Hynrei ynda kila rung hapoh ñing cinema bad  
ki ñohi ia ki dur ba itynnad ki klet lut ia ka jingfaphngian  
bad jingfaknieh, kaba teng teng ka pynkat ia ki sopti ki  
patlun bad pynmynsaw ia ki kti; ki shong khop ha ka  
pyrthei thymmai jong ki dur ki dar kiba pynkmen bad  
pynkhih ia ka dohnud jong ki.

Balei ba ka cinema ka khring haduh katne katne ia  
ki briew ka long namar ba ki ñoh ia ka jingpynsngewbha  
ia lade ha ka dor kaba tad ha ki shuki kiba jem. Ki nongpor  
bad ki nongkyndong ki ñoh ka juh ka jingsngewbha bad

jingkmen namar lyngba ki phlim kiba pher ba pher ki ïohi ia ka mynta, ka hynnin bad ka lashai. La rah rngai ia ki shipor sha ki ri kiba jngai bad ki jaka bapher bapher jong ka pyrthei. Ki ia kynduh markhmat ia ki jingjia ba harrukom, kiba pynproh bad pynpyrkhat ia ki.

Lyngba ki cinema ki tip ia kiba bun ki jingiathuh khana kiba hyndai bad mynta bad da la ki jong ki khmat ki ïohi kumno ki im bad ki pyrkhat. Lyngba ki cinema ki ïohi ia ki nongrwai bad ïohsngew ia ki jingrwai kiba sngewtynnad tam; kiba pynum bad pynshoh ia ka dohnud jong ki. Kum kine ki jingpynsngew tyinnad kiba tang kiba riewspah ki ïoh, mynta lyngba ka cinema ki paitbah hormaria ki ia ïoh bynta lem. Ka cinema ka ai ka jingknen jingsngewtynnad kaba pynklet ia ki jingeh bad jingban khia baroh jong ka jingim. Dei kine ki daw balei ba ka cinema ka ring paitbah haduh katne katne sha lade.

Ka cinema ka ai ym tang ka jingpynkmen pynsngewbha ka ai ruh ka jingtip bad jinghikai ha kiba bun ki phang ka jingim. Ka ïathuh ia ngi kumno ki briew ha ki ri kiba pher ba pher ki im bad ki pyrkhat. Kumno ka saian bad ka teknoloji ka shem buit thymmai bad ha kano ka rukom la pyntrei kam ia ki na ka bynta ka jingroi bad jingïaid shaphrang jong u bynriew. Lyngba ka cinema lah ban ïohi ia baroh ki jingjia kiba jia ha ka pyrthei. Khamtam na ka bynta kito ki bym don spah ban ïaidkai pyrthei lyngba ka cinema ki lah ban ïohi ia ki ri bad ki jaka bapher bapher jong ka pyrthei bad ia shem bad baroh ki jaitbynriew jong ka.

Ha kajuh ka por ym dei ban klet ha don ki cinema kiba isaitmet ban peit, kiba pynskun bad pynsniew ia ka dohnud ki nongpeitkai. Kine ki phlim ki thadrong ia ka jinglyngkar jong ka jing-longbriew. Khamtam ha ka juk mynta ba ka jingkangar spah kala shongkulai ha ka jabieng ki nongpynmih phlim: kala poi ka juk ha kaba ka kmie bad u khun, ka khun bad u kpa kim lah shuh ban ia shong lang hapoh iing cineina namar ki ktah ia ka burom ka ijot jong ka longbriew manbriew. Namar kata, kum ki briew kiba shai bad kiba sian ngi dei ban nang ban jied kino ki phlim kiba ngi dei ban leit bad kino kiba ngin dei ban leit. Mynta hadien jong ka jingmih jong ka television ka dor jong ka cinema kala nanghiar irat.

Kawei ka jingshisha kaba ym dei ban klet ka long ba ha ki bynta baroh jong ka jingim u briew don kaba bha bad don kaba sniew. Kum ki nongpeit cinema kiba stad ngi dei ban shim ia ka nuksa jong u ngap. U ngap u her, u dem bad u kjit um na ki syntiew kiba iwbihi bad ba itynnad tam kumjuh ruh na ki jaka kiba jaboh bad jakhlia tam; hynrei u wanrah sha la ka ksing tang ia kaba lha tam-ka ngap. Ha kajuh ka rukom ngi dei ban nang ban jied ia kaba bha bad kaba donburom bad kyntait ia kaba sniew bad ba jahburom.



## 2. KA RADIO BAD KA JUK MYNTA

(Ki mat: Ngi sngewthuh aŭu da kaba ong Radio - Ka jingthmu ba kongsan - ka jingsngap paitbah - Ka jingdonkam - ki jingmyntoi bad ki jingduh jingmyntoi - Ka jingpynkut)

Napdeng ki jinglap buŭt stad thymmai jong ka saian kiba la kyntiew ia ka pyrkhāt pyrdaiñ, ka trei ka ktah bad ka imlang sahang: ka radio ka long kawei na kita ki jingkyrkhu jong ka saian. Ka pyrthei jong ka juk mynta kam lah shuh ban im khlem ka radio bad lada shim noh ia ka, ka pyrthei hi baroh kawei kan don ha ka jingran dadien ha kiei kiei baroh.

Haba ngi kren shaphang ka radio ngim mut satia ia ka machine hynrei ngi kren shaphang ka jingpynphriang (broadcasting) kaba wan na kano ka radio station kaba ki briew shityllup ki ŭohsngew lyngba ki radio set jong ki. Kaba phylla ka long ba kane ka jingpynphriang la, ha ki khubor, ki jingkren, ki jingbtah bad jinghikai, ki jingpyntip bad ki jingrwai donkam tang ban plie ia ka radio set bad ŭohsngew ia ki baroh. Ka radio ha kine ki sngi kala kylla long ka tiar kaba kawei pa kawei ka ŭing ka kwah ban don.

Ka jingthmu ba kongsan jong ki nongpynŭaid radio ka long - 1. Ban pyntip la, da ka khubor ia ki jingjia sawdong ka pyrthei ne da ki jingbthah bad jingkren kiba ki sngewthuh ba ki paitbah ki don hok ban tip. 2. Ban ai jinghikai la, ha ka thoh ka pule, ka rep ka riang, ka trei

ka ktah, ka khañi ka pateng bad kiwei bad 3. Ban pynsngewbha ia ki nongsngap la, da ka rwai ka siaw, ka put ka tem, ka biria biraiñ bad kiwei. Lyngba kine ki lai tylli ki mat la pynwan bad kysoi ia ka mynsiem ieit ri, ka jinglasngew jan bad jingsngew shipara, ia ka mynsiem fiiewkor fiiewburom uwei ia uwei pat, ka shongsuk shongsaiñ bad ka jinglañiew ia ryngkat parabriew. Ka radio kam ailad ia ka jingsngewniam, sngewjait sngewkynja kiba lah ban wanrah ia ka jinglashut iadait ha ka ri. Kine ki dei ki dawbah balei ba ka radio ka loh ia ka jingshaniah bad jingkyrshan jong ka ri bad u paitbah.

Ha kane ka juk ki briew kim lah ban im khlem ka radio. Ki kwah ban tip añu ba jia ha ka pyrthei bad kumno ka synshar ka khadar ka laid. Ki kwah ruh ban tip shaphang ka rep ka riang, ka trei ka ktah, ka khañi ka pateng bad kiwei. Da kaba shong harud ka radio ha la ka kamra lah ban lohsngew ia ki jingkren kiba sngewtynnad tam bad ki jingrwai kiba bang tam da ki nongkren bad nongrwai ba pawnam ka pyrthei. Ha ka juk mynta kano kano ka jingjia ha kano kano ka dong jong ka pyrthei lah ban pynphriang sawdong ka pyrthei tang hapoh ar minit. Ka radio ka ai ym tang ka jingtip, ka ai ruh ka jingtngen bad jingpynjah thait khamtam haba ngi la wan na la ki jingtrei. Ban pyntngen bad pynjah thait ia lade ngi plie ia ka radio bad sngap ia ki jingrwai bad jingkren kiba pynum ia ka dohnud jong ngi.

Ha ka juk kaba mynta baroh ngi kwah ban tip ia ki khubor bad jingjia sawdong ka pyrthei. Tang ka radio kaba lah ban pynbiang ia kane ka jingkwah. Kito pat

kiba kwah ban tip shaphang ki kam ki jam, ka trei ka ktah, ka khaïi ka pateng bad ki dor ki mur sawdong ka ri bad ka pyrthei ki phai sha ka radio namar tang ma ka kaba lah ban pynbiang ia kine ki jingkwah. Khamtam ha ka ri jong ngi kaba ka thoh ka pule ka dang duna, tang ka radio kaba lah ban pynsawa ia ka ri shityllup bad iathuh ia ki jingthmu bad jingtnei jong ka sorkar. Namar kata, ban pynbiang ia ki jingkwah bapher bapher jong ki nongsangap, la bate ia ka por na ka bynta ki subject bad ki phang jingkren baroh. Kino kino kiba kwah bad angewtynnad ia kano kano ka phang jingstad ki lah ban jied ia la ka por bad ioh jingmyntoi na ka. Ki khynnah skul ki lah ban ioh bun ki jingtip kiba pynmyntoi ia ki da kaba ki shahshkor ia ki jingkren jong ki nonghika ba pawnam ha ki subject bapher bapher.

Ka radio namar kata, ka long ka bor: ka bor ban ioh ia ka jingkyrshan bad jingsynrop u paitbah. Kano kano ka Sorkar kaba kwah ia ka jingkyrshan bad jingsnoh kti u paitbah ka pyndonkam ia ka radio kum ka shyntur jong ka. Ha kajuh ka por ruh ka long kaba ma lada ka kynhun ne ka sorkar ka pyndonkam bakla ia ka radio. Ka radio ka lah ban wanrah ia ka jingsuk ne jing'aleh markynti, ka jingroi ne ka jingjot ia ka ri bad ka jaitbynriew lada ki nongpyniaid jong ka kim don ka jingieit bad jingkitkhlieh ia ka ri bad ka jaitbynriew. Dei namar kine ki daw ba ha ki por thma ka radio station ka dei ka sohpdung ba nyngkong jong ki nongshun. Ka liang kaba ioh bat ia ka radio, ka bat ia ka jingsynshar bad jingtaid beit laid ryntih ha ka ri.

Ka pyrthei ha kine ki sngi ka wad ia ka jingsuk bad jingialong shipara. Baroh ki sngewthuh ba ki thma bad ki jingialeh ki dei ki nongshun jong u briew, kiba shimnoh ia ka jingroi, jingsuk bad jingkmien na u : ki kwah ia ka jingiatrei lang bad jingiasnoh kti lang kawei ban ialeh pyrshah ia ka duk ka thngan, ka pang ka lanot, ka jingbiet bad jingsahdien. Ban pynphriang ia kane ka khubor babha ym don atiar kaba khamkhlañ ban ia ka radio kaba lah ban pynkhih bad pynpoi sha katei ka thong.

\* \* \*

### 3. KA KOT KHUBOR

(Ki mat: Jingsdang – jait kot khubor – sañ pyrthei, niam, saian bad kiwei – ka lad pynphriang khubor, jingtip bad jingshem thymmai – ki khubor ha ka ri – jingmyntoi – jingpynkut.)

Katba ka jingtip ka nangroi bad ka jingstad ka nangiar ki jingdonkam jong u briew ki nangbun. Ha ki ri kiba la shai bad iaid sha khmat ka kot khubor kala kylla long kum ka jingbam step jingbam miet kaba ki briew ki sliang ki thngan khlem da ioh ia ka. Ka jabieng ka thngan ban tip shuh shuh ia kiei kiei kiba jia ba long ha ka pyrthei bad tang ka kot khubor kaba lah ban pynbiang ia kane ka jingthrang.

Kumba ka paw ki don bun jait ki kot khubor ha ki phang jingtip bad jingtrei bapher bapher. Ki don ki kot khubor kiba kren shaphang ka niam bad ka jingngeit, ki don kiba kren shaphang ka trei ka ktah bad ka laitkam laitjam, ki don kiba kren bad iathuh shaphang ka saian bad ka jingshem buit thymmai jong ka, ki don kiba kren shaphang ka trei ka ktah bad ka imlang sahang bad kiba kham bun ki kren bad iathuh shaphang ki jingjia kiba man ka sngi kiba mih na ka imlang sahang bad ka synshar ka khadar. Hynrei baroh na kine ki kot khubor ki don kawei ka jingthmu, ban kyntiew ia ka longbriew manbriew la ha ka liang ba kynjadoh ne ka liang ba kynja mynsiem: ban pyniar ia ka pyrkhat pyrdaiñ bad ka tipbriew tiplei.

Ki kot khubor ha kine ki sngi kim long shuh tang ki nongĩathuh bad nongpynphriang khubor hynrei ki nongpashad jingmut kiba don la ka jingthmu. Ka daw jong kane baroh ka long namar ia kine ki kot khubor la kyrshan bad pynmih da ki kynja Seng saiñ-hima sima ne da ka kynhun jong ki riewshimet kiba don la ka jong ka jingthmu bad jingngeit. Ki dkhot jong kito ki seng ne synjuk pat ki peit sha ki jingthoh u Editor ne ki jingai jingmut jong ki riewkhmat ka seng kum ka jingkdew lynti kumno ban leh haba ki jingeh ki wan ha ka imlang sahang bad ka synshar ka khadar. Kiba kum kine ki kot khubor ki ai jingshai ia ki paitbah nongkyrshan bad iathuh ha kano ka nongrim ka seng jong ki ka ieng. Ki kot khubor kiba ai ia ki jingmut bapher bapher jong ki nongĩalam jong ki kynhun bapher bapher khlem da pynnoh shiliang ia ka tarajur ki ailad ia u paitbah ban bishar da lade kano kaba dei bad kano lait.



Ki kot khubor ka juk mynta kim teh kim khum ia lade tang bad ka saĩnpyrthei. Ki iathuh ruh ia ki jingjia bapher bapher ha ka pyrthei ryngkat ki jingshem lad shem lynti thymmai u briew ha ka liang ka saian bad ka teknoloji, ka litereshor, ka philosophi, ka trei ka ktah, ka khañi ka pateng, ka jingkoit jingkhiah, ki jingialehkai, ki biria birai, ka pule ka puthi bad kumta ter ter khnang ba kito ki nongpule kiba thrang ban tip shuh shuh ha la ka phang jingtip kin tip bad myntoi. Dei namar kitei ki daw balei ba ki kot khubor ki nangmih ter-shi-ter katba nangwan ki sngi bad ba ki nongpule ruh ki nangbun nangbun. Khamtam ha ka juk jong ka synshar paitbah ki kot khubor ki long ka rynsan ban hikai bad pyntip paitbah ia ka nongrim jong kano kano ka Seng saĩnhuma. Ki paitbah ruh ha kajuh ka por ki lah ban pynpaw ym tang ia la ki sap ki phong hynrei khamtam eh ia la ki jong ki jingmut halor kano kano ka subjek kaba ktah ia ka ri bad ka jaitbynriew.

Kine ki daw ki pynlong ia ka kot khubor kaba donbor haduh katta namar lyngba jong ka, u paitbah u pynpaw ia la ka jong ka mon bad jingkyrshan halor kano kano ka mat kaba ktah ia ka imlang sahlang. Ka bor jong ka kot khubor kam shong eh tang ha ki khubor ba ka ai hynrei khamtam eh ia ki jingmut kiba ka btin bad pashad ha u paitbah man ka por. Ki jingai jingmut kiba mih khamtam na ka kti u Editor la pdiang da ki million ki nongpule bad lyngba jong ki ngi loh ia ka mon u paitbah. Hangne ka shong ka bor jong ka kot khubor namar ka lah ban pynkhih ia ki million. U Napoleon u ong, "Nga kham tieng ia ki

artylli ka Kot Khubor ban ia ar-pyrton bah ki shipai." Ka Kot Khubor ka don ruh ka bor kaba khlaif ban iad dyngkhong ia ki jingsniew na ka ri bad ban ialeh pyrshah ia ka jingban beif bad jingthombor ia ka long-briew man-briew kaba don ha kylleng ka pyrthei.

Wat la katne ki Kot Khubor ki don ka bor, ki don ruh ka jingkitkhlieh kaba khia. Ki kot khubor kiba shakri ia ka ri bad ka jaitbynriew ki dei ban long kiba hok bad kiba thoh tang ia kiei kiei kiba donburom bad dei iaroh. Kiba khanglad ban pynphriang ia ka jingia isih jait isih kynja, isih niam isih kynhun bad kiba sopspaiif ia ka longbriew manbriew, ka kad ka pra jong ka ri bad ka jaitbynriew. Bunsien la ju ia kren shaphang ka jinglailuid jong ka kot khubor, hynrei kata ka jinglailuid lada ka hap ha ka kti jong ki bym don ia ka jingkitkhlieh kan pynjot pynpra thiaw ia ka pyrthei.

Namar kata, ka Kot khubor kam dei ban long kaba khia shiliang ka man. Ka kam kaba kyntang ba ka don ka long ban ri ia ka hok bad jinglailuid jong u paitbah. Ban tem ia ki bor pynpait pynpra bad ban ialam ia ka ri sha ka jingsuk bad jingkyrmen. U Myllung haba u pule ia ki jinglamler ha ki kot khubor ha ka thma Bah Ba-ar u kynud pangnud kumne- "Ko briew, wat pynkylla ia ki khlaw sha ka jinglamler!" Ka kamram kaba kongsan jong ki kot khubor ka long nyngkong ban shakri ia ka ri bad ka jaitbynriew.

#### 4. KA JINGPULE IA KA SAIAN

(Ki mat: Ka pynroi ia ka bor pyrkhath – bor peitthuh – bor sngewthuh ia ka jingmaian ka mariang – jingitynnad – jingphylla ka mariang – jingkoit jingkhiah – iada na ka jingpang – nongshun – pynñajan ia ka ri – radio, T. V. telegraph, telephone, television bad kiwei - jingsniew – tiarthma – jingpynkut.)

Haba la kylli ia uwei u riewstad la u ngcit ne em ba ka saian ka long ka nongshun ba khrawtam jong u briew ? Ka jubab ka long – “Em, – Ka long ka paralok u briew”. Ynda la kylli pat, “Kaei ka jingeh ba khrawtam jong u briew ?” Ka jubab ka long – “U briew.” “Ila kano ka rukom ?” ka jubab ka long, “U briew u don ka bor pyrkhath bad ym don mano mano ba lah ban teh-lakam ia ka. Ma ka kaba pyndonkam bakla ia ki jingkyrkhu baroh jong ka saian ”

Bun ki kynnoh ba ki jingeh katne ba ka pyrthei ka mad, ki dei ki daw jong ka saian. Hynrei kane kam lang kaba shisha. Ka daw jong ki jingeh ka mih haba u briew u pyndonkam bakla ia ka saian namar ka jingkhwan bad jinglalot kangar jong u. Namar kata, ka jingpule ia ka saian ka pynroi bad pynñar ia ka bor pyrkhath. Ym lah ban len ba ka saian kala pynkylla bak lbak ia ka jingim u briew. Kala jop ia ki hor ka mariang. Ki bor kiba ju long ki nongshun jong u, ninyta ki long ki mraw bad ki nongñarap.

Lada u briew u pyndonkam hok ia ki jingshem buit ka saian ha kaba tei bad pynbha, ka pyrthei kaba ngi im

kan kylla long ka paradise: ka ri jong ka jingsuk, jingkmén bad jingphahuh kyrhai. Ka saian kala pynkylla ri seisoh ia ki ri shyiap ba òap, kala jop ia ka jingjingai, kala jop ia ki jingpang, kala jop ia ka duk ka thngan, kala jop ia ka jingbieit bad kala pynsuk ia u briew ha ki bynta baroh. Khlem artatien ka jingpule ia ka saian kala pynkylla bak lbak ia ka bor pyrkhath bad bor peitthuh. Kiei kiei kiba um ju phohsniew mynta kila urlong, kiei kiei kiba um ju òohi mynta u la òohi, kiei kiei kiba um ju tip mynta u la tip bad katba nangroi ka jingpule ia ka saian katta kan nang òarap ia u briew ban sngewthuh shuh shuh ia ki jingmañan baroh kiba don ha ka Mariang.

Ha ki por mynhyndai ki briew kim sngewthuh shibun shaphang ka mariang bad ki bor kiba don ha ka. Namar kata, ki tieng bad ki mane blei ia ki. Hoid, ki poi wat shaduh u pud ban kñia briew ban pynsuk ia kita ki bor. Ka jingroi jong ka saian ka batai ia ngi kumno la pynlong ia ka lyer u slap, kumno la pynlong ia u pyrthat bad u phria, kumno la pynlong ia ka òor bad u thah, kumno la pynlong ia ki lum mihding, kumno la pynlong ia ki jingjylliew jong ki duriaw, kumno la pynlong ia ki jingpang bad ha kano ka rukom yn òada na ki. Ka jingpule ia ka saian ka òathuh ia ngi kumno bad balei ka mariang ka kylla dur ia lade, kumno ki dieng ki òarap bad shakri ia u briew, kumno bad ha kano ka rukom ka mariang ka pynñaid beit pynñaid ryntih ia lade bad balei u briew u donkam ia kiwei pat ki para jingthaw ban im lang lada u kwah ban long uba suk, bakmen bad uba dap kyrhai. Da kaba pule ia ka saian ngi tip pleng ki dieng ki siej bad ki

kynbat ki phlang ki dei ki tor jong ka mariang: ki nongpynkhuid bad ki nongpyndap lyer khuid, kiba ym tang ba ki bat ia ka sboh ba kan nym saphret saphrong, hynrei ki long ruh ki nongpyndap dewlor: ka khyndew kaba tang ma ka kaba don ia ka bor sei bor pynmih.

Lyngba ka jingpule iaka saian ngi tip ba ki dieng ki siej ki long ki tor ka mariang kiba pynmih lyer khuid oxyjen bad kiba tan ia ka lyer jakhlia Carbon dioxide. Ki dieng ki siej ki long ki nongbuh beit buh ryntih ia ka jingshit jingkhriat bad ki nongkhring ia u slap ban hap ha ka por kaba biang. Nalor ba ki pynlang ia ka dewlor, ki teh ruh ia ka khyndew ba kan nym tuid nym twa. Ki long ruh ki nongkynshew ia ka um bad ki nongnguid ia ka jingsawa kaba long ka jingmynsaw ia ka jingkoit jingkhiah u briew. Nalor kine, ka saian ka lap ruh ia ki kor ki bor bad ki dawai dashin kumno ban shem ia ki jingpang ha ka met u briew bad kumno ban pynkoit ia ki. Khamtam ha kane ka juk jong ka Television ka telegraph, ka telephon, ki supersonic jet, ki atom bomb, ki hydrogen bomb bad kiwei, ka jingpule ia ka saian ka iathuh ia ngi ba ka pyrthei ym tang ka nang rit nang rit hynrei ka lah ruh ban pynjot thiaw ia ka pyrthei tang ha ka shikhyllipmat.

Ka jingpule ia ka saian ka ai ka jingsngewthuh ia ngi ba u briew u long u kynrad nongjop jong ka pyrthei. Ka jingsuk bad jingjynjar ki shong ha ka kti jong u. Ki jingshem buit baroh jong ka saian kim pynmynsaw ei ei ia u briew lada u briew u nang ban pyndonkam ia ki.

Bunsien ka jingsniew ka mih namar ba u briew u pyndonkam bakla ia ki. Namar kata, ka jingroi ha ka jingpule ia ka saian ka iathuh ia ngi ia ka jingroi jong u briew. Ka jingroi jong u briew ka iathuh ba ka jingsuk, jingkmien bad jingdap kyrhai ka synshar lynda ka jingkhwan bad jinglalot ki tuh noh ia ka bor shemphang jong u.

\* \* \*

## 5. KA AKOR BABHA

(Ki mat: Jingsdang – akor batani ha pyrthei – ka akor ka baiseng ia u briew – ka pyniapher ia u briew na u mrad – jingburom, jingkohnguh – aiñ tynrai longbriew manbriew – don akor don burom – ka akor kam lut, ka thied ia ka pyrthei – jingpynkut.)

Na ki jingdeng bakor baroh jong ka jingim, ka akor ka dei kaba tam. Ka kham pynphuh pynphieng ia ka jingim ban ia ki paila bad ki mohonmala. Ka kham pynphyrnai ia ka dur khmat ban ia ki jingsum jingsleh baroh kiba ki rang bad ki thei samla ki ieit. Ka kham iwbih ban ia u 'tiewdiengngai bad u lasubon kiba pynsieng ia u lyer ka jingim: bad ym don jingbhabriew kaba lah ban ia nujor bad ka akor babha.

Ka akor ka sdang na rympei kaba long ka shlem ka jingim. Kam dei ka atiar kaba la don lypa. Ka mih ka

kyrsoi na ki jinghikai bad ki jingpynmlien kiba ki kmie ki kpa ki bsap hapoh jong ngi. Suki bad irat ki khun ki pynwandur ia ka jingim u briew ban plung bad phuh itynnad ha ka imlang sahlang. Bunsien ka akor babha ka iaid ryngkat ryngkat bad ka jinglong babha jong u briew. Ka isih ia kiei kiei kiba jahburom, kiba bitnam, kiba runar, kiba jakhlia bad kiba pyntroiñ ia ka jingim. Ka ieit pat ia kiei kiei kiba donburom, kiba dei iarah, kiba khuid bad kiba pynsngewbha ia u briew bad U Blei. Ka long syriem kum ka baiseng ka jingim. Namar, dei ka akor babha kaba pynsian, pynstad, pynproh bad pynshongdor thik pa thik ia ka dor jong ka jingim. Tang ki briew kiba don akor ki tip uei u briew bad uei U Blei: ba ka tipbriew tipblei ka synshar ia ka jingim jong ki.

Ki briew kiba don ia ka akor babha ki sngewthuh kiei ki kyntien ba ki dei ban kren bad kiei kiba kim dei. Ki tip kaei kaba ki dei ban leh bad kaei kaba kim dei ban leh. Hoid, ki sngewthuh da ka jingshai mynsiem kaei ka jingrwai ba ki dei ban rwai bad kaei ba kim dei ban rwai. Ka akor babha ka hikai ia u briew kumno ban kren hakhmat kiba halor, kumno ban leh hakhmat ki meikha ki meisan bad kumno ban im hapdeng ki lok ki jor. Kine ki jinglong ki khring kum ka magnet ia kiwei pat ban ieit bad burom. Dei namar kane ka daw ba ki kmie ki kpa bad ki kmie—nah kmie—san ki sneng puramit ia la ki khun ki kti ban iaid don akor, ban kren donakor bad ban ri kyndong ia la ka burom ka ijot hangno hangno ba ngi don bad shano shano ba ngi leit, ba ka pyrthei kan nym loh kdew kti ne kynliw ia ka jingim jong ngi. Ym don

pangngiat kaba kham phyrnai ha ka jingim u briew ban na ka jingim babha bad ba donburom. Ka long ruh kaba shisha ba u briew un nym lah ban long uba don burom bad babha lada um long uba don akor. Shim noh ia ka akor na u briew, u briew un nym fapher eh na u mrad. Namar kata, ia ki briew kiba sniew akor sniew jinglong ki ju sin 'akor mrad' ne 'akor ksuid': namar ba ka jinglong kaba don ha ki kam fapher na kitei. Ki tymmen ki ju sneng ieit – "Khun, ksiew, kynmaw; ka akor kaba tam ho ha pyrthei."

Shisien uwei u riewtymmen u la leit ban rung ha kawei ka jaka faleh-kai kaba la dap khapngiah mam. Ki samla Athens ynda ki lohi ia u ki rkhe beifi bad leh thamula. Hynrei ynda u poi ha ka jaka ba shong ki samla Sparta baroh kila ia feng burom ban ai jaka ia u. Shuwa ba un shong une u tymmen u la ong. "Ki samla Athens ki stad hynrei kim don akor katba ki Samla Sparta pat ym tang ba ki stad bad ki shlur, ki long ruh kiba donakor: kiba nang ban burom ia ka khlieh kaba la phuh fihlieh." Kane ka jingkynthoh kala pynrem jur ia ki samla Athens haduh ba kila hap ban panmap na u bad tyrwa ia la ki jaka shong ba un shong.

Ki kyntien kiba donakor ki pynkynriah wat ia ka jingbitar bad ki jop wat ia u nongahun hi. Ki briew ki ieit bad burom ia kiba donakor bad ki isih ia kiba sniew-akor. Ym dei ban klet ba ka akor la, ha ka ktien ne ka kam, kam ju lut; pynban ka thied ia ka pyrthei baroh kawei. Ka akor kam thew tang ka jingladei ha ka ktien ka thylliej



ne ki kam ki jam ha ka jingladei bad kiwei: ka thew khamtam ia ka jingladei shimet, kumno ngi im ngi paw ha ting ha sem ne ha ka imlang sahlang. Ka akor babha ka hikai ia u briew ban long uba adkar, ba jai - jai ba sngewrit, ba kohnguh, ba beit bad ba ieit ia kiei kiei kiba itynnad bad ba donburom. Kine ki jinglong ki long kum ki paila mohonmala jong ka jingim: kiba U Blei bad u briew ki sngewbha.


Baroh ngi ieit ia kiba donakor don burom bad baroh ngi isih ia kiba sniew akor sniew jinglong. Ki khun kiba donakor ki long ka pansngiat ia u kpa bad ka kmie kaba kha. Ki ioh ka burom bad jingiaroh na baroh katba ki khun kiba sniew akor sniew jinglong ki long ka jinglehraiñ ia ka longrynñeng jong ki.

\* \* \*

## 6. LADA PHI MON PHIN JOP

(Ki mat: Ka lamphrang - ka pyrtnei ka madan thma - u briew um dei ban tieng - ka thong ka long ban tur sha khmat - haba kyllon ym dei ban duh mynsiem - ym don kawei ka jingeh kaba u briew um jop lada u mon bad u skhem - ki jingeh ki long ki mawjam ka jingim - tur shaphrang - jingpynkut.)

Ka jingjop kam shong ha ka jingkhlaif bor lymne ha ka jingbun paid, hynrei ha ka mynsiem ba shynrang:



ka mynsiem kaba bein ia ki jingeh. Ha ki jing'aleh baroh jong ka jingim ym dei ban kynran dien. Tang ki briew kiba shlor ki mad ia u soh ka jingjop. Ka burom bad ki kyrdan kiba halor ka ap tang ia kito kiba nud ban pein ia ka lieng ka jingim lyngba ki dew bad ki jingatphyllung.

Ka pyrthei ba ngi im ka dei ka madan thma. Ha kane ka thma jingim ngi dei ban tur shaphrang khlem jingtieng. Lada ngi long ki bym skhem ha ka jing'aleh, da lei lei ngin nym lah ban jop. Bunsien ngi shah phyrnop ha ki pungktieh ahor jong ka jingkyllon tang namar ba ngim long kiba skhem jingmut. Ngi tang shu hap ha ki tyrsim ka jingshahjop kloï lan ngi dei ban kyndit bynriew, lym kumta ngin king ia ka lieng ka jingim ha ka jingbym kyrmen. Mano ba ong ba ngim lah ban jop ia la ki jingeh! Ka jingkyllon ka dei kaei ba u briew un noh mynsiem ? Ngim dei ban klet ba ka jingkyllon ka dei ka nongpynngang bad ka nonghikai bakhraw. U briew u ba la mad ia ki jingkyllon u ioh hikai kein na ki. Barabor ngi dei ban shim ba ki jingkyllon bad jingshah jop ki don la ka nong ban ai na sha lyndet lada ngim noh mynsiem. Wat klet ba katba u briew u dang don ia ka mynsiem ba angnud bad ka mon ban jop, un jop da shisha.

Bunsien ngi kyllon namar ngim mon ba kine kin khyrwait ia ka jingim jong ngi. Ngi sngew ba ka jingban jong ki ka la pynkhrew ia ki shyieng bad pynlwet ia ka doh. Thik ngi long kum u nongkit jingkit ha shiteng thiep ba la ban yia shi yia sngew kumba ym lah kyrda shuh. Hynrei lada u long uba iaishah bad ba kut jingmut skhem un poi ha kliar lum ba lait thiep ban bam ban dih ia ki

'erpyngngad batemon batesi, hynrei lada u bret noh ia la ka jingkit shiteng lynti un duh ei ia la ka bainong. Kumjuh ruh haba kiba kum kine ki jingeh ki wan ngim dei ban peit arsut sha riat hynrei artet sha kliar ki lum.

Kynmaw ba ym don kawei ruh ka jingeh ha ka jingim u briew kaba um lah ban jop lada u mon. Ha khmat ka mon ki kynroh jingeh ki pra, ki lum ki madan bad ki riat ki twa; hoid, wat ki ksuid hi ki shyrkhei. Añu pat ba ngin jer kiba u briew um shym lah ban jop! Ka duriaw ka mane, ki lum ki kohnguh bad ki bor ka mariang hi ki hap khrop ha ka mon u briew. Kiba kum kine ki long ka jinghikai ia ngi ba ngin jop lada ngi bein pyrshah ia ki jingeh baroh kiba bein pyrshah ia ka jingim jong ngi.

Ngim dei ban klet ba ym don kawei pat ka lynti sha ka shnong ka jingjop. Bun ki briew kiba la kiew sha khlieh ki lah ban leh kumta namar ki don ka mon ba jwat: ka mon ka bym pdiang ia ka jingshah jop. Ki riewstad ki ong, "Lada phi kwah ban ioh ia ka jingiwbihi jong u 'tiewkulap, khñiot ia u." U myllung S. J. Duncan u rwai kumne—

*"Nang jur ka shah shoh, katta nga nang dom,  
Ban jop ia ka thong, katta ka nang skuiñ."*

Ki jingeh ki long ki mawkyndon da kiba ngi lah ban kiew sha jrong. Ki dei ki nongpynñaw bad nongkdew lynti ia u ba bakla lynti: ki pynshynrang bad pynskuiñ ia u briew ban jop. U Bruce ka Scotland u jop lyngba ki jingshah jop. Lynda ngi jop ia ki jingeh ngin nym shem

jingsuk ha ka mynsiem namar, ka jinghun ka dohnud ka shong hadien jong ka jing'aleh.

Ki jingeh namar kata, ki long ki jingkyrkhu ia u ba nud ban ia panpoh bad ka jingtim ia u khawpud. Ka jingim khlem ki jing'aleh ka long ka jingim kaba kyrduh sat. Kum u maji uba la paitlieng bunsien u snah ba u 'oh jinghikai, kumjuh long u brieve u ba la mad ia ki jingeh ha ka jingim da ka mon bajwat.

Lada u brieve u khñium ia ki jingeh, u long thik kum ka samla kaba kyrthat bad ksaid mynba la sam ia ki shkor jong ka, namar ba kam sngewthuh ba na kito ki jingmong kan deng da ka ksiar nylla. Don bun ki brieve ki bym mon ban leh ei ei shuh namar ba kim lah ban leh kambah. Ka jing'aishah bad ka jingstad ki phet noh na ki: ki rit mynsiem bad ki duh jingkyrmen. Ki klet noh ba ka jingkhraw jong u brieve ka shong shibun eh ha ki kam kiba rit kiba u leh bad lada u long u bym hok ha kaba rit u long u bym hok ha kaba khraw.

Ban jop donkam ia ka mynsiem kaba shlur bad ka mon ba jwat. Hapdeng ki jingshah jop ym dei ban duh jingkyrmen. Kut jingmut bad 'ai pyneh. Lehse ka nusib kaba shetthai hynnin kan rkhe rymmuiñ ia ngi la shai lada ngim duh jingkyrmen ha ka thma ka jingim. Haba ngi don ka mon ban 'aleh, ki jingeh baroh kin um kum u thah ha ki kjat sngi. Hynrei uta uba kwah ban jop bad u bym mon ban 'aleh u long kum u brieve uba bieit uba tei la ka ting halor u shyiap ka ramia.

## 7. KA SPAH MARIANG KA RI KHASI

(Ki mat: Jingsdang- ki khlaw ki btap-marpo  
khyndew- ki wah, ki kshaid, ki pung, ki bir - ka khyndew  
ba sboh - jingitynnad ka mariang- jingpyntrei kam ia ki  
- ki jingmyntoi- kyntiew ia ka roi ka par-ka jingioh jingkot  
- ki jingsniew kiba mih na ka jingpyndonkam bakla -  
jingpynkut.)

Ka jingkylli kaba hakhmat ka mih - Kaei ka  
mariang ! Ngì sngewthuh aũ da kaba ong 'ka pyrthei ka  
mariang'? Ka mariang ka kynthup ia ka pyrthei ka  
mariang bad ei ei baroh katba don sawdong ha ka - ka  
suiñbneng bad ka haw haw sha jrong, ka ramew bad ka  
meiramew, ki duriaw bad ki jingjylliew jong ka bad ei ei  
katba don ha sawkun jong ka kiba ngi iohi bad kiba ngim  
iohi. Haba kren kyllum, ka mariang ka kynthup ia kiei  
kiei baroh ha sawkun jong ka. Kine ki pynlong ia ka  
mariang kaba im bad kaba ai jungim: ka kmie jong ki  
jingpynlong baroh.

Lada bishar ia ka Ri Khasi na kitei ki dong, ka Ri  
Khasi ka dei ka ri kaba la kyrkhu kyrpang: ki lum ba  
pyngngad, ki wahduid bad ki wah bah ba khlir khlir, ki  
thwei ba jngum bad ki kshaid ba rymphum, ki khlaw ki  
btap bad ki dieng ki siej, ka khyndew basboh bad ki pyntha  
ba seiso, ki par bad ki mar poh khyndew bym lah  
ñiewtang, ki ñiut ki ñier bad ki kymbat, ki maw bad ki  
dewbyrtha ba har-rukum, u slap bad ka lyer kiba wan  
biang por, ka jingshit jingkhriat kaba thanda ryngkat ki  
sawsamoi ba thiang kiba pynhun ia ka dohnud u briew.  
Kum ka ñiar eh ngin shem ha ka pyrthei.

Ha ka liang jong ka spah mariang, u Nongthaw Nongbuh u la ai kyrpang ia ka ri Khasi. Khamtam haba kren shaphang ki khlaw ki btap, ka mariang ka la thehsei la ki jingkyrkhu. Namar ka jinglong ba kyrpang jong ka ri Khasi khamtam ha ka jingshit jingkhriat, u slap bad ka lyer, lah ban ioh la jan baroh ki jait dieng bha. Ka bynta ba shaphang shathie ka pawnam ha kaba pynmih ki dieng bha ki dieng rai, ki bti, ki bylliat, ki spah, ki Sohram, ki diengsaw, ki tnawtham bad kiwei. Ka bynta kaba shatei pat ka pynmih bun eh ki dieng sal, ki lphiang, ki bti bad kiwei. Katba ka bynta kaba hapdeng, mihngi bad sepngi ki pynmih bun ki dieng kseh bad kiwei kiwei ki kynja diengmet. Kine ki long ka spah bah jong ka ri bad ki ai jingmyntoi shibun ia ki briew. Ka ri Khasi ka shalan dieng sha Assam, Bihar, Bengal bad Bangladesh bad lajan baroh ki Sleeper ba siang ha ki lynti rel bad ki jingkieng la pyndonkam da ki dieng eh ba pynmih na ri Khasi.

Nalor jong kine ka ri Khasi ka pynmih bun jait ki soh ki pai naduh u sohphan u sohtrun, u sohñiamtra, u kwai bad bun jait kiwei pat ki kynja soh kiba ñaid iew bha ha ri dkhar. La ong ba ka ri Khasi ka shalan sohñiamtra da ki phew ki spah lak tylli shisnem shisnem bad kine ki wan rah ka spah ka hajar ia ka ri. Namar ba ka khyndew ka long kaba im bad ba seisoh ka pynmih ruh bun bah ki jhur ki jhep bad ki kynja phan kiba ñaid shalan bha sha ri dkhar. Ki baden bad ki stir ki pynthor pat ki pynmih bun u khaw u kba bad kiwei pat ki kynja jingrep shipor.

Ka ri Khasi ka long kaba riewspah ha ka liang ki mar pohkhyndew kum u dewiong, ka dewbyrtha, u mawshun, u mawshynrut, ka eitlymbit, ka umphniang sharak, ka uranium bad kiwei kiwei ki kynja maw ba kordor. Lada pyntreikam ia ki katkum ka juk kaba mynta kan wanrah bun ka spah ka hajar bad ai jingtrei ia kiba bun ha ka ri. Bun na kine ki spah mariang ki shu sah kumto ha khlaw namar ba ym don surok ne lynti syngkieng ban kit ban bah. Lehse ka por kan poi ha kaba yn pyntrei kam ia kine ki jingkyshew baroh jong ka mariang bad hangta ka ri Khasi kan long kaba phuhmut phuhmat. Ki riewstad dawai ki ong ba ñiar ban don ka ri ha ka pyrthei kaba riewspah ha ki jhur ki jhep. ki phan ki kymbat bad ki jyrmie ki jyrthang dawai. Kine ki long ki spah ka mariang kiba ka ai sbun ia ka ri Khasi.

Ka ri Khasi ka long kaba riewspah ruh ha ka liang ki wah, ki pung, ki bir, bad ki kshaid. Lada yn pyndonkam ia ki ha ka rukom kaba dei, ka ri Khasi ka lah ban ai ding elektrik ia ka North East bad ka Bangladesh baroh kawei. Kane kan wanrah shibun ka spah ka hajar bad plie bun ki kam ki duk. Lada ia ki wah, ki thwei bad ki pung ki bir la pyndonkam thikna ia ki ha kaba ri dohkha bad ha kaba shna ia ki nur um; ym tang ba ka ri Khasi kan biang pahuh ka dohkha bad pynseisoh ia kiba bun ki jaka: kan wanrah ruh ia ka nongrim thymmai jong ka khiih ka kama ha ka ri.

Hynrei ia kane kawei ym dei ban klet ba lada u bynriew u pyndonkam bakla ia ki jingkyrkhu ka mariang,

ka mariang hi kan lynsher ia u. Ka la don ka jingud kaba khraw ha ka ri halor ka jingtyrkhong bad jingbym wan u slap ha ka por kaba biang. Kumjuh ruh ka jingshoh ka khlam ka tram ia ki jingthung jingtep. Ka daw jong kane baroh ka long namar ba u briew u la leh tohmet ia ka mariang. Ha ka jingkhwan u briew u lute ia ki khlaw ki btap bad haba ki khlaw ki btap kim don shuh ki um ki wah ki tyrkhong. U slap um wan shuh ha ka por kaba biang. Ki jingthung jingtep ki tram bad ka khlam ka rap ka boi. Haba ki khlaw kim don shuh ki mrad ki sim ki her yap bad ki khñiang har rukom ki roi ki bam ia ki jingthung jingtep. Ka khyndew ka tyrkhong ka lyngki bad ia ka sboh ka sbur la rong noh da u slap bad ka lyer. Kumjuh ruh ban ñoh ia ki mar poh khyndew, u bynriew u pyntwa ia ki lum ki wah khlem pyrkhat. Kine kiei kiei suki pa suki ki ñeng nongshun pyrshah ia u bynriew.

Katne ka Mariang ka la ai kylluid ia ka spah jong ka ha ri jong ngi. Namar kata, ngi dei ban sngewthuh aïu ka mariang ka kwah na ngi. Ki riwstad ki ong ba ki kyntien jong ka mariang bad ki kyntien jong ka jingstad ki long ki juh. Kita kiba sngewthuh bad burom ia ki kyntien jong ka, ki long da shisha ki briew kiba stad bad ba shemphang.



## 8. KA JINGMINOT KA WANLAM IA KA JINGJOP

(Ki mat: Lamphrang-ka mut aŭ – kumno ka pynpaw ia ka lawei ba phyrnai – kumno ka long u shabi sha ka jingjop – ki nuksa – kumno ki riewstad ki kren shaphang jong ka – ka jingpynkut.)

Ym don shabi uba lah ban plie ia ka lawei ba phyrnai lait na ka jingminot. Ki riewstad ki ong, “Ka jinglong khynnah ka batai ia ka jinglong rangbah, kumba ka step ka batai ia ka jinglong jong ka sngi baroh kawei.” Ka jingminot, namar kata, ka dei u mawjam sha ka jingjop. U briew u ba minot ha la ka jong ka kam da shisha u ïoh ia ka jingjop.

Nyngkong eh dei ban sngewthuh kaei ka jingminot. Ki kmie ki kpa ki ju sneng kumne ia la ki khun ki kti: “Khun, minot ba phin ïoh kheit ia u soh bathiang ka jingim.” Ia kito pat kiba jaituh bad alhia ki ju ong kumne: “Ka lawei jong ki ka long kaba dum.” Katno ki kmie ki kpa ki kmen haba ki ïohi ba ki khun ki minot ha la ki kam ne ki jingpule. Namar ba ki da tip skhem ba ka lawei jong ki ka long kaba don jingkyrmen. Hynrei ki kthang bad pait dohnud pat haba ki ïohi ba ki khun jong ki kim minot; ki pynsyrrwa ei ia la ka por bad ka bor. Ym dei ban klet ba ka jingminot ka long tang ma ka, ka bor sharyngkuid ba leh kambah ha ka jingim. Ki tymmen ki ju ong, “U myrsiang thiah sngi um ju ïoh kem syiar.” Tang ki briew kiba don ia ka shap ‘lai minot’ ha ka jingim kiba lah ban kiew sha ki kliar lum jong ka jingim. Namar, tang uba trei minot u san.

Ka jingminot ka dei u shabi ksiar ka jingjop. Ym dei ban ngeit ha ka bor jadu ne ka bor duwai khlem trei: namar ka jingminot hi ka dei ka bor jadu ba kynsai tam. La ong ba shisien la don uwei u misteri uba minot bad ba ni bha ha ka jingtrei. Uwei u nongbishar u la phah ia u ban shna ia kawei ka shuki ha ka iing bishar. Une u misteri u la trei ni bad itynnad bha ia ka. Ki paralok jong u ki kwah ban tip balei ba u leh kumta. Ka jubab kaba wan na u ka long ba u kwah ban shong ha ka shisien ka sngi. Shisha da ka jingtrei minot khatduh u kylla long u nongbishar. Namar, katba kiwei ki nang iohthiah bad buaid ha ki kam kai, katba ma u pat u dem thop ban pule bad duriap ha ka skul miet ba u leit. U kiew hakhmat hakhmat na kawei ka klas sha kawei pat haduh ba un da long nongbishar syndon.

Ki riewshemphang ki ong, "ki khun tam sneng kim ju long ei ei" bad ka long ruh kaba shisha. Ym don u briew uba la kiew sha ki kliar lum jong ka nam u bym shym la minot bad trei shitom. Ki don lai tylli ki kyndon ba kongsan ha ka jingim u briew – ka jingminot, ka jingtrei shitom bad ka jinglong hok: Kiba pynkiew ia ka jingim u briew. Ym don ruh kawei ka jingjop ne jingshem buit bakhraw ha ka pyrthei kaba shu wan urlong hi khlem ka jingminot bad jingjaw syep. U Myllung u rwai ia kine ki kyntien—

*"Haba phi trei jingtrei,  
La buit la bor to sei,  
Ha uba don ka mon,  
Ha u jingjop ka don.*

*Sha kliar ki lum to peit,  
Ha juh wat shong lynggeit,  
Ki um ba shngiam to dih,  
Shaphrang ngin tur ngin mih.*

*Ka sngi ka lah ban shoh,  
Ki shuah kin tar ka doh,  
Khlem riey shaphrang kynjoh,  
Triang la syngkat punpoh."*

Kane kawei ym dei ban klet ba ka jingminot ka dei ka kmie ka jingjop. Uta uba kwah ban jop bad u bym mon ban ãleh had minot u long uba bieit, uba pynshong nongrim ia la ka jingim ha suiñ. Ha ùba kum uta ka jingshemphang kam lah ban shong umpai.

\* \* \*

## **9. KA JINGARSAP : KA BYNTA KA JINGIM**

(Ki mat: Kaei ka jingarsap - naduh mynno ka sdang - Kumno ka riam ka beit ia lade - Kumno ki riew niam ki pynrem ia ka - katno ka nangsan nangiar - katno ka buhrieh ia lade - kumno ka bsap ha uwei pa uwei - katba nangshai nangarsap - jingpynkut )

U myllung haba u puson shaphang ka jingarsap jongka dohnud u briew u kynud tymfang da kine ki kyntien -

*Ko jingarsap da kino sha ki kjat pha sher,  
Ko jingarsap halor thapniang kynsha aïu pha per ?*

Ka jingarsap ka la don bad kan ïai don katba u briew u dang don ha sla pyrthei. Lah eh ba kan pynpher ia lade ha ka dur, ka sur bad ka rynïeng rynïot katba ka jinglong ka neh ka juh. Ka dei ka jingstad ban pynilub bad pyniphuh iphieng da ki atiar u ksuid bad da ka khmat phuhsamrkhie u angel bad tuh kyntang ia ka dohnud kiba lui lui da u thylliej pnah jali jaum. Katno ngi ju kwah ban ïohi ia ka pynban ngim lah ban ïohi. Ngi tip ba ka jingarsap ka don bad u riewarsap ruh u don wat la ngim ïohi ia u. Namar kata, to ngin ia snoh kti ban pynrem ia ka wat la ka don hangno hangno. U Milton u rwai bynñiew kumne:-

*Lymne ki briew ne angel ia pha kim ïohi,  
Marwei ha pneh jingsniew pha thum pha jngi,  
Kumba snaïap ka ïaid pham ju paw syrngiew,  
Sa tang U Blei u i kumno ka piam h'u briew,  
Pha bat ka bor jadu bym lah ban thew,  
Thapniang pha siang ha duriaw bad ryngkew !*

To ai ba ngin ia snoh lang ban pynrem ia ka kampher la ka don ha duriaw ne ryngkew, ha rympei ne ha durbar, ha ka saiñ-niam ne saiñ pyrthei, ha dujok ne ha dohnud briew.

Kat kum ki khanatang ia ka jingarsap la kdup bad pynsan da ki riewniam bad ki bakhraw batri. Kano kano ka jaitbynriew kaba kham kiew ka kham ai jaka ia ka

arsap arphong ban bsuh la ka khlieh bad thiah khop khop ha pneh jong ka. Ka jingarsap ka don ka bor ban pynpaw ha ka pyrthei ia kaei kaei ka bym shisha kum kaba shisha. Kum kane ka jingarsap ka kham ioh jaka ha ka niam. Katba haba paw pat ki tangon ia ka khlem tyngkai. Ki Hindu ki don kawei ka jing'iathuh khana kaba kham biria halor kane, ki ong, "Shisien uwei u arsap u kup da ka jaiñkup riewblei bad shukor ia baroh ki riewblei kiba shong sawdong u Brahma. Da ka um-khuid u nud ban synreit pynkhuid wat ia ka jaka bakhuid u Brahma. Baroh ki riewkhuid kiba shong sawdong U Brahma haba ki iohi ia kane ki pyndem la ki khlieh namar kim put ju lap naduh dang long ka pyrthei ban don uwei u riewkhuid uba nud ban synreit umkhuid ia ka jaka bakhuid U Brahma. Ki pdiang sngewbha bad ai jaka ba un wan shakhmat U Brahma. U Brahma da ka khmat ba sngewbha u ong ia u ban shong. Hynrei une u arsap u ong, "Ko trai jong ki jingthaw, kumno keiñ nga lah ban shong ha ka jaka ba la shong kiwei ! Sngewbha ai ia nga ka jaka kaba ym shym pat don mano mano bashong !" U Brahma haba u iohsngew ia kine ki kyntien u ong, "Ko khun, ym don jaka shuh ha bneng ne ha pyrthei kaba ym shym la don ba shong mynshuwa, lait noh tang kawei. Wan bad shong ha pneh jong nga." Ka pneh U Brahma, namar kata, ka dei ka jaka ba bit tam jong u arsap.

Bunsien ki riewshisha ki hap ban ialeh ia ka thma ba shyrkhei pyrshah ia ka jingarsap haduh ba kin da tlot ian, namar katba ki nang tied ka nang khlaifñ. Hynrei wat ai pat ba kane kan pyntngen ia u arsap. U riewarsap

u lah ban shem ka jingkmén kaba tang shipor namar wat la ka lynti u ba hok ka jynjar shisha, hynrei ha kaba khatduh ka hok bad ka jingshisha ka jop thiaw bad ka jingarsap ka pait phiaw kum ka palong ha ki eriong.

Wat la ka jingarsap ka lah eh ban wanrah ka jingbha, la katta ruh dei ban pynrem jur ia ka. Khamtam ha kane ka juk kaba mynta ngi in ha ka jingarsap kaba ym don pita ban thew. Tang ban ioh ia kaba thmu katno ki leh pariah parai bad ithuh ithaw, bad tang shu ioh pat ia kaba ki thmu kim ithuh shuh. Ka jingarsap ka pynpaw ha ki dur, ki khep bad ki por kiba pher. Hynrei la ka paw ha kano kano ka dur ne ia kynduh ha kano kano ka khep bad ka por, shisyndon dei ban pynrem ia ka. U khun u kylli ia la u kpa, "Pa, balei sha ki nongialap man ba ki kren ki phuh syep ki phuh syar?" "Khun," jubab u kpa, "phi i bun kiei kiei kiba ki ialap kim long kiba shisha bad bun kiei kiei kiba ki pynbor ia kiwei ban leh ia lade kim ju leh. Kumta, man ba ki ang ban kren ia kine, ka jingiatiplem ka pynrem ia ki." Hynrei kane kawei ym dei ban klet: wat ki briew kiba stad bad shemphang ki jwat ban ithuh ia ka. Ki riw mynta ki ong ba ka jingarsap ka dei ka bynta jong ka jingim. Ka jingiapher ka long tang kawei la, kata ka jingarsap ka pynsngewsih ne pynsngewbha ia ki lok. Ka jingarsap kaba ym lah ban buhrieh ka long kaba isih. Dei kane kaba pynduh na ngi ia ka jingieit bad jingshaniah kiba bun. Hynrei kito kiba lah ban buhrieh sianti ki ioh wat ban thum ha pneh U Brahma.

U Raleigh, uwei na ki riwain bad u nongsain hima sima ka Ri Bilat u kren ia kine ki kyntien, "Iathuh ia ki briew kiba shong ha ki shuki ba ka kamram jong ki ka long ban nang kiew sha jrong bad leh ia kaba isih bad lada don ba kylli bad kem daw pashat ha ki da ka lamler." Ka history ka iathuh ia ngi kumno ka jingim jong u ka kut. La katta ruh sawspah snem hadien jong u, ia ka juh ka jinglong jong u la pynbud da kiba bun ki nongsynshar ha kine ki sngi. Ka pyrthei ka don tang khyndiat ka jingshisha ba la kynrei than ka jingarsap. Hynrei wat klet pat ia kane – wat ju iathuh ia ka jingshisha kaba kiwei kim sngewtynnad.



## 10. KA JINGKYRMEN

Kumba ka kshaid kam don jingkut ne jingsdang kumta long ki jingkyrmen ha u briew. Ka long ka kpaid ba pynshait bor bad ba pynrhem ia ka dohnud jong u ba un bang ban dih ia ki um ba shngiam ka jingim wat la u iaid ha ri shyiap jingim. Ka pyntngen bad pynshlur ba un jam shaphrang ha ki lawbah jingim. Shim noh ia ka jingkyrmen na u briew, ka jingim jong u kan long tang ka pukri ki jingsngewsih.

Ki jingkwah bad jingangnud u brieve ki long kum ka riat Mawiew bym lah pyndap khyndew. Wia-shi-wia ki mih kum ki khnam na ka ryngkap ka dohnud bad den ki sahkut ha ka sohpdung ka jingkyrmen. Namar, ka jingkyrmen ba shisha kam long bad kaei kaba u brieve u ioh hynrei bad kaei kaba u kwah. Ka jinghun ka dohnud ka sdien ha ka jingialeh ban ioh ia kaba u kwah ym bad kaei kaba u la ioh . Ym don kynroh ban ker ia ki jingangnud ka dohnud bad ha kine u tei ia ka kut baskhem ka jingim. Ka jingim ka bym don shuh ki jingkwah ka long ka jingim kaba iap: kaba ka lieng jong ka ha ka duriaw ka jingbym kyrmen ka king. Ki jingkwah bad ki jingkyrmen ki pynlong ia u brieve u ba im.

Ym dei pat ban pyrkhath ba u brieve u ba ioh lut u long u brieve u ba kmen. U Napoleon u iam paidohnud dohnam namar ba ym don ei ei shuh ban jop. Kane ka pynshisha ba u brieve u shem khyndiat ka jinghun hadien ba u la ioh ia kaba u angnud. Wat la u brieve u kwah bad angnud bun kiei kiei kiba um lah kot, pynban u khnam ka jingim u wiat da ka jingkyrmen. Bunsien u brieve u kwah ban pynpaw pyrthel ia kata ka jingangnud kaba u ngeit ba ka long ka bynta jong ka jingim hi: kaba u peif bad aiti la ka jingim da ka jingkyrmen ban ioh ia ka. Lada u brieve um don ka jingkyrmen kaba wat sha lyndet kane ka jingim um shym iapher ei ei na u mrad. U wad da ka jingkyrmen wat ia kiei kiei kiba kynja mynsiem kiba kaba kynja doh kam lah ban tba ia ki. U rkhe iawbei haba u pyrkhath shaphang jong ki wat la um iohi ne shemphang. Mano bym thrang bad angnud ia ka lawei babha ! Kane



keifi kaba la pynlah ia u briew ban jam ha ki khohruh  
khohram ka jingim da ka jingfaishah bad ka jingkyrmen.

Kumba u nongrep u kyrmen ia kaba bha kumjuh  
ruh long ki kmie ki kpa ia la ki khun. U iohi ba ki thiar  
kin dap kin shlei bad ka thngan ka shipa kan kynriah na  
u: kumba u kpa u iohi bad kyrmen haba ki khun ki heh ki  
plung. Hynrei lada kata ka jingkyrmen ka baji khongpong,  
ka jingim jong u kan long kaba kordit sat. Ki jingkyrmen  
ki long ki nongpynshait bor wat ia kito kiba la khrew  
khriap bad la duh jingkyrmen. Wat ka jingtymmen hi  
kam lah ban pynap ia ka naba ka jingkyrmen ka long ka  
jaka rieh ka jingim. Kampher katno sien ia ka jingim la  
lynthaw da ki dew jingeh, ka jingkyrmen ka khyllie joit ia  
ka. Da ka borbah ba thymmai ka kup ia ki thapniang u  
pukni samla ban her khlem thait bad ban laid khlem lwait  
*sha kata ka thong ka jingim.*

Ka jingkyrmen ka long ka kut bad ka jaka rieh jong  
ki jingkyllon, u diengduh ia u ba tlot bad u nongkdew  
lynti ia kiba kma lynti. Ka dei ka kut baskhem u riewngeit  
bad ka waitlam arliang syrti jong u ba shlur. Kynmaw ba  
ym don u ba ioh lut ia ki jingagnud baroh ha kane ka  
jingim katba ka jingkyrmen pat ka piam ka kdup lut ia ki  
baroh.



## 11. U RIEWSHLUR KA RI KHASI

Napdeng ki phew bad ki spah ki khlur ba la tyngshaiñ ha ka sahit ka Ri Khasi, ka kyrteng jong u Syiem Tirot Sing ka tyngshaiñ khlemjingkah naduh Rondi haduh Kupli bad naduh Lum Kameikha haduh Rupatylli. Ia ka kyrteng bad ka nam jong u yn ñai kynmaw katba ka sngi bad u bnai ki dang ai jingshai.

Katkum ki nati pateng, la kha ia U Tirot Sing ha Mawmluh ha ka snem 1798. U long u briew u ba smat ba sting, ba khlaiñ bad ba dohksah. Ka kti kadiang ka kdor khyndiat namar ba u ur mynba u dang khynnah. Hynrei kam pynwit pynthut pat ia u ban bat 'tìh-rit 'tìh-bah ne ban siat 'tìh-khnam 'tìh-patur ne kawang sling. U tbit bha ban pyndonkam ia ka waitlam bad u sum. U long u ba khlaiñ ban ñaid lynti bad man ka sngi u wan tih mawshun na Mynshu.

Ha ka snem 1812-14 ka khie ka 'Ma Mawkhyrdop ha Mawmluh hapdeng U Haiñsing Syiem bad ki San Myntri namar ba kulmar ka khañ nar sha Shatok ba u kynum U Haiñsing u pynkhleh da u nar Mawsynram ba tad dor. Wat la ka durbar ka rai pynrem, u Haiñsing u ñada. U Konrai Syiem Nongkhlaw, haba u ñohsngew ia kane ka jingia kynat; u wan bad u phut u pyrton ban khem umjem umjah, hynrei U Haiñsing u kren sarong. Ba kumta sa jia ka Ma Mawkhyrdop bad beh krad ia u Haiñsing bad ka kynhun jong u sha Laitkynsew.

Ha ka snem 1826 U Konrai Syiem Nongkhlaw u iap noh bad ka durbar Hima ka jied ia U Tirot Sing ban long Syiem ha ka Hima Nongkhlaw. Ha ka Pyrem jong u snem 1829, hadien jong ka thma Burma; ka East India Company ka kwah ban pom surok lyngba ki lum Khasi ban pyniasnoh ia ka them Surma bad ka them Brahma. U Tirot Sing bad ka Durbar ki liat lor bad kumjuh ruh kiwei ki Syiem Khasi. Ka jingleh beijot bad jingbymkheih briew jong ki shakri Company: ka pynbitar lep ia ki Khasi bad buk ka khie ka thma pyrshah ia ki phareng. Ka jingia umsnam ka la long ha kylleng. Ki riewthma Khasi ki pyniap klep naphang hynrei kim lah ban ieng ia ka borbah ka Hima Bilat. Ki shipai phareng ki thang ia ki shnong ki thaw bad ki pyniap naphang. U Tirot Sing um banse ban phetrich ha Krem Tirot u Lum Diengiei. Ka jingialeh kala long kaba sohsat bad ka neh sawsnem tam ha Nongkhlaw. Khatduh da kaba leh buit sianti la kem ia U Tirot Sing bad la set byndi ha Dacca. La katta ruh kiwei pat ki Syiem Khasi kum U Sngap jong ka Hima Nongstoih bad U Borthan jong ka Hima Shella kim sangeh ia ka jingialeh tad haduh u December, 1839.

Hapdeng jong kine ki por ka Sorkar Company ka la khroh ia U Tirot Sing bunsien ban leit sha Nongkhlaw tang ba un synshar hapoh jong ki, hynrei U Tirot Sing tdot um treh bad u ong," Lah ba iap kum u paitkar ban ia kaba nga im kum u Syiem mraw." Kine ki long ki kyntien kiba donburom bad ba pynpaw ia ka jingieit Ri ba pura. U Tirot Sing u iap kum u koidi ha ka 17 tarik u July, 1834 mynba u dang dap tang 36 snem ka rta.

Ban burom bad pynsah jingkybmaw ia une u riewkhrav, ka sorkar ka tei U Mot Tirot ha Mairang bad ai shuti ha kane ka sngi 17 tarik, July: ban parom pateng la pateng ba U Tirot Sing u iap na ka bynta ka ri bad ka jaidbynriv. To ai ba ka jingim jong u kan long ka nuksa ba wat la u la iap pynban u dang im.

\* \* \*

## 12. KA JINGPYNJAKHLIA IA KA LYER

Ha kane ka juk don artylli kiei kiei kiba byrngem ia ka jingim u briew bad jong ki jingpynlong baroh ha ka Mariang bad kita ki long—ka lyer jakhlia bad ka jingsawa. Kine ki mih namar ba u briew u la nangkiew ha ka jingtip bad jingdap jingroi khlem da phohsniew ei ei ba kin long ka jingmyhsaw ia ka jingim jong u ryngkat bad ki jingpynlong baroh ha ka mariang.

Ka jingpynjakhlia ia ka lyer ka mih na ki atoskhana karkhana, na ki enjin, na ki kali bad ki liengsuiñ ia kiba la pynñaid da ka umphniang petrol, diesel bad kiwei. Khamtam ki karkhana ki pynmih ia ki kynja chemical bad acids kiba sma jakhlia bad ba shitom ban ring bad pynhiar mynsiem. Hoid, ka tдем sikret ruh ka pynjakhlia ia ka lyer hynrei kam da khlaif bor eh haduh katta. Kawei ka kali diesel ka pynmih ka tдем jakhlia ha ka shi second kaba ia ryngkat bad arspah tylli ki sikret. Khamtam ha

ki nongbah ha kaba ki hajar bad ki phew hajar ki kali ki  
 ïaid haman la ka second lah ban sngewthuh haduh katno  
 ki pynmih ka tdem jakhlia ha ka mariang.

Ka ri jongngi ka long kaba dang sahdien kam put  
 sngewthuh haduh katno ki kali ki pynlang jakhlia ha ka  
 lyer. Namar kata, haduh mynta ym pat don satia ka  
 jingkhmih bniah na ka liang ka sorkar kiba kum kino ki  
 kali kiba bit ban ïaid ha ki surok. Ha ki ri kiba la shai bad  
 ba la ïaid shaphrang kum ha Europe bad America, ym ju  
 shah ia ki kali ba mih tdem ban ïaid ha surok. Hoid, wat  
 ia ki atoskhana jong ki karkhana la khang da ka aif ba  
 kim dei ban pynmih tdem palat. Katba ha ri India wat ki  
 Karkhana kiba don hapdeng jong ki nongbah kum ha  
 Calcutta, Bombay, Kanpur, Madras bad kiwei da ki hajar  
 ki atoskhana karkhana ki pynmih tdem katba mon bad  
 ki pyntuid ia ki jakhlia jakhlait khlem da pyrkhat ha ki  
 pung bad ki wah. Kine ki pynmih ka lyer bih lyer jakhlia  
 kaba pynmynsaw ia ka jingim u briew bad u mrad.

Ha ki nongbah kiba khraw kum ha Bombay,  
 Newyork, London, Paris, Tokyo bad kiwei ym tang ba ki  
 karkhana, ki kor ki bor, ki kynja enjin bad ki kali, ki  
 pynmih ka lyer bih lyer jakhlia hynrei ki pynmih ruh ka  
 jingsawa kaba long pyrshah ia ka jingkoit jingkhiah. Ka  
 jingim ka long kum ka dujok pynban ym lah leh ei ei namar  
 ki hap ban wad ia u khaw. Bun ki la ngiah ki la thait ban  
 shong ha ki nongbah bad leit sha ki nongkyndong ban  
 wad ia ka lyer khuid bad jingpalei mynsiem.

Haba kumta kumno ngin leh ? Ka jingim u bynriew ryngkat ki jingthaw jingpynlong baroh ha ka mariang ki don ha ka jingma. Ia kine u briew hi u thaw bad u pynlong. Ha ki por mynhyndai mynba ka saian bad ka teknoloji kam pat roi, u briew u dang mad ia ka jingsuk jingknien ha ka mariang. Mynta, ka jingstad bad jingshem buit jong u briew hi ka ieng nongshun ia u. Ki riewstad ki ong ba ngi ieng ha ka jingma bad jingduh jait syndon lymda ngi kyndit bynriew bad leh ei ei. Shisyndon u briew u la dei ban sngewthuh ba um dei shuh ban pynlang lyer jakhlia bad jingsawa ha ka mariang lada u angnud ia ka lawei basuk bakmen. Lym kumta u briew da lade ia lade un pyniap.

Shisyndon dei ban wad lad kumta yn pynduna bad nguid ia kane ka lyer jakhlia. (Kito kiba pule saian ki ioh ka jubab ba tang ki dieng ki siej kiba lah ban tan ia ka lyer jakhlia bad nguid ia ka jingsawa. Namar kata, shisyndon u briew u dei ban kut jingmut ban thung dieng bad pynbun ia ki khlaw, lym kumta ka jingim jong u briew ryngkat ki jingpynlong baroh ha ka pyrtnei ki ieng ha tmir jong ka jingiap.

(Kane ka khot kyrkieh ia u bynriew shityllup ka pyrtnei ba u dei ban nym pynlang karkhana shuh ne met nongwei ne erbih ha ka mariang. Ia kito ki karkhana kiba la don lypa dei ban pyrkhing da ka aifn ba kin pynduna ban pynmih er-jakhlia ne pynlang jaboh jabaiñ ha ka mariang. Lada u briew u mon, ym tang u pynim ia lade hynrei ia ka pateng ka ban dang wan.

### 13. KA RI KHASI KUM KA JAKA LAIDKAI SHANGPYRTHEI

(Ki mat: Ka jingsdang - jinglong ka jaka - ka suiñhneng - ki briew - jaka ba donnam - jingkhiring ia ki nongpeitkai - kumno yn pynbha ia ki - jingmyntoi - jingpynkut.)

Ka Ri Khasi wat la ka long ka ri kaba rit, ka don la ki jinglong ba kyrpang haba ia nujor bad kiwei kiwei ki ri jong ka pyrthei. La pyndeng pynkup ia ka da ki jingitynnad jong ka mariang - ki lum kiba jrong bad ba pawang, ki khlaw kiba btiap bad ba jngum, ki wahbah bad ki wahrit ba phyrnai rong rupa, ki jaka phlang ba padun, ki kshaid ba rymphum bad ki lhuh ba riat sham sham bad ba raieh. Hangne ngi iohi ia ka matti kordor U Trai Nongthaw kaba pyndap shoiñ da ka jingiphuh iphieng suda baroh sawsamoi

Ia ka Ri Khasi lah ban pyniabynta katkum ka jinglong ka jaka bad ka jingshit jingkhriat ha ki lai bynta. Ka bynta kaba shaphang shathie ka dei ka ri War - ka ri jong u soh u pai, ki ranab bad ki rashing lum ba la pyndeng pynkup da ki khlaw kiba rben bad ki kshaid ba rymphum. Ka long ka ri kaba syaid bad ba jur slap. Ka jaka pdeng ka dei ka lum lyndiang jong ki jaka phlang ba jyrngam bad ki lawlynnong kseh ba pyngngad bad ba itynnad. Ka long ka jaka kaba thanda bad ba duna slap. Ki briew ki im da ka rep ka riang bad ka thung jhur thung jhep. Ka jaka kaba shatei bad sepngi ka dei ka Ri Bhoi, ka jaka kaba syaid bad duna slap. La pyndeng pynkup ia ka da ki

**lum phylloit ba itynnad bad ki khlaw ba jngum. Ki madan jong ka ki long kiba sboh bad ki briew ki im da kaba rep kba. Kane ka bynta ka dei ka shangkpu ne u thiar jong ka Ri Khasi.**

**Ka Ri Khasi ka long ka ri kaba phylla. Ka jinglong jong ka suiñbneng bad ka jingshit jingkhriat ki iapher na kawei ka jaka bad kawei pat tang hapdeng katto katne kilometer. Ki don ki jaka kiba long lum bad ki jaka kiba them bad sharing, kiba madan bad kiba padun bad dei kane ka jinglong kaba pynñapher ia kawei ka jaka bad kawei pat tang hapdeng katto katne kilometer. Khyndai phew na ka shispah ki briew ki im da ka rep ka riang bad ka Sor Shillong ka long ka pdeng jong ka synshar ka khadar bad ka khañi ka pateng.**

**Ki don bun tylli ki jaka kiba pawnam bad itynnad kylleng ka ri Khasi kum U Lum Shyllong, U Lum Diengiei, U Lum Sohpetbneng, U Lum Raitong, U Lum Kyllang, U Lum lawpaw, Ka Sohra, ka Mawsynram, Ka Siejbakon, ka Laitkynsew, Ka Nongwar, Ka Nohron bad kiwei. Nalor kine ki don ruh ki kshaid kum ka Nohsngithiang, ka Nohkalikai, ka Kshaid Laipateng khohsiew, ka kshaid Weiksiar, ka Kshaid Daiñthlen, ka kshaid Sunapani bad kiwei. Ki don ruh bun ki pubon kylleng ka ri, ki Mawlong Mawteh kum ka Trop U Ramhah, Ka Synduk U Weiñ, ki maw bynna, ki pepbah peprit kum ha Thaiang, ki jaka ñaidkai pyngngad kum ka Thangkharang, Ka Mawkhnum bad kiwei.**

**Kitei ki jaka kin khring ia kiba bun ki nongpeitkai na kylleng sawdong ka pyrthei lada ka Sorkar ka pynbit**



pynbiang ia ki lynti ki surok, ki jaka shong jaka sah bad ki lad ki lynti kumno ban leit ban wan. Kumba ka long mynta bun na kitei ki jaka kim don ki surok kiba biang lymne ki kynja jingsumar ki ban ring ia ki nongpeitkai. Ka Ri Khasi kan long ka ri kaba myntoi shikatdei eh na ka liang ka shang pyrthei lada ka Sorkar kala don ka jingpynkhreh kaba biang. Ki briew jong ngi kin ioh ki kam ki duk bad ka kamai ka damai ka ban pynroi ia ka ri bad ka jaitbynriew.

Tang ka pung Umiam ha khwan ka lah ban wanrah da ki phew phew hajar tyngka shisngi lada ka Sorkar ka pynbiang ia ki lieng falehkai jong ka juk mynta, pynitynnad ia ki dewlynnong da kaba thung ki dieng ki siej, ki syntiew ki skud bad ki kynja soh kynja pai bad pynbiang ia ki jaka shong jaka sah bad ka bam ka dih. Nalor kane ka Sorkar kala dei ban ri bun jait ki kynja dohkha bad khang da ka aiñ kaba pyrkhing ia ki nongkhwai bad nongshoh dohkha pathar. Ha ki law lynnong hapteng jong ka pung la dei ban sumar itynnad bha ia ki da kaba shna de ia ki kynja jaka shong pyngngad bad ki restuarant ki ban khiring ia ki nongiaidkai.

Ia ka tourism la ñiew ia ka kum kawei na ki Karkhana (industry) kaba lah ban pynmih jingmyntoi ia ka ri. Namar kata, donkam ia ka planning kaba biang bad ka jingpynlut peisa kaba thikna lym kumta, kiei kiei kiba itynnad ha ka ri jongngi kin shu long sepei. Kane ka khot ia ki bor Sorkar ban pyrkhath kham jylliew halor kane ka phang bad kane ka dawa kyrkieh lada ka ri jongngi ka dei ban ñaid shaphrang.

## 14. KA TREI KA KTAH HA RI KHASI

(Ki mat: Ka jingsdang – jait jingtrei – ka rep ka riang – ki Karkhana – ka ri jingri – ka kamai kajieh – ki office – ka khañi ka pateng – ki marpoh khyndew – ki jingmih bad ki jingmyntoi na ki – ka lawei jong ki – kumno yn leh – jingpynkut.)

Ka Ri Khasi ka long ka ri kaba pyngngad bad ba itynnad. Ka ri jong ki lum ba pawang bad ki khlaw ba jngum. Ka ri jong jong ki wahduid ba sngur bad ki kshaid ba rymphum. Ka ri jong ki them ba padun bad ki madan ba seisoh. Ka ri ha kaba ka Mariang ka thehsei la ki jingkyrkhu baroh ha ka. Naduh ba ka la ioh la ka jong ka State, ka la don ki jingkylla ha baroh ki bynta jong ka trei ka ktah, ka khih ka kamai bad ka imlang sahlang. Ki jaka kiba mynno mynno donkam ban iaid da ki sngi ki taiew bad kiba dang sah ha ka jingdum, mynta la pyniasnoh ia ki da ki surok bad la pynphyrnai da ki ding elektrik. Ka leit ka wan bad ka trei ka ktah ka la kham suk kumjuh ruh ka kamai ka kajieh ka la kham roi ha ki liang baroh.

Ha ka liang jong ka khih ka kamai bad ka trei ka ktah, ki briew ha ri Khasi khyndai phew na ka shispah ki im da ka rep ka riang bad ka trei bri trei bsah. Ha ka bynta kaba shaphang shatei, ka Ri Bhoi, ki briew ki im da kaba rep kba, rep soh, rep tympew bad rep jhur rep jhep. Ha kine ki khyndiat snem ka la don ruh ka jingthung slasha bad jingthung jri. Namar ba ka long ka jaka kaba sbob, ba bun ki hali ki pynthor, ki briew ki kham pynlut

por ha kaba rep kba Lah ban ong ba ka Ri Bhoi ka dei u thiar jong ka ri Khasi.

Ha ka bynta pdeng jong ka Ri Khasi ka jingtrei kaba kongsan ka dei ka rep shipor kum ki jhur ki jhep kiba kynthup ia u phan u kubi, u phul kubi, u motor, u phan karo bad katto katne ki kynja soh. Ha ki jaka kiba madan bad ba don um ka briew ki shna stir bad ki rep kba. Katba ha Shullong pat, ka nongbah jong ka Mephalaya ki briew ki im da ka khan ka pateng, ka trei karkhana bad ka trei office. La jan baroh ki briew kiba nang ba stad na kylleng ka ri bad na shabar ki shong ki sah ha Shillong. Ka long ka pdeng jong ka khan ka pateng, ka laid ka ieng bad ka khih ka kamai.

Ha ka bynta kaba shaphang shathie. kata, ka Ri War; ki briew ki im da kaba trei bri trei bsah. Ka dei ka jaka kaba sbah bad ba jur slap, kaba ia dei bha bad ka thung soh thung kwai. Shisien ka ri War ka la long ka ri jong u Soh u pai bad ia ki soh jong ka la shalan lyngba ka Bengal shaduh ri Europe. Ki jait soh kiba ka Ri War ka pynmih ki long -- u sohñiamtra, ka sohtrun, ka kait, u sohphan, sohramding bad ki kynja sohjew bun rukom. Ka pynmih ruh bun u kwai u tympew, ki sohmrit khlaw, ki sohmrit khasi, ka sla tyrpad, ki diengbha, ki shriew, ki phan, ki syieng, ki shynrai bad kiwei. Ka Ri War ka long ruh kaba riewspah ha ka liang ki mar pohkhyndew kum ka dewbyrtha, u dewiong, ki par mawshun bad kiwei kiwei. Namar ka jinglong riat long ram ka jaka bad ka jingbym don ki surok kiba biang ym shym lah ban pyntrei

ia kine ki mar pohkhyndew ha ka rukom kaba dei. Lehse ka jingplie lad jong ka khaï ka pateng bad ka jingshna ia ki lynti ki surok ban pyniasnoh bad ka Bangladesh ka lah ban wanrah ia ka jingkylla kaba khraw ha ka trei ka ktah, ka khaï ka pateng.

Ka ri Khasi kan long ka ri kaba riewspah lada la lah ban pynroi ia ki Karkhana kiba pher ba pher. Haduh mynta ka don tang kawei ka karkhana dewbilat ha Mawmluh katba u mawshun bad u dewiong pat ki don da ki hajar billion tones kiba shu sah shrah hapoh ka mei ramew. Nalor nangta ka ri Khasi ka long kaba riewspah ha ka liang u mawshynrut, ki mawnar, ki kynja dewbyrtha, ka umphiang sharak bad ka uranium. Lada ia kine la pyntrei kam ka ri Khasi kan long kawei na ki bynta ba riewspah tam jong ka ri India. Ka jingbun jong ki kshaid ba rymphum ka lah ban pynmih ka bor ding elektrik kaba lah ban shalan wat sha kiwei pat ki ri bad ki jylla jong ka ri India. Ki lum ba pyngngad bad ki jaka phlang ba jyrngam ki long ka kabu ban shna ia ki karkhana ri jing ri bad lada pyntrei kam ia ki ha ka dur jong ka juk kaba mynta ym tang ba kin ai kam ai jam ia ki briew hynrei kan wanrah ruh ka spah ka hajar kaba bun. Ka ri Khasi, khamtam ha ri War bad ri Bhoi ka don ka lad kaba biang ban shna ia ki nan bad ki pung dohkha ki ban wanrah ka spah bad ka jingmyntoi kaba khraw ia ka ri.

Nalor kitei baroh ka mariang kala pyndeng pynkup ia ka ri Khasi da ki jaka phlang ba ithiang, da ki lum kiba

pawang bad itynnad, da ki kshaid ba rymphum, ki wahduid bym ju rngad, ki riat ki ram ba iphieng bad ki khlaw ki btap ba ïai jyrngam khatar bnai. Kine ki pynphuh pynphieng bad khring ia ka khmat u briew ban peit khlem ngiah. Lada la pynbiang ia ki lynti ki surok bad ki jaka sah jaka shong ba thikna: ka Ri Khasi kan khring ia ki hajar bad ki phew hajar ki nongpeitkai na kylleng ka pyrthei.

Mynba ka Ri Khasi ka dang long ka bynta jong ka Assam, ka trei ka ktah bad ka khih ka kamai ka sahdien shibun namar ym don scheme don plan ban pynroi ia ka lait noh tang ki sawdong pud ka Sor Shillong. Hynrei naduh ba ngi la ïoh la ka jylla kala don ka jingkylla kaba khraw ha ki liang baroh. Ka rep ka riang kala nangkiew, ka trei ka ktah kala nangroi bad ki surok ki lynti kila nang bun. Ba ka ri Khasi kan kynjoh sha khlieh ka thong jong ka jingroi jingpar la donkam ban don ka Railway head bad ki lynti ropeway. Shisyndon ka jingpyrkhat ba thymmai la ha ka liang ka rep ka riang, ka trei ka ktah bad ka khih ka kamai ka dei ban wan. Ki riewnang riewstad kim dei shuh ban khmih lynti tang ha ka trei office hynrei kila dei ban pynkhreh ban ïeng ha la ki kjat ban tei ki karkhana rit bad ki karkhana heh. Ki marpoh khyndew kiba ka mariang ka la ai kyrpang ia ngi kum ka jaitbynriew dei ban pyntrei bad pyndonkam khnang ba ka jingroi shaphrang bad ka jingmanbha kan wan ha ki khun ka ri. Ia ki lad ki kabu kiba ka Sorkar ka ai dei ban pyndonkam hok la, ha ka rep ka riang, ka khafi ka pateng, ka ri jingri ne ka seng karkhana. Ngì don ka

lawei kaba phyrnai lada ka mynta ka shim ia ka kabu bad jingkitkhlieh. Ki brier na kiwei pat ki jaka ki peit jawdud ia ka spah kaba ka mariang ka ai ha ngi. Ka shong shibun ha ka juk kaba mynta ban panpoh ia la ka syngkai bad ieng skhem triang ha la ki kjat.



### 15. KA JINGTREI KAM KA MARIANG.

(Ki mat: Kaei ka mariang ? Ki bor trei kam halor u brier, u mrad, ki jingthung etc ka bam ka dih – jingitynnad – jingpynjot ia ka – jingiada – jingpynkut.)

Ka Mariang ka dei ka kitab jingmaian kaba bsap ia ki jingshisha baroh jong ka jingpynlong. Ban ngam ha ki pyian ki kynian jong ka, donkam ia ka jingduriap bad wat bniah da kaba pule ia kiei kiei kiba don sawdong jong ka. Ka dei ka kitab kaba phylla kaba katba nang ngam katta ka nang jylliew, katba nang wad katta ka nangiar bad katba nang pyrkhat katta ka nang klang. Ka dei ka kmie jong ki jingpynlong kaba trei ha ka jingphylla jong ki jingphylla.

Bunsien ngi pyrkhat ba ka Mariang ka dei tang ka matti pynwandur jong U Blei kaba shonshap bad pynpaw ia lade ha ki jingpynlong baroh; hynrei ka dei ka Kitab ba kyntang kaba plied ia ki sla jong ka tang ha ka dohnud kaba khuid bad ba beit. Ka buhrieh pat wat ia kiei kiei

kiba rit eh na ki khmat ki lehmyneh bad ki rhah, ki khwan myntoi bad ki lalot kiba dung kura ia ka synia bad sngi. Ki riewstad ki ong ba ki kyntien ka mariang bad ki kyntien jong ka jingstad ki long kawei bad ka juh bad kita kiba sngewthuh ia ka ki sngewthuh ia ki kyntien ka jingstad.

Ka Mariang ka kynthup ia ka pyrthei ka mariang bad ei ei baroh katba don ha ka : ia ka suiñbneng bad ka haw haw sha jrong, ka ramew bad ka meiramew, ki duriaw bad ki jingjylliew jong ki ryngkat kiei kiei baroh kiba ka khmat briew ka iohi bad kam iohi kiba don ha sawkun pyrthei. Kine ki pynlong ia ka Mariang kaba im bad kaba ai jingim: ka knie jong ki jingpynlong baroh. U briew u long ka bynta jong ka Mariang, ka nongbsa bad nongpynbiang ia ki jingdonkam jong u baroh naduh ba u dang kha haduh ba un da iap. Ka long ka nonghikai jong u kaba plie pongshai ia ki khuiñ jingtip baroh kiba ka dohnud jong u ka thrang ka kwah.

Mano ba ju khmih thuh kumno ka Mariang ka pyndeng pynkup ia ki saw samoi da ki khor ki khriam jingitynnad naduh dangstep haduh ban da sep ka sngi ! Khmih kumno ka pynbud da ki jingphylla jong ki jingphylla ha ka jingjai-jai bad jinglong kawei ba wat ka jabieng basnah jong u briew ka shitom ban kem lut bad sngewthuh ia ki. Dei kane ka jinglong kaba la bret ia u briew ha ka lyngngoh lyngngaiñ. Namar kata, kine ki jingphylla baroh ha ka pyrthei ka mariang dei ki jingpyniaid ryntih jong ka halor kiei kiei baroh kiba ka kdup. U briew u long ka bynta jong ka Mariang bad u

**khiih u kai hapoh ka bor jong ka jingtrei bad jingpynñaid jong ka. Kum u jingthaw u ba kortam, u bynriew u ioh diang ia ki jingai sbun jong ka baroh. Un ïai long uba kmen lada u sngewthuh bad burom ia ki aiñ jong ka.**

**Ka Mariang ka ud ka iam haba ka iohi ba u bynriew u khwan jyndeï. Ki lum ki madan. Ki khlaw kila lyngkhuid. Ki pung ki nan bad ki wah kila lyngkien sak da ki jaboh jabaiñ. Ka lyer kaba ngi ring bad pynñar mynsiem kala dap da ki pui pui bad tдем bih. Ki jaka kiba jar jar kila dap da ka jingsawa. Kine ki dung kura ia ka mariang man ka sngi. U slap u ba mynno mynno u long ka jingkyrkhu bad jingim mynta u long ka jingtim bad ka jingiap. Kine baroh ki long ki jingleh sat jong u bynriew. Kan poi shisien ka sngi ba ki karkhana kiba u shaniah bad sngewsarong, ki paki dulan ba u tei bad ki hajar jait ki kali bad ki kor ki bor kin ieng nongshun ia u hi.**

**Shi syndon namr kata, lada u bynriew u dang kwah ba ka mariang kan dang ri dang kdup ia u; u la dei ban sahnggeh ka pynñar ia ki karkhana bad ki kor ki bor, kaba pynlang erbih bad met nongwei ha ka, kaba lushia ia ki lum ki wah bad kaba pynlyngkhuid ia ki khlaw ki btap. To ai ba un shemphang bad kyndit bynriew ba pleng ka jingsuk jingkmén kaba ka saian bad ka teknologi ki ai kin dung kura ia u hi shisien ka sngi.**

**Ngi don, namar kata, ka jingkit khlieh kaba mardor bad kyrpang kaba ngi dei ban leh. Ka mynsiem khwan lalot da kaba lute bad leh tohmet ia ka mariang ka dei**



ban leit noh. Ha ka jingjai-jai bad jingadkar, ka mynsiem tei ka dei ban rung. Tang da kaba ngi leh kumta ngin long ki nongfarap ka mariang bad ki nongpynim ia lade ryngkat ki jingpynlong baroh kiba don ha ka Mariang.



# 16. KA SAIAN: KA SHAKRI BABHA BAD KA KYNRAD BA SNIEW JONG U BRIEW.

Ha kane ka juk jong ka saian bad ka teknologi ngi iohi ia ki jingkylla bad jingphylla kiba ki kpa jongngi kim ju iohi. Da ka bor jong ka saian u bynriew u la jop bad long kynrad halor ka ryngkew, ka suiñ bad ka duriaw. Hoid, ka saian kala pynkylla wat ia ki jingmut jingpyrkhat bad ka jingim hi baroh kawei. Baroh kaba ngi im ngi khih, ngi trei ngi ktah, ngi thmu ngi mutdur ki tyllun ha ka lyngwiar jong ka saian.

Ka saian kala pynkylla khongpong ia ka pyrthei. Ka jingroi sted jong ka kala pynlong ia u bynriew ban klet noh ba ki kali ki motor, ki rel, ki jhat, ki liengsuiñ bad ki kor ki bor i kumba kim dei shuh ki jingphylla ka saian hynrei ki bynta jong ka jingim hi. Hato ngi ju pyrkhat kumno ka pyrthei ka long myn 400 snem mynshuwa ? Ki briew ki pyrkhat ba ka shnong jong ki ka dei ka pyrthei bad kim lah ban mutdur ba kin laid wat tang shispah mer na la ka shnong. Ym don surok ym don kali bad ym don kot ruh ban pule. Tang ki briew kiba

riewspah kiba lah ban iohi ia ka kot. Ki jingpang ki ker tawiar bad ka mariang hi ka ieng nongshun ia ki. Lah ban kren tang ha ka shikyntien ba ka dei ka juk ha kaba ki jingpang, ka jingduk, ka jingbieit bad ka jingtharai sniew ki synshar donbor ha ka pyrthei salonsar.

Dei ka saian kaba la plied ia ki khmat jong u brieve ban iohi ia ka pyrthei bad baroh kiba don sawdong jong ka kumba ki long. Ka saian kala jop ia ki jingjylliew ka sahit bneng, ia ki ñiamra ka ramew, ia ki khuiñ ka duriaw, ia ka jingmeng sarong jong ki lum bad ka khura ia ki spah bala buhrieh baroh jong ka mariang. Ka saian kala jop ia ki jingpang bad ki jingshyrkhei baroh jong ka mariang. Hoid, kala jop ruh ia ka por bad jingjingai ba ka pyrthei kaba ngi im ym tang ba kala khambha ban kham itynnad hynrei kala khamjan. Ha ki por kiba mynhyndai kan shim por da ki bnai bad ki snem ban rah khubor na kawei ka jaka sha kawei pat katba ha ka juk kaba mynta ha ka shikyllipmat lah ban phah ia ka khubor sawdong ka pyrthei. Katne ka saian kala pynkylla ia ka pyrthei bad baroh ngi ieng ha ka lyngngoh lyngngaiñ.

Hynrei lada ngi shim na kawei pat ka liang, ka jingroi jong ka saian ka kylla long ka jingmynsaw ia u bynriew shityllup. Ki riwestad saian ki lap ia ki tiarthma ba shyrkhei naduh ki tup ki man haduh ki bom nuclear kiba lah ban thang bad pynjot thiaw ia ka pyrthei tang ha ka shikhyllipmat, haduh ba ki riwpyrkhat ki buh ia ka jingkylli – la ka saian ka long ka jingkyrkhu ne ka jingtim ia u bynriew.

Lada ka saian ka mut naka bynta ka jingsuk bad jingroi jong u bynriew shisyndon la dei ban khang pyrshah ban shna ia ki bih bad ki bom pynjot lym kumta u briew un pynjot da lade ia lade. La katta ruh ym dei pat ban pyrkhat ba ka saian ka dei ka daw jong ka thma bad ka jingpynjot hynrei ka jinglong mrad kaba don ha u briew. U Alfred Novel u lap buit ban shna ia ka dymamite ban iarap ia ki nongtrei par katba ki riwethma pat ki pyndonkam ban pynbthei ia ki jingkieng bad pyniap ia ki briew ha ki iing ki sem Kan long kaba bakla shibun ba ngin kynnoh ba ka saian ka dei ka nongpynjot hynrei u briew u ba pyndonkam bakla ia ka.

Ka nuclear bom ka lah ban thang haduh saw square kilo meter ka khyndew bad pyniap da ki phew hajar ki briew shisien bthei Lada pyndonkam pat ia ka ha kaba pynmih bor elektrik kan long ka jingkyrkhu ia u bynriew shityllup ka pyrthei. Ki ri kiba khelaiñ bor ha kine ki sngi ki buh da ki hajar ki bom kum ka jinglada ri. Lada pyndonkam ia ki naka bynta ka jingbha u hynriew, ka pyrthei kaba ngi im kan long ka paradise.

Ngi im ha ka juk kaba kawei pa kawei ka ri ka don ki nuclear bom. Ai ba u briew un rai la kine ki nuclear bom kin long ka jingpynjot ia u hi ne kin long ki atiar ki ban niat ia ki ummat jong ka jingduk jingrangli ha pyrthei. Ka rai ka shong bad u briew la, un pynjot ia ka da ki atomic bom ne un tei ia ka da ka bor atomic. U bynriew um dei ban klet ba ka saian ka long ka shakri ba bha tam jong u briew bad ka kynrad ba kordit tam.

## 17. KI MATTI U LONGSHUWA

(Ki mat: Jingsdang – jingbatai – jait – jingthmu – jingmyntoi – jingsumar – ka lawei – jingsngew jong phi – jingpynkut.)

Ha ka por ba dang khynnah ju iöhsngew ia kawei  
ka jingrwai ba sawa na ki lum bad ki them sawdong ka ri  
Khasi kaba ong kumne –

*“Jingnang jingstad te ngim don,  
Khubilei, khubilei, khubilei baroh,  
Ki tymmem mynshuwa ki long kiba stad.”*

Ki long kiba stad namar ba ki matti jong ki, ki paw  
kat sha ba ka khmat ka phai. Ki paw ha ki lum ki wah,  
ha ki shnong ki thaw, ha ki hat ki iëw, ha lynti syngkieng,  
ha bri ha bsah, ha ki lyngkha ki risai bad ki lawkyntang  
law-adong.

Sawdong ka ri ki don ki kut ki kharai, ki ‘pepbah ki  
‘peprit, ki mawnam mawbyinna, ki mawshyieng ki  
mawrong, ki mot ki kor, ki jingkieng ki panat, ki mawniam  
maw durbar, ki kynroh ki khilon ba la pynskhem pynsnoh  
tang ha u maw-jabieng, ki mawdur mawdar bad ki dar ki  
shlem ha kylleng ka ri Khasi. Kine ki long ki sakhi ia ka  
jingkhrav bad jingstad jong ki. Ki sakhi kumno ki sengkur  
sengkha, senghima sima, sengniam sengrukum ba ki  
longdien kin nym kwit nym kma. Namar, haba ki riti ki  
dustur bad ki dah ki dong ki im; ka long fïng longsem ka  
phuh bad ka imlang sahlang ka parum pareh.

Kine ki matti jong ki longshuwa ki long ha ngi ka khanatang ba im kaba iathuh ia ki jingjia ha ki dak. U Mawdaiñthlen u iathuh kumno hyndai ki pynñap ia u thlen. Ki Mawbynna na Mawsmmai ki iathuh kumno ki Sohra bad ki Mawsmmai ki ia smai. U Mawjumai ha Syndai u iathuh kumno u jumai u la pynshyrkhei rem ia ki briew jong kato ka juk. U Mawpun ka Rtiang u iathuh kumno ka Rtiang ka pun shimaw na shiliang sha shiliang ka wah. Ki kor bad ki mawbynna ki iathuh kumno ki iing ki kpoh ki pynleit niam pynleit rukom. Ki pepbah bad ki peprit ki iathuh kumno ki men Khasi ki ngeit ia ka jingim hadien ka jingñap. Man ki jingjia u men Khasi ꞑ buh da ki dak bad kita ki dak ki dang kren haduh mynta.

Ki matti u longshuwa ki paw ha ki lawkyntang lawadong ban pynshisha ba ki sngewthuh kaei ka mariang bad kumno ban iada ia ka. Dei kine ki lawkyntang lawadong kiba dang iada haduh kine ki sngi na u lyer u slap kiba shoh ba ther ia ki shnong ki thaw. Kine ki lawadong ki dang ri ia ka jingshit jingkhriat, ia ka sboh ka sbur bad ki dang ai jaka ia ki mrad ki mreng ki sim ki doh, ki khñiang ki ksiah ban roi ban par na ka bynta ka jingbha jong u briew. Ki dei kine kiba dang bat dang kynshew ia ki umbam umdih ba ka jingtyrkhong kan nym khñiot ia u bynriew bad ba ki aifi jong ka mariang kin nym khongpong.

Ka kamram jong ka pateng kaba mynta ka long ban burom bad sumar tyngkai ia ki lada, ngi kwah ban pynneh ia la ka jong ka history, ka niam ka rukom, ki dustur ki

riti, ka kolshor bad ka jinglong kyrpang jong ka jaitbynriew. Lada kane ka pateng kam nang ban burom bad ñiewkor ia ki matti u longshuwa, ia ka jinglong tynrai bad jingstad mynsiem ba kyrpang kaba U Blei u la a1 ha ngi kum ka jiatbynriew kan leit noh.

Ha kine ki khyndiat snem kala don ka jingleh bymsuitñiew ia kiei kiei kiba u mynbarim u la buh. Ia ki mawbynna la pynkheĩñ, ia ki jingkieng maw la pyntwa, ia ki pepbah peprit la leh bymsalia bad ia ki lynti syngkieng kiba la thaw la pynkhylllem. Kane ka mynsiem kam tei. Ka long kumba u briew u ibeiñ ia la ka jong ka rngiew ka rwiang. Shisyndon dei ban ioh ia ka mynsiem ban sumar bad ñiewkor ia kiei kiei kiba rim namar kine ki long ki nongkdew lynti ia ka ri bad ka jaitbynriew sha ki jingpyrkhat kiba maian. Ka jaitbynriew ka im haduh mynta lyngba ki jingiatakhuh ba sohsat namar ba ngi dang ñiewkor ia kiei kiei kiba bha bad ba donburom kiba ka matti u longshuwa kala buh ha ngi.

Ki riewstad ki ong ba ka jaitbynriew ka bymñiewkor ia kiei kiei kiba rim la ki jong, ka long ka jaitbynriew kaba duk bad kaba sahdien. Ki matti u barim ki long ki sakhi bad ka history, kiba pathai khubor sha ki longdien kumno ki im bad kumno ki thehsei ia la ka jingim ba ka burom jong ka ri bad ka jaitbynriew kan ñai suhsieng katba ka sngi bad u bnai ki dang ai jingshai.

## 18. BAN IENG HA LA KI KJAT

(Ki mat: Jingsdang – jingmut – shaniah ha kiwei ka jingtim – pynmlien dang khynnah – skul – pynkhlañ ia ka jingim – kyntiew ia ka longbriew – jinghun ka mynsiem – nuksa – jingpynkut).

Suk u ta u briew u ba shaniah ha lade bad u ba ieng ha la ki kjat. Naniar ki briew kiba shaniah ia la ka jingim ha kiwei ki long ki briew kiba jynjar sat. Wat ka jingeh kaba khyndiat ka lah ban pynkhynñiuh rem ia ka jingim jong ki baroh kawei. Ki riewstad ki ong, “U Blei u iarap ia kito kiba iarap ia lade.” Kaba shaniah lyngngeh ia la ka jingim ha kiwei kam pynlah satia ia u briew ba un jam shaphrang. Kumjuh ruh ka long, ba wat ki ri kiba shu shaniah ha kiwei da lei lei kin nym lah ban kiew sha khmat. Ki randien ha man la ki por jong ki jingeh.

Ban ieng ha la ki kjat ka long ka aiñ ba kyntang jong ka mariang. Baroh ki jingpynlong ha ka pyrthei ki ioh ka jingkyrshan kaba tang shipor, nangta ki hap ban ieng ha la ki kjat. Ka khun sim ha ka skum ka ioh ka jingbsa bad jingkyrshan tang shipor na la ki kmie ki kpa hynrei ynda kala san pura ka dei ban her noh na ka skum ban ieng ha la ki jong ki kjat. Kumjuh ruh ka long bad u bynriew. Katba u dang khunlung ha pneh ki kmie ki kpa u ioh ia ka jingkyrshan bad jingsumar jong ki hynrei u tang shu san shu rangbah u la dei ban pyrkhat ia la ka jingim lym kumta ka jingim jong u baroh kawei kan long tang ka pukri jong ki jingynjar.

Kumba ka han ka hikai ia la ki khun rit kumno ban jngi bad ban wad jingbam, kumjuh ruh ki kmie ki kpa ki hikai ia la ki khun kumno ba kin san bad ieng ha la ki kjat. Lada ki kmie ki kpa kim ailad ia la ki jong ki khun ban leh kumta khlem pep kin pynmih ki khun tham ne khun jynreiñ ki ban long ka umksang ha ki sngi ka jinglong tymmen jong ki. Ki tymmen ki ju ong, "Ki khun ioh mon kim ju long ei ei," namar kim nang shuh ban ieng ha la ki kjat. Tang ki briew kiba la kilan bad pyntbit ia lade naduh dang khynnah ki lah ban long briew bad kiew sha ki kyrdan ba ha jrong.

Ki kmie ki kpa kiba stad ki ju hikai bad tynjuh ia la ki khun ha ki kam ba ki thmu ban ai. Kane ka long ban pynshisha la ki don ne em ka jingkitkhlieh bad ka jingtbit ha ka kam. Ha kine ki sngi ki kmie ki kpa kiba stad ki phah ia la ki khun sha ki skul kiba pher ba pher ban pyntbit ia ki kumno ba kin mad ia ka pyrthei bad roi ha la ki kam ba ki trei. Dei tang ki briew kiba trei shitom bad kiba phikir ha la ki kam, ki lah ban ieng ha la ki kjat. Ka jingjop bad ka jingkyllon ka shong shibun eh ha ka jingminot bad ka jingpynmlien ia lade. Ngim dei ban klet ba ka jingminot bad jingtrei shitom ki dei ka bok, ka rwiang, ka nusib jong u briew.

Ha ka history jong u bynriew ki don bun ki nuksa ba kumno ki briew kiba ieng ha la ki kjat ki kiew. U Abraham Lincoln u wan na ka iing kaba duk hynrei ka jingtrei shitom ryngkat ka jingkut jingmut ki kyntiew ia u haduh ba un da long U President ka ri America. U Napoleon haba uwei na ki rangbah shipai u ong ia u ba ka



long kaba eh ban kiew ia ki lum Alps, u Napoleon u jubab ba ka kyntien eh ka don tang ha ka dikshonari ki bieit." Da ka jingkut jingmut u sdang ia ka kam bad khrup ki lum Alps ki dem hakhmat jong u.

Uwei u nongniah kali ynda u iohi ba ka kali jong u kala sahkut ha ka ktieh bad ba um i lah leh ei ei shuh, u dem khrup ha khyndew ban duwai U Shipai u ba iohi ia kane u la khot ia u bad baroh arngut ki sei la ka bor ban khynñiat ia ka bad ha kaba khatduh bluit ka lait. Nangta u ong ia u nongñiah kali, "Kariwan, haba ka kam ka donkam ia ka bor bad ki dohksah jong phi, ka long ka jingbieit ban shu duwai." Ai ba kane kan lõng ka jinghikai ia ngi – 'Duwai bad trei'.

Baroh ki jingshem buit bakhraw jong u briew ki mih na ka jingtrei shitom bad lenlade. Ngi im ha ka pyrtnei kaba kham suk bad kham itynnad namar kiba bun ha shuwa jongngi kila trei shitom bad lenlade. Shuwa jong kano kano ka jingtrei ne jingtei bakhraw ka don ka jingkut jingmut bad jingaiti lut. Hoid, ka long ruh kaba shisha ba ka nam bad ka burom ka khot tang ia ki briew kiba ñeng skhem ha la ki kjat. Ka ri America ka long ka ri kaba riwspah tam namar ba ki briew jong ka ki ñeng ha la ki kjat shilynter ka history.

Ym don bor jadu sharyngkuid kaba kham khlaññ ha u briew ban ia ka jingkut jingmut skhem ban ñeng ha la ki kjat. U briew uba ñeng ha la ki kjat u beññ ia ki jingeh bad jingsohsat bad u tur shaphang sha ka thong ka jingim.

## 19. KA JINGBUHTENG

Ki tymmen ki ong, "Ka jingbuhteng dei u rakot jong ka por." Baroh ki riewstad pyrthei ryngkat ki riewniam ki hikai ba ia kaei kaba dei ban leh ym bit ban buhteng. Namar ka jingbuhteng ym tang ka pyndkoh ia ki kam hynrei ka pynsepei ia ka jingkyrkhu kaba dei ban wan biang por. Halor kane ka jingshisha ki riewtymmen ki maham kumne – 'Namar ba duna uwei u prek ka heng ka lah ban ngam.'

Ka jingbuhteng ka long ka jingmlien kaba sniew eh ha ka jingim u briew. U briew u ba buhteng um lah ban pyndep ia kano kano ka kam bad haba kiba bun ki kam kila kynton um lah shuh ban pyndep ia ki kumba ki dei ban long. Bunsien ki riewbuhteng kim long kiba roi ha ka jingim. Ki long ki briew kiba dap tang ka jinglynga jingpisa jingmut. Nangta ka wan ka jingjaituh bad ka jingbym kitkhlieh kiba pyntroiñ syndon thiaw ia ka jingim jong ki. Ka phawer ka Dkar bad ka Skei ka long ka nuksa kaba bha eh kumno ka jingbuhteng ka wanrah ia ka jingsngewsting bad ha kano ka rukom ka jingsngewsting ka wanrah ia ka jingshah jop.

Kane ka don ka jingia dei kaba ryngkhien haduh katta katta bad ka jingim ki khynnah skul. Ka kamram jong ki ka long ban pule minot ia la ki lynnong kot. Hynrei lada ki buhteng ban sa pule, ka por kan poi ha kaba kim lah shuh ban pyndep namar ba ki lynnong kila bun bad ka bor kem kam kot shuh. Dei kane ka daw balei kiba bun ki khynnah skul ki phel ha ki eksamin jong ki. Ynda

la jan ka eksamin ki pyrshang ban pule baroh shimiet, baroh shistep, baroh shisngi hynrei kim lah shuh. Haba ki leh kumne ka jab:eng ka tlot bad ka bor met ka hiar ba sa kem bun jait ki jingpang bad ki duh lehnohei ia ka snem baroh kawei. Hynrei kito pat kiba minot bad ki bym ju buhteng, kiba pule ia la ki lynnong man ka sngi bad kiba nang ban pyndonkam hok ia ka por ki jop bad ki wan sha khmat.

Ka jingbuhteng ka dei ka nongshun ia baroh. U nongrep u ba lai buhteng un nym lah ban prat bad ban thung ha ka por kaba biang. Ki jingthung jingtep kiba u thung dier por ki long ki jingthung kiba tlot bad ki hym lah ban seisoh kumba ki dei ban long. Kane ka jingshisha ka kren kumjuh ia ki nongkhan, ki nonghikai, ki nongthoh, ki nongtrei ophis, ki nongbylla, ki nongsynshar ne ki riwain. Shisien ba ka jingmlen buhteng kala iohlad ban synshar ha u briew, ka jingkyllon bad ka jinghiar kala jan. Ki riwestad ki ong. "Wat ju buhteng lashai ia kaei kaba phi lah ban pyndep mynta." U briew u ba buhteng ym tang ba um lah pyndep hok ia ki kamram hynrei u pynduh wat ia ka jingshaniah kiwei. Shisien ba la duh ia ka jingshaniah kiwei ngi la duh ia ka bynta kaba kortam ka jingim.

Lada yn bishar ia ka jingim jong uno uno u briew u ba la kiew sha ki kyrdan ba ha khlieh ka jingim, khlem artatien ngim lap ba ka jingim jong u ka long kaba trei minot bad ka bym ju buhteng. U briew u bym ju buhteng u ioh kyrhai ka por bad kaei kaei kaba u trei u da trei bha.

Ai baroh ngim loh ka jinghikai ha ka jingim ba ka jingbuhteng dei u nongpynjot jong u briew. Namar kata, shisyndon la dei ban isih ia ka bad iakhlad lok junom. Ka long ka nongshun jong ka jingkiew bad jingiaid shaphrang bad ka nongshukor ba tasam tam jong ka jingim u briew.



## 20. U BRIEW U LONG KHAMKOR BAN IA KA SPAH

Ka don ka jingong ba ka spah ka long ka bor hynrei kam mut pat ba ka long na baroh ha baroh. Don bun ki briew kiba ia nujor ia ka spah bad U Blei namar ka spah ka pynbiang lut ia ki jingdonkam baroh. Ka jingduk ki ong ba ka dei ka jingtim hakhmat u briew bad U Blei. Hynrei ym dei ban klet ba ka spah ka dei tang ka atiar bad u briew u long khamkor ban ia ka.

Ka long kaba shisha ba ka spah ka lah ban pynioh ha u briew ia ki jingsuk baroh jong ka doh. U lah ban bam ban dih bad ban iaid katba u mon da ka jingsuk hynrei um lah pat ban thied ia ka jingsuk mynsiem. Ka jingsuk bad jingsngewbha ba shisha jong u briew kam shong bad ka paki dulan ba u shong ne ka dud ka khi kaba ka spah ka lah ban ai ia u hynrei bad ka jinglong jong ka dohnud jong u. Shibun ki riwspah riwhajar kiba im phum phum phem phem ki pynkut noh ia la ka jingim namar ba kim suk ha ka mynsiem. Ki shong ha ka lak ka putit pynban

ka jingim jong ki ka long ka dujok. U riewspah u lah ban ïoh ia kiei kiei kiba bha tam ha ka jingim hynrei um shem jingsngewbha pat ha ki. Ka jingim jong u ka shu long kynjah, marwei bad khlem jingkmen: kaba kylla long ka jingim kaba khlem dor bad khlem jingmyntoi.

Kan long kaba bakla shibun ban pyrkhat ba tang ka spah ka wanrah burom ia u briew. Don bun ki briew kiba duk ha ka history kiba kham ïoh burom ban ia kino kino ki briew kiba riewspah. Kaba kham donkam ha ka jingim u briew ka dei ka jinglonghok longsngur kaba kyntiew bad pynïoh burom ia u briew. Ki don bun ki riewspah sawdong jongngi hynrei kiba long ka jingijli ha ka imlang sahlang kiba ym don mano mano ba ñiewkor ne ai burom ia ki. Ki briew kiba hok bad ba beit ki ïoh ia ka jingieit bad jingshaniah bad ki long kiba suk wat la ki duk.

Ka jingieit sbai dei u thiat jong ki jingsniew baroh. Kane ka jinglong ka ïalam ia u briew sha ka khwan ka lalot, ka tuh ka thim, ka lehklop bamklop bad ka thok ka shukor. U briew u klet noh ia kiei kiei kiba donburom bad kiba dei ïaroh bad u jysieh ha ki punktieh ahor ka jingthala. Ka Bible ka ong, "Phim lah ban shakri ia u Blei bad ia ka spah" namar shisien ba ka jingieit spah kala shong kulai ha u briew u klet noh ia kiei kiei kiba bha ban ngam sha kiei kiei kiba jakhlia. Hynrei ym dei pat ban ong ba ngim donkam ia ka spah. Ka spah ka long ka shakri kaba bha hynrei ka kynrad kaba sniew. Ngì donkam ia ka spah ban leh bun kiei kiei kiba bha bad

haba ki riewspah ki noh kylluid sha ki kam kiba bha ka da long shisha ka jingmyntoi.

Kito kiba pyrkhat ba ka spah ka lah ban thied ia kiei kiei baroh ki long ki mraw jong ka. Ym shym thaw ia u briew namar ka spah hynrei namar kiei kiei kiba khamkor ban ia ka ksiar bad rupa. Namar kata, ym tang da u kpu u briew u lah ban im hynrei da ki jingpyrkhat bad jinglong kiba kynjang bad kham ha jrong.

Bun na ki riewkhuid bad ki riewblei ki im bad ïap duk. Hynrei ka kyrteng bad ki jinghikai jong ki ki im shirta. Katba ki nang thiah slem ha jingtep katta ki nang kren jam. Hynrei bun bah ki riewspah shisien ba ki la ïap, ia ka kyrteng jong ki la klet. Bun ki riewkhraw kum ki nongthoh bad ki myllung ki im bad ki ïap duk katba ka kyrteng jong ki ka nang suhsieng lyngba ki snem bad ki rta. Ki jingkren bad ki jinghikai jong ki kim ju lip wat la baroh ki jot bad ki sarang. Kane ka pynshisha ba u briew u long khamkor ban ia ka spah.

\* \* \*

## 21. KA KHLIEH KABA PHONG PANSNGIAT KAM SUK

Bun ki pyrkhat ba ki briew kiba bat ia ki kyrdan kiba ha khlieh duh la, ha ka synshar ka bishar ne ka kam ophis ki long kiba suk, kiba khlem jingklusai. Ha ka jingshisha kam long kumta. Ki jingkitkhlieh kiba hap halor ka khlieh jong ki barabor ki pynjynjar eh ia ki. Ki

khuslai ki jynjar kum ma ngi hi tang ba kim paw shabar, ki shu ngam jylliew ha ka jingmut jingpyrkhat.

U Andre Maurois ha ka kot 'Kumno ban im' (The art of Living) u batai ba ia u syiem la teh bad ka kamram jong u da ka burom bad namar kane ka burom, u aiti ia lade. U hap ban pdiang ia ki jingkynthoh bad jingiaroh da ka dohnud kaba jai - jai bad ba palei. Khamtam ha ka synshar paitbah ka liang pyrshah kan ialah katba lah ban wad daw bad kynnoh ia ki jingtrei kam jong ka kynhun synshar. Bunsien um ioh thiah suk bad u kyndit rot haba u pyrkhat ia ki kam. Ban lait na kine ka don tang kawei ka dawai bad kata ka long ban shu biria bad sian.

Ha ka ri synshar paitbah kum ka India u Prime Minister u jied ia la ki minister bad ki minister ki jied ia ki khlich nong pyniaid jong ki Department bad kumta ter ter. Hangne lah ban sngewthuh haduh katno ka khia ka jingkitkhlich kaba U Prime Minister u hap ban kit. Nangta u hap ban thaw ki lad ki lynti kumno ban pyntrei kam ia ki jingthmu ba u don bad buh ha khmat ka durbar mang peisa ia ki jingdonkam baroh. U hap ban sngewthuh ia la ki briew bad ki jingdonkam jong ki bad kumjuh ruh u hap ban kitkhlich ia ki jingladei baroh bad kiwei pat ki ri bad ki hima. Lym kumta ka ri kan sah jied marwei. Lada kaba kum kata ka jinglong ka jia ka liang pyrshah kan nym ai shongthait bad ka khati ka pateng kan hiar jrut. Haba ka khati ka pateng ka hier, ki karkhana ki kyllon bad ka trei ka ktah ka makna. Namar kata, u dei ban ioh ia ka jingkyrshah napoh bad ka jingia sngewthuh jingmut shabar. U hap ban ia chi lynter ka jingim kaba

phikir bad husiar bad ka jingbakla kaba khyndiat ka lah  
ban kyrtohy lyndet ia u bad ia ka ri baroh kawei.

La ong hyndai la don uwei u briew u ba la kwah eh  
ban long syiem tang shisngi. U Syiem ynda u la tip ia  
kata u la khot ia u bad u la pynlong syiem ia u shisngi.  
Ha kaba kut jong ka sngi u la khot ia u ban kylli la u  
sngewtynnad ne em ia kata ka jinglong syiem. Shisyndon  
u ta u briew u la jubab - em. Ynda la kylli ia ka daw u la  
jubab ba shilynter u shong ha ka khet tang da ka jingsyier  
mysiem namar ba u iohi halor ka khlieh jong u la sdien  
khongpong ia ka waitlam ba nep har har tang da u ksai u  
barit u ba lah ban dkut ha kano kano ka khyllipmat. Kane  
ka long ka jingshisha ba ka khlieh kaba phong ia ka  
pansngiat kam suk.

Wat ha la iing ngi ioh ka nuksa kaba biang ban  
pynshisha ba ka long kumta. Katno ki kmie ki kpa kum  
ki nongbsa bad ki nongkit khlieh jong ka iing ki pyrkhat  
shitom jingmut kumno ban pyndap pynbiang ia ka iing  
baroh kawei. Thik pa thik ki kheiñ ki diah bad ki thew ki  
woh kumno ban pynbiang ia ki jingdonkam baroh shibnai.  
Teng teng ki klet noh ia la ki jingdonkam ban pynbiang ia  
ki jingdonkam jong ka iing bad ki khun ki kti. Kane ka  
jingkren harum ka biang na ka bynta u syiem ha ka khet  
ne u nongkhrong ha surok -

*"Ka burom bad ka jinglehraiñ,  
Kim don thning ban sei;  
Trei hok la ka kam,  
Ki umpohlieu burom na ramew kin bthei."*



## 22. KA JINGTIP KA LONG KA BOR

Ban ioh ia ka bor ka dei ka jinglong tynrai ha u briew. Kane barabor ka wan haba u sngewthuh ba u long kham halor ia kiwei pat la, ha ka jingtip, jinglah ne jingtbit. Ka history jong ka pyrthei ka dap tang da ki thma bad ki jingialeh namar ba kawei ka kynhun ka kwah ban synshar halor kawei pat. Namar kata, khlem jingkah ka long ban bat ia ka bor.

Lada kren kyllum, ki don arjait ki bor – ka bor-met bad bor-jabieng. Ka bor-met ka long ka bor kaba kham hapoh haba ia nujor bad ka bor-jabieng. Ha ka por mynhyndai ki briew ki sngewthuh bad ki thew ki woh ia uno uno u briew tang na ka bor jingkhlaif jong ka met bad ki pynlong nongialam ne nongsynshar ia u. Namar kata, ha kito ki juk ka bor ka long ka hok bad uno uno u ba pyrshah, da ka bor ki pyndem ia u. Hynrei ynda u bynriew u la kham shai kham stad u lap ba ka bor-jabieng ka long kham ha jrong ban ia ka bor-met: bad kane ka bor-jabieng ka shong tynrai eh ha ka bor jingtip.

Ha kaba mynnyngkong u briew um shym iapher na u mrad hi. La u dei ban ialeh bad pynliem ia ki mrad khlaw kiba ieng nongshun ia u ne un shah pynliem ha ki mrad khlaw kiba donkam ia ka doh jong u. Hynrei u briew wat la u long uba tlot u don ka jingsian bad ka bor pyrkhath kaba u mrad um don bad kane ka kylla long ka atiar ba shyrkhei ban ialeh ia kine ki bor jong ka mariang. U lap buit kumno ban sliew ding bad kane ka buit ka kylla long

ka bor bah ha ki kti jong u. Suki suki da ka bor pyrkhath bad jingtip u shna ia ki tiar iapom kumno ban iada ia lade na kine ki bor jong ka mariang kiba ieng nongshun ia u. Da kane ka jingshem buit u kylla long uba khlaifi bor tam napdeng ki jingthaw baroh. Suki-pa-suki u nang lap kawei ka buit thymmai hadien kawei pat tad haduh ba u kylla long u syiem bad u kynrad jong ka pyrtnei ka mariang.

Ngi im haka juk jong ka ka saian bad ki jingphylla jong ka. Kine baroh ki long tang ki sakhi jong ka bor-jingtip bad jing-shemphang jong u. Da kane ka bor u jop thiaw ia ki bor jong ka Mariang. Na ki khriang bad ki lat-lat u pynmih ia ka ding elektrik ban shakri ia u. Na ka lyer u pynmih ym tang ka bor elektrik hynrei ka bor ban pynkhih ia ki kor ki bor ki ban iapap ia ka jingtrei jong u. Na u mawpyrsut u pynmih ia u nar bad ka isbat ba un tei ia ki iing ki sem, ki kor ki bor bad ki kali bun jait bun rukom ban pynsuk ia ka leit ka wan ka trei ka ktah jong u. Na u shyiap u pynmih ia ka it bad na u mawramsong u pynmih ia ka shun bad ka dewbilat. Ka jingstad bad jingtip jong u ka nangroi. Ia ka ramew, ka suiñ bad ki jingjylliew ka duriaw u la jop da ka bor jong ka jingtip. Nalor ba u la shna ia ki roket, ki atom bomb, ki magaton bomb, u pyrkhath sa kumno ban jop ia kiwei pat ki met bneng bad ban shna ktem hangta. Kine baroh ki mih na ka jingtip bad jingstad ba u don haduh ba u bynriew hi u ieng ha ka lyngngoh lyngngaiñ ban pyrkhath shaphang ki jingshem buit thymmai ki bym don jingkut jingsdang.

Ha ka bor jong ka jingtip ka mariang ka dem khrup bad ka hap ban pynpaw pyrthei ia ki jingmaian baroh kiba kala buhrieh. Ka bor-jingtip ym tang ka pynkhlaia ia ka bor jabieng, ka hikar ruh ia u briew kumino ba un pyndonkam khambha ia ka bor-niet jong u. Kane ka iarap ia u briew ban nang pyuroi ia ka khih ka kamai, ka trei ka ktah bad ka ioh ka kot; ba ka jingim jong u kan long kham suk, khambha bad kham larkam.

Ym lah ban len ba ki jingpyrkhat bakhraw ki pynlong ia u briew u bakhraw bad ym don kawei pat ka jinglong kaba kham kor ban ia kaba u briew u wad ia ka jingshisha. Hynrei ym dei pat ban klet ba wat la ka bor jingtip ka long kaba khraw, dei ruh ban sngewthuh ba ka jingpyndonkam bakla ia ka kan long kham mynsaw ia u briew hi. Lada ka jingtip ka pynlamwir ia u briew da ka jingsarong bad jingmeng, ia ki jingkyrkhu baroh kiba ka lah ban ai yn rat noh maduh dyngkhong. Namar kata, donkam ia ka bor pyrkhat kaba maian ban ialam ia ka jingtip sha ka jingstad bad jingsian mynsiem. Dei tad ynda u bynriew u la kot rynieng sha kane ka thong ba ka jingtip ka long shisha ka bor.

### 23. TANG U BA NUD U JOP !

Ka jingjop kam ju wan da ka jingphohsniew lymne tang da kaba shu kwah hynrei da ka jingtrei shitom bad jinglen lade. Ki riewstad ki ong – **‘trei bad san, katba nangtrei nangsang’** ka long kaba shisha bad ka jingim uno uno u brieve u ba kwah ban kiew. Kiba tieng ban trei bad ban ñaleh kim lah da lei lei ruh ban ñoh ia ka jingjop.

Ki riewtymmen ki ong wat ju tyrwa bniat hati katba u hati u dang don ha khlaw lane wat ju tylliat jingshoh lypa shuwa ban leit beh mrad. Ki brieve kiba tlot jingmut jingpyrkhat ki lap miet tang ha kaba pyrkhat khlem trei katba ki brieve kiba khlaiñ jingmut jingpyrkhat ki pyrkhat bad ki trei. Teng teng haba ki jingeh ki wan ki tieng bad ki randien ba ki sa duh ia ka thong. Ka jingshisha jong ka jingjop ka shong tang ha kito kiba beñ ia ki jingeh bad kiba tur shaphrang.

La ong ba U Alexander ka Mecedonia u la pynbna ba u kwah ban jop ia ka pyrthei. Bun na ki myntri ki korbari bad ki riew donburom ki pyntieng kohtympan ia u. Da kiba bun ki daw ki pyrshang ban pynsahngheh ia kane ka jingkwah lamwir jong u. Hynrei U Alexander u kut jingmut triang ha lade bad shisyndon u khreh ban hiarthma ia ka Persia. U Syiem Persia nyngkong u rkhe beñ ia u hynrei U Alexander da ka jingshlur bad jingkut jingmut ba skhem u jop thiaw wat la u don tang khyndiat ki shipai. Khlem jingtieng ne jingriej u tur na kawei ka madan thma sha kawei pat ban seng ia ka Hima bah ki

**Krik bad pynsah ia la ka jong ka nam ha ki parom jong ka history.**

U Columbus u dei u riew lieng ba shlur bad ba doh satar. U kut jingmut ban wad ia ka lynti ïaid duriaw sha India. Ynda u la pynpaw ia kane ka jingthmu ki bakhraw batri jong ka Spain ki rkheie bein ia u bad kim ai jingiarap. Ki shim ba kane ka dei tang ka jingpyrkhat lamwir jong u riew king khlieh. Ha pdeng kat kine ki jingeh u Columbus um randien, u tur sha khmat bad thiaw u jop. Dei ka jingshlur bad jinglen lade jong u kaba la pyniar ia u pud u sam jong ka pyrtnei ban shem ia ka khyndew bah America.

U Napoleon ruh u long uwei napdeng kita. Um ju tieng ne phaidien na ki jingeh bad diengpyngkiang shisien ba u la kut jingmut. Haba ki rangbah shipai ki ong ba ka long ka bym lah ban jam ia ki Lum Alps, U Napoleon u jubab ba ka kyntien 'bym lah' ka don tang ha ka dictio-nary ki lamwir bad u da pynshisha ruh kumta. Ki Lum Alps ki dem ngon bad thiaw u jop ia ki hima baroh sha shiliang ki Lum Alps. Hato kane kam pynshisha ba ha kaba baroh kim nud marwei u nud bad u jop !

Ka long kumjuh ruh ha ka liang jong ka saian. Dei ki riewshlur bad ki riew kheiñduh kum ki shipai haka madan thma kiba la pynlah katne ia ka saian ban ïaid sha khmat. Ka Madan Curie ka aiti ia la ka jingim ban shem ia ka radium. Ka bein ia ka jingkyrdue bad jingthngan haduh ba kan da lap ia ka. Lada kan jin da la

shah shkor ia ka jingkren jong ki lok ki jor ban iehnoh  
 shiteng lynti ia ka jingwad jong ka, lehse ka pyrtnei jong  
 ka saian kan jin da la long kaba duk eh. Met bad mynsiem  
 ka aiti ia lade khlem khñium bad khlem dor haba ka ia  
 kynduh ia ki jingeh ba sohsat bad da ka jingñiaishah bad  
 jingkut jingmut baskhem thiauw ka jop bad baroh ka  
 pyrtnei ka lyngngoh.

Ia kane kawei ym dei ban klet ba baroh ki  
 jingkyrkhu kiba u bynríew u ïoh ki kyrsoi na ka jinglen  
 lade jong ki katto katne ki riewshlur: kiba peiñ ia la ka  
 jingim ban lap ia kiei kiei kiba bha na ka bynta ki longdien  
 ki ban wan. Shisien ba kila kut jingmut kim kynriah na  
 ka thong. Thop ki aiti met bad mynsiem haduh ba kin da  
 jop. Ka long ka jinghikai jong ka jingshisha ba u ba nud u  
 jop bad u khawpud u ïap bunsien shuwa ba un ïap.

\* \* \*

## LYNNONG – III

### KI KYNTIEN KYNNOH

Ka jingitynnad bad jingriewspah jong ka ktien Khasi ka shong shibun eh ha ki kyntien kynnoh kiba pynñahap pynñadait sbiak ia ka jingmut u nongkren. Ka jinglah ban pyndonkam ia kine ki kyntien ha ka rukom ka ba biang ka pynlong ia ngi kiba nang bha ban kren bad thoh khasi: ki long ki kpieng mohonmala jong ka litereshor. Ha kane ka liang ka ktien Khasi ka long kaba riewspah tam. Kine harum ki long katto katne ia kiba la pynbeit ryntih:-

### ‘A’

Aibam – Aidih/Aisa	Aiding – Aitheh
Aiwai – Aijin	Ai kha – Aiman
Aibuiñ – Aithiang	Ai ksuid – Aikhrei
Ai kyliang – Ai palat	Ai buit – Aibor
Ai nong – Ai ni	Adong – Adit
Ailad – Ai lynti	Ai khwa – Aikhwiah
Ai ksai – Ai lynti	Adiw – Adaw
Akor – Burom	Ai khawduh – Ai khawdang
Ai bylla – Ai kitnong	Ap miet – Ap ñong
Ai khaw kyliang – Ai khaw palat	
Ani – Ana	Ap dong – Ap ktem

**Adi – Ada**

**Ai suk – Ai saiñ**

**Atlukhi – Atlukhait**

**Ai shah – Ai sham**

**Atok – Mutok**

**Ai symbai – Ai phniang**

**Ai kñia – Ai khriam**

**Ai por – Ai ïa**

**Ai Amin – Ai Akaw**

**Ai pud – Ai sam**

**Ai bih – Ai ban**

**Ai snam – Ai ksuit**

**Ai kti – Ai kjat**

**Atnud – Atklong**

**Ai reng – Ai ngap**

**Ap ïing – Ap sem**

**Ai doh – Ai dait**

**Ai nguh – Ai dem**

**Ai byndi – Ai byndop**

**Ai rynñeng – Ai rynñot**

**Ai jadu – Ai myntor**

## **‘B’**

**Badap – Babiang/Bashlei**

**Baïoh – Bakot**

**Barim – Bajah**

**Babu – Subu/Phabu**

**Bakla – Bakli**

**Ba beh – Ba rap**

**Ba heh – Ba hain**

**Bat nia – Bat jutang**

**Bar shnong – Bar thaw**

**Ba tngit – Ba tngor**

**Bang – Thiang**

**Batai – Sutai**

**Bat niam – Bat rukom**

**Badon – Ba em**

**Babha – Bamiat**

**Baïong – Bangit**

**Basniew – Basmeh**

**Ba shida – Ba mada**

**Ba lah – Ba ïai**

**Barim – Bajah**

**Bat mynsiem – Bat phngar**

**Bat kular – Bat madar**

**Bar ri – Bar hima**

**Bat bor – Bat sor**

**Bam – sa**

**Ba sngur – Ba shida**



Bai lut – Bai sep	Bat riti – Bat dustur
Bai bam – Bai sa	Bai dan – Bai khrong
Bai khajna – Bai musul	Bai iing – Bai sem
Bam krem – Bam kroh	Bam ram – Bam shah
Bai khrong – Bai dan	Bam duk – Bam suk
Bai siew – Bai tda	Bainong – Baini
Beh nong – Beh ni	Beh ram – Beh shah
Beiñ dustur – Beiñ riti	Bai rngiew – Bai rwiang
Beh iing – Beh sem	Beh beiñ – Beh khoh
Bhabok – Bha nusib	Be-riti – Be-dustur
Bah ryndang – Bah khala	Bishni – Bishnot
Bitdur – Bitdar	Binong – Bishon
Biria – Birai	Bna shnong – Bna thaw
Bah rong – Bah rup	Bsa – Pjiah
Bna lad – Bna lynti	Bthah – Bthing
Bri – Bsah	Bynne – Bynni
Bishar – Khadar	Buaid – Tanglang
Bukhir – Khapnap	Buit sniew – Buit smeh/Buitpoh
Buit – Akor	Buh sngi – Buh ia
Byrngia – Byrngit	Byndi – Byndop
Brisoh – Brikwai	Byrngem – Byrsit
Buhrieh – Buhkhai	Byrni – Byrkhew
Burom – Surom	Bieit – Anna
Bynrop – Bynriap	Buitti – Buitjat
Bud kñi – Bud pyrsa	Bor – sor
Bor spah – Bor hajar	Baieit – Bathoiñ
Bhah – Bynta	

## ‘K’

<b>Ka kam – Ka jam</b>	<b>Ka ja – Ka jhur</b>
<b>Kamai – Ka jieh</b>	<b>Kambah – Kamsan</b>
<b>Katlah – Katiai</b>	<b>Ka bria – Ka braiñ</b>
<b>Khuid – Suba</b>	<b>Khatduh – Khatwai</b>
<b>Khaii – Pateng</b>	<b>Khapngiah – Khapngaiñ</b>
<b>Khasi – Khara</b>	<b>Ka ksing – Ka dhah/Ka Lama</b>
<b>Ka khad – Ka pad</b>	<b>Kba – Khaw</b>
<b>Kaida – Mada</b>	<b>Ka khwan – Ka dhon</b>
<b>Ka syrti – Ka juwai</b>	<b>Ka bam – Ka dih</b>
<b>Ka khet – Ka Bishna</b>	<b>Kynshew – Kyndiap</b>
<b>Ka nam – Ka burom</b>	<b>Kren byrthong – Kren lamla</b>
<b>Khaw – Kba</b>	<b>Khat ja – Khat jhur</b>
<b>Kyrsoi – Kyrsiap</b>	<b>Khapiah – Khadaiñ</b>
<b>Khap – Khum</b>	<b>Khawai – Dawai</b>
<b>Kyndeuh – Madeh</b>	<b>Khawduh – Khawtan</b>
<b>Khyllap – Khyllong</b>	<b>Kyrduh – Kyrtañ</b>
<b>Ka shipa – Ka lanot</b>	<b>Khiah – Nang</b>
<b>Ki khiew – Ki siang</b>	<b>Ka bhah – Ka bynta</b>
<b>Ka khih – Ka kamai</b>	<b>Ka tyrut – Ka smer</b>
<b>Ka ding – Ka theh</b>	<b>Khlemraiñ – Khlemsuiñ</b>
<b>Ka khlieh – Ka reng</b>	<b>Khem umjem – Khem umjah</b>
<b>Kyndop – Kyndiap</b>	<b>Kynthrung – Kynthreng</b>
<b>Khreh – Khrum</b>	<b>Kynshew – Kyndiap</b>
<b>Khubor – Antor</b>	<b>Khat tyrut – Khat smer</b>
<b>Khun kha – Khun long</b>	<b>Ki Khun – Ki ksiew</b>

<b>Khunlung – Khunjiap</b>	<b>Kyrkhah – Bynthiew</b>
<b>Khyndew – Shyiap</b>	<b>Khutia – Khutaiñ/Mutia</b>
<b>Ka kiad – Ka um</b>	<b>Khynnah – Khunlung</b>
<b>Kitnong – Kitni</b>	<b>Ka kit – Ka bah</b>
<b>Korbar – Sorbar</b>	<b>Kop – Sop</b>
<b>Kpieng – Ksah</b>	<b>Kper – Phrah</b>
<b>Kren dom – Kren bitar</b>	<b>Kreni – Kroh</b>
<b>Kren sih – Kren sang/Kren thala</b>	
<b>Kren khraw – Kren hangamei</b>	
<b>Ka kroh – Ka kram</b>	<b>Ka rwiang – Ka nusib</b>
<b>Kyndit – Kynthrad</b>	<b>Khun blei – Khun dken</b>
<b>Ka sabuit – Ka sakai</b>	<b>Ka skai – Ka trah/Ka skiah</b>
<b>Kynthur – Kynther</b>	<b>Kynme – Kynpha</b>
<b>Khundir – Khunti</b>	<b>Khun Tham – Khun Jynreiñ</b>
<b>Ksam – Kbia</b>	<b>Khun shnat – Khun long</b>
<b>Ka ktung – Ka ktap</b>	<b>Ktieh – Lwer</b>
<b>Ka kuna – Ka kait</b>	<b>Kulmar – Kulwit</b>
<b>Ka kur – Ka kmie</b>	<b>Kup – Sem</b>
<b>Kylliang – Palat</b>	<b>Kyllaiñ – Kyrjiaw</b>
<b>Korbar – Sorbar</b>	<b>Kynjak – Kynjik</b>
<b>Khieh – Ksar</b>	<b>Khiewja – Khiewjyntah</b>
<b>Ka khlaw – Ka btap</b>	<b>Ka khlam – Ka Nghoh</b>
<b>Khier-khier – Khar-khar</b>	<b>Ka khleiñ – Ka sbuh</b>
<b>Khongpong – Khongdeh</b>	<b>Khongdong – Mongdong</b>
<b>Khrew – Khriap</b>	<b>Khorsha – Borsha</b>
<b>Khum-khum – Kham-kham</b>	<b>Khroh – Kjor</b>

<b>Khur-khur – Kher-kher</b>	<b>Kur-kur – Ker-ker</b>
<b>Ki khun – Ki Hajar/Ki ksiew</b>	<b>Khunswet – Khunmyllung</b>
<b>Kynphuid – Kynphet</b>	<b>Khunruit – Khunjin</b>
<b>Khyllah – Khylliang</b>	<b>Khyndiat – Khynsoit</b>
<b>Khyrwaiñ – Khyrweh</b>	<b>Kyrduh – Kyrtañ</b>
<b>Ka iadrod – Ka iadum</b>	<b>Kit jingkit – Bah jingbah</b>
<b>Kitkam – Kitdam</b>	<b>Kñia – Khriam</b>
<b>Ka kot – Ka sla</b>	<b>Ka bri – Ka bsah/Khyndew</b>
<b>Ksiar – Rupa</b>	<b>Kren – Khana</b>
<b>Khñium-khñium – Khñiam-khñiam</b>	
<b>Khyllah – Khylliang</b>	<b>Kriah – Shang</b>
<b>Ka krung – Ka knap</b>	<b>Ktah – Shei</b>
<b>Ka trei – Ka ktah</b>	<b>Ka ktien – Ka thylliej</b>
<b>Kular – Madar</b>	<b>Kulong – Kumah</b>
<b>Kunai – Kutin</b>	<b>Ka riam – Ka beit</b>
<b>Kurim – Kupai</b>	<b>Kylli – Pyrthew</b>
<b>Kyndit – Kynthra</b>	<b>Kylluid – Kylwar</b>
<b>Kynnoh – Kynta</b>	<b>Kynroh – Kynram</b>
<b>Ki khun – ki raiot (ki mraw ki bymdei ki trai hima)</b>	
<b>Ki khun – Ki hajar</b>	<b>Kynthei – Khynnah</b>
<b>Kren thala – Kren thaleiñ</b>	<b>Kher – Mer</b>
<b>Kyrbeit – Kyrthing</b>	<b>Kyrkieh – Kyrdar</b>
<b>Kynum – U iing</b>	<b>Kyrpat – Kyrphon</b>
<b>Ka dah – Ka dong</b>	<b>Ka dak – Ka shin</b>
<b>Ka dien – Ka bud</b>	<b>Ka duk – Ka pap</b>
<b>Ka dulan – Ka paki</b>	<b>Kynruh – Kynrang</b>

Kyntoit – Kyntaij	Kyrkhu – Kyrdoh
Kyndan – Kynnah	Kyrdong – Kyrdiang
Kyrngah – Kyrngang	Kyrwiang – Kyrwit
Ka dieng – Ka siej	Ka ding – Ka theh
Ka dwar – Ka lynti	Ka dur – Ka dar
Ka byrsieh – Ka byrsang	Kamai – Damai

### ‘D’

Dawai – Dashin	Dawa – Dabi
Dawïing – Dawsem	Daw-lum – Daw-wah
Dang khie – Dangsan	Dawbah – Dawsan
Danda – Phuilia	Dap snier – Dap kpoh
Da rapjot – Da rappei	Daw sniew – Daw smeh
Duwai – Phirat	Duh nong – Duh ni
Duh sngi – Duh ïa/duh nong	Deng – Kup
Diengïei – Diengpied	Dieng shynraïñ – Dieng shynriah
Die – Thied	Dih – Bam
Dohïap – Dohim	Dohnud – Dohnam/Dohtor
Doh Khleïñ – Doh sbuh	Don bor – Don sor
Don lak – Don putit	Donkam – Donjam
Don dur – Don dar	Don rngiew – Don bshi
Don sap – Don phong	Dohkha – Doh pnat
Doh mrad – Doh mreng	Doh thli – Doh tham
Don burom – Don surom	Don spah – Don hajar
Duh – Sep/Tan	Dulan – Paki

Duwan – Dupat	Duwai – Phirad
Duh buit – Duh lad	Duh lad – Duh lynti
Duh kur – Duh jait	Dukhi – Dukhait
Dyngkhong – Dyngkhait	Dang dum – Dang ïong
Dei thana – Dei thakher	Diengduh – Diengshan
Dieng-lyngngong – Dienglyngngiang	
	Duma – Dukhew

### ‘E’

En ja – En jhur	En bam – En dih
Eriong – Erngit	Erbatemon – Erbatesi
En bhak – En nusib	En daw – En dong
En maiñ – En moh	En bor – En sor
Eh dohnud – Eh dohnam	Eh syrngiew – Eh syrnget
Eh wait – Eh stieh	Eh thied – Eh jaw
Eh rang – Eh riang	Eitmut – Eitmat
Eitkor – Eitngap	En bok – En rwiang
Engkor – Engngap	

### ‘Ng’

Nguh – Dem	Ngut – Nget
Ngiah – Shoiñ	Ngit ngit – Ngar ngar
Nger nger – Ngur ngur	Ngor – Daiñ
Ngong ngong – Ngeng ngeng	Nguh syiem – Nguh padsha
Ngar ngar – Nger nger	Ngut ngut – Nget nget
Ngoh – Khlam	Ngop – Ngam

**H'**

Harud – Hakiar	Halor – Hapoh
Hadien – Habud	Haba paw – Haba shai
Hap iing – Hap sem	Hap rynieng – Hap ryniot
Ha iing – Ha sem	Hangamei – Hangapa
Hap rong – Hap rup	Hap dur – Hap dar
Hap lyndang – Hap pyllup	Hangtai – Hangthie
Ha kjat – Ha kti	Ha jrong – Ha tbian
Hajan – Ha jngai	Ha kti – Ha kjat
Ha kyllai – Ha kyllon	Ha khmat – Ha khmut
Hap kuna – Hap kait	Hap dor – Hap mur
Ha madan – Ha madiyah	Haba ngen – Haba dum
Ha iew – Ha hat	Ha pyndem – Ha duwan
Hateng – Hakhat	Hiina – Sima
Horkit – Hordang	Hap iew – Hap hat
Hyndai – Hynthai	Hynñiew trep – Hynñiew [skum]
Hynmen – Hynbew	Her-ïap – Her-im
Her syrngiew – Her syrnget	Hum hum – Ham ham

**T'**

Ibang – Ithiang	I beiñ – I khoh
I bha – I miat	I bit – I biang
Iwbih – Iwthiang	Iwsieng – Iwsat
I ngap – I bang	Imat – Imut
Ithuh – Ithaw	Ipher – Iphar

Ingdong – Ingnab

I wit – I wa

I bieit – I anna

Ingtyrkhong – Ingtyrkhap

Iwli – Iwhoit

I rong – I rup

Isih – Isang

Ieit – Thoiñ

It – Hima

Ilaka – Singmana

Ingkhong – Ingkhait

Ikhmat – Ikhmut

I sat – I jew

I lup – I bang

I raitoi – I raijot

Iphuh – Iphieng

## ‘Ĭ’

Ĭasam – Ĭapiah

Ĭashah – Ĭasham

Ĭa kajia – Ĭa majia

Ĭa kynnoh – Ĭa kynshew

Ĭathuh – Ĭathaw

Ĭap – Ĭm

Ĭasum – Ĭasleh

Ĭa tim – Ĭa tla

Ĭa khadmaw – Ĭa khaddieng

Ĭabuit – Ĭasop

Ĭabna – Ĭathuh

Ĭamai – Ĭatim/Ĭania

Ĭaraiñ – Ĭariap

Ĭathuhkhana – Ĭa thuhkyrteng/Ĭa thuhkhadeh

ĬingĬap – Ĭingsap

Ĭa bhah – Ĭa bynta

Ĭa shun – Ĭa sniew

Ĭalaw – Ĭaloit

Ĭalap – Ĭariew

Ĭakhana – Ĭakhadeh

Ĭasang – Ĭama

Ĭa lapmiet – Ĭa lapsngi

Ĭathoh – Ĭatar

Ĭa syllok – Ĭa syllaiñ

Ĭaluh – Ĭapah/Ĭalang

Ĭa smai – Ĭa spot/Ĭa kiria

Ĭa thad – Ĭa bat

Ĭingpaki – Ĭingdulan



ĭingsat – ĭingsunon	ĭingbasa – ĭingbasun
ĭakhih – ĭakrad	ĭaid – ĭeng
ĭapbieit – ĭapthem	ĭapthngan – ĭapjingit
ĭapngiah – ĭapshoiñ	ĭap biat–ĭap ram/ĭap
ĭing – Sem	[shitengpor
ĭaptyrut – ĭapsmer	ĭaidkai – ĭengkai
ĭapler – ĭapang	ĭapkhlam – ĭapngoh
ĭappongding – ĭappongruh	ĭap lehrain – ĭap lehsuiñ
ĭarong – ĭarah/ĭadep	ĭap tyrsaw – ĭap tyrsaiñ
ĭa prong – ĭa prup	ĭap sniew – ĭap smeh
ĭingshong – ĭingsah	ĭapduh – ĭaptan
ĭar-ĭar – ĭur-ĭur	ĭap-ĭap – ĭop-ĭop

## ‘J’

Jaboh – Jabaiñ	Jakhlia – Jakhlait
Jaka – Puta	Jarong – Jadep
Japha – Japhuh	Jaiñ – Nep
Jangew – Jathang	Jait– Khong/Kynja
Jaiñsop – Jaiñspaiñ	Jaituh – Jaisngi
Jajew – Jajap	Jar-jar – jir-jir
Jaw ummat – Jaw ummut	Jaiñkhor – Jaiñkhriam
Jaiñjot – Jaiñpei	Jaipdeh – Jaisngi
Jajah – Jathang	Janai – Jaton
Jasong – Jatap	Jingkit – Jingbah
Jingriam – Jingpah	Jahthait – Jahjrem
Jemnud – Jemtin/Jemhin	Jemrngiew – Jemrwiang

<b>Jem ktien – Jem thylliej</b>	<b>Jingkheĩn – Jingdiah</b>
<b>Jinglaw – Jingloit</b>	<b>Jingdeng – Jingkup</b>
<b>Jingduh – Jingtán</b>	<b>Jingbang – Jingthiang</b>
<b>Jingkah – Jingkhum</b>	<b>Jingkieng – Panat</b>
<b>Jingmong – Jingdet</b>	<b>Jingri – Jingdup</b>
<b>Jhur – Jhep</b>	<b>Jngai – Rwang</b>
<b>Jingdum – Jingkah</b>	<b>Jyntah – Jynber</b>
<b>Jynjar – Jyntrah</b>	<b>Jylliaw – Jylloit</b>
<b>Jyrmie – Jyrteh/Jyrthang</b>	<b>Jyrwit – Jyrwa</b>
<b>Jyllun – Lymphuiñ</b>	<b>Jyrhoh – Jyrham</b>
<b>Jynjar – Trah</b>	<b>Jyllud – Jyllan</b>

### ‘L’

<b>Lai lum – Lai wah</b>	<b>Lait – Let</b>
<b>Lamet – Latang</b>	<b>lait met – Lait phad</b>
<b>Laitsngi – Laitia</b>	<b>Lait ram – Lait shah</b>
<b>Laitthied – Laitjaw</b>	<b>Lait ksuid – Lait khrei</b>
<b>Lamwir – Lamtham</b>	<b>Lamdoh – Lamkah</b>
<b>Lampud – Lamsam/Lamsher</b>	<b>Lamler – Lambait</b>
<b>Lam lynti – Lam syngkieng</b>	<b>Lawkyntang – Law adong</b>
<b>Leh sarong – Leh saphei</b>	<b>Leh dohiap – Leh dohim</b>
<b>Lehbeĩn – Lehkho</b>	<b>Leh khynraw – Leh khyndeĩn</b>
<b>Leh palat – Leh paliang</b>	<b>Lehrong – Lehrup</b>
<b>Leh tamsa – Leh tamhoi</b>	<b>Leitdur – Leitdar</b>
<b>Leh sang – Leh ma</b>	<b>Leh batip – Leh banang</b>
<b>Lei hima – Lei muluk</b>	<b>Leh sat – Leh jew</b>

<b>Leit kai – Leit ïaid</b>	<b>Leit lamdoh – Leit lamkah</b>
<b>Lok – Jor</b>	<b>Longiot – Longpei/Longrem</b>
<b>Longsniew – Longsmeh</b>	<b>Longbriew – Manbriew</b>
<b>Longtiing – Longsem</b>	<b>Longkur – Longkha</b>
<b>Longbha – Longmiat</b>	<b>Longrynieng – Longryniot</b>
<b>Lynga – Pisa</b>	<b>Lynti – syngkieng</b>
<b>Lymmuh – Lymmaiñ</b>	<b>Lyngkha – Risai</b>
<b>Lyngkhuid – Lymbiang</b>	<b>Lynti khlaw – Lynti kyreng/ [btap]</b>

<b>Lynñiar – Lympat</b>	<b>Lyngkrang – Phakrang</b>
<b>Lymbher – Lymbtait</b>	<b>Lynruh – Lynram</b>
<b>Lynter – Lyntait</b>	<b>Lyngkhot – Lyngkhai</b>
<b>Lymbrum – Lymbram</b>	<b>Lyndang – Pyllup</b>
<b>Lyntang – Thaboh</b>	<b>Lynti bah – Lynti san</b>
<b>Lutphut – Lutsha</b>	<b>Lut spah – Lut hajar</b>
<b>Lkhit – Lkhai</b>	<b>Lorni – Lorhap</b>
<b>Lor – Hap</b>	<b>Lymbiah – Lymbaiñ</b>

### **‘M’**

<b>Maitang – Maitait</b>	<b>Maian – Maiot</b>
<b>Mastieh – Ryngkang</b>	<b>Mat kyliang – Mat palat</b>
<b>Matlah – Matpei</b>	<b>Mawlong – Mawteh</b>
<b>Mawramsong – Mawramteh</b>	<b>Maitlynti – Maitsyngkieng</b>
<b>Mat samla – Mat samhoi</b>	<b>Mationg – Matlieh</b>
<b>Mad – pung</b>	<b>Mawbah – Mawsan/Mawnam</b>
<b>Marjan – Marpa</b>	<b>Mawshyieng – Mawshruh</b>

<b>Mawniam – Mawrukom</b>	<b>Matdong – Matsuh</b>
<b>Meikha – Pakha</b>	<b>Meisan – Meinah</b>
<b>Meidot – Padot</b>	<b>Met – Phad</b>
<b>Meitang – Meitait</b>	<b>Men kunok – Men kunah</b>
<b>Moiñ – Manik</b>	<b>Mynmiet – Mynñong</b>
<b>Mynsngi – Mynshai</b>	<b>Mynbarim – Mynbajah</b>
<b>Mynsaw – Mynsnam/Mynsuiñ</b>	<b>Mymwei – Mynar</b>
<b>Mut – Khan</b>	<b>Mudui – Karot</b>
<b>Mushli – Mushla</b>	<b>Mutdur – Mutdar</b>
<b>Minot – Ador</b>	<b>Mihngi – Sepngi</b>
<b>Mentuh – Menthim</b>	<b>Maitphang – Maitlynti</b>
<b>Mih snam – Mih ksuit</b>	<b>Mushlia – Mushlait</b>
<b>Mut duk – Mut suk</b>	<b>Mynthi – Mynroh</b>
<b>Men kulong – Men kumah</b>	<b>Men buaid – Men tanglang</b>

### **‘N’**

<b>Najan – Napa</b>	<b>Na jngai – Na rngit/Rwang</b>
<b>Nia – Jutang</b>	<b>Niam – Rukom</b>
<b>Naduh – Haduh</b>	<b>Na phang – Na dah</b>
<b>Nongwei – Nongar</b>	<b>Nongkheĩñksuid– Nongkheĩñ khrei</b>
<b>Nohjot – Nohrem</b>	<b>Nongkhynraw – Nongkhyndeĩñ</b>
<b>Nongda – Nongri</b>	<b>Nongsumar – Nongsukher</b>
<b>Nongbehram – Nongbehshah</b>	<b>Nonglieh – Nongstem</b>
<b>Nongsaitthma – Nongsaitktien</b>	<b>Nohblei – Nohdken</b>
<b>Nongpynwit – Nongpynwa</b>	<b>Nongmushlia – Nongmushlait</b>

Nongsor – Nongkyndong	Na jrong – Na tbian
Na mihngi – Na sepngi	Na khlaw – Na btap
Na lum – Na wah	Na kyrpong – Na pongshai
Narud – Na kiar	Nangang – Nanghap
Nongjrong – Nongur	Nongkitnong – Nongkitni
Nonglehpalat – Nonglehpaliang	
Nongsam – Nongpeit	Nongthew – Nongwoh
Nongsambynta – Nongbuhbynta	
Nongtymmen – Nongsan	Nyngkomg – Nyngshap
Na lynti – Na syngkieng	Na ĩew – Na hat
Na shakiar – Na sharuh	Na khmat – Na khmut
Na pongshai – Na pongruh	Na shkor – Na ngab

### ‘Ñ’

Ñiur- ñiur – Ñiar-ñiar	Ñiup-ñiup – Ñiap-ñiap
Ñiuhkhlieh – Ñiuhstreng	Ñiewbeĩñ – Ñiewkhoh
Ñior-ñior – Ñiur-ñiur	Ñiangdait – Ñiangbuit
Ñiewduh – Ñiewdam	Ñiutmaw – Ñiutdieng
Ñiuhmoh – Ñiuhmaiñ	Ñiewshiliang – Ñiewshiphiah
Ñiewtang – Ñiewur	Ñiewbieit – Ñiewthem

### ‘O’

Orpait – Orpra	Orkad – Orpdang
Oh kuna – Oh kait	Oh nong – Oh ni
Oh sngi – Oh nong	Ot doh – Ot kah
Ot im-im – Ot peit-peit	Ot shrong – Oh shrup

Oh shrong – Oh shrup	Ot shriew – Ot phan
Ot krai – Ot hadem	Oh rong – Oh rup
On tep – On thàng	On sniew – On smeh

### ‘P’

Palei – Pasiang	Pangkhlich – Pangreng
Paitdohnud – Paitdohnam	Pangmat – Pangpung
Pakai – Sukai	Pahuh – Pahai
Pateng – Pakit	Pashat – Pakhin
Pangdohnud – Pangdohnam	Pharshi – Pharlam
Para marjan – Para marpa	Para kher – Para mer
Pait – Pra	Para shongkha – Para [shongman]
Pangah – Pangaiñ	Phah kylli – Phah pyrthew
Panguh – Pangeh	Pangkhrew – Pangkhriap
Para shnong – Para thaw	Pangmet – Pangphad
Pratrai – Pradkhuh	Para kur – Para kha
Peitmat – Peitmut	Peitsuh – Peitdong
Peisa – Peilaiñ	Phet lyndet – Phet lyndang
Peitlyngoh – Peitlyngaiñ	Peitmiet – Peitiong
Pohjait – Pohrati	Phetiap – Phetim
Poisngi – Poi-ia	Poiktien – Poithylliej
Pynbud – Pynrap	Puria – Purap
Pynsum – Pynsleh/Pynsait	Pyrkhat – Pyrdaiñ
Pynduh – Pyndam	Pynshok – Pynkham
Phuhmut – Phuhmat	Pynsoh – Pynkham

<b>Pukir – Pukra</b>	<b>Poikha – Poiman</b>
<b>Pynñaid – Pynñeng</b>	<b>Pynklit – Pynklat</b>
<b>Pynsiew – Pynset</b>	<b>Pynbha – Pynmīat</b>
<b>Pyntrei – Pynktah</b>	<b>Pyndap – Pynbiang</b>
<b>Pynkyndit – Pynkynthra</b>	<b>Pynkvilli – Pynpyrthaw</b>
<b>Pynsniew – Pynsmeh</b>	<b>Pynur – Pynhap</b>
<b>Pynkthang – Pynjlep</b>	<b>Pynwi – Pynhoit</b>
<b>Pynshoi – Pynshad</b>	<b>Pyrсія – Pyrkat</b>
<b>Par tuh – Par thim</b>	<b>Pyngking-khlieh – Pynking- [reng]</b>
<b>Pyrthei – Mariang</b>	<b>Par iap – Par im</b>
<b>Pasiaw – Pasoit</b>	<b>Pyrtā – Shula</b>

### **‘R’**

<b>Raimaw – Raidieng</b>	<b>Rangli – Juki</b>
<b>Rahrong – Rahnam</b>	<b>Raitong – Rainot</b>
<b>Rangai – Rangiew</b>	<b>Raishyieng – Raishruh</b>
<b>Raieh – Raidam</b>	<b>Rai sniew – Raismeh</b>
<b>Rathai – Radai</b>	<b>Rangbah – Rangsan</b>
<b>Rat – Thiew</b>	<b>Raiduh – Raidam</b>
<b>Ratduh – Ratdam</b>	<b>Rangkynih – Rangphawar</b>
<b>Ratbah – Ratsan</b>	<b>Rangiew – Rangaiñ</b>
<b>Rapjot – Rappei</b>	<b>Rapsngi – Rap-ia</b>
<b>Rahbor – Rahsor</b>	<b>Rah tyngshop – Rah puron</b>
<b>Rahnam – Rahburom</b>	<b>Rah syrngiew – Rah syrngēt</b>
<b>Rep – Riāng</b>	<b>Reng – Ngap</b>

Riam – Beit  
 Riat – Ram  
 Ringdur – Ringdar  
 Riewbieit – Riewthem  
 Riewsniew – Riewsmeh  
 Ri-ling – Ri-sem  
 Rwai – Siaw  
 Runar – Ruser  
 Rynsan – Rynbah  
 Riewbha – Riewmiat  
 Riewspah – Riewphew  
 Riewshida – Riewmada  
 Ruma – Rutit  
 Rymphut – Rymphet  
 Rymbuiñ – Rymbaiñ

Ringmaw – Ringdieng  
 Ringswai – Ringsdot  
 Ringsyrngiew – Ringsyrnget  
 Riewbha – Riewmiat  
 Riewphulia – Riewdanda  
 Ri lum – Ri thor  
 Rwat – Rwiang  
 Rynñeng – Rynñot  
 Riewbah – Riewsan  
 Riewhok – Riewsot  
 Riewtymmen – Riewsan  
 Rong – Rup  
 Ryngekew – Basa  
 Rynghking – Pakhing  
 Rynjaiñ – Rynjep

### ‘S’

Sap – Phong  
 Sarong – Saphei  
 Sangam – Sajah  
 Saidthma – Saidktien  
 Saphret – Saphrong  
 Sap – Phong  
 Sang – Ma  
 Saiñdur – Saiñdar  
 Samla – Samhoi

Sat – Jew/Khyllong  
 Sad – Sunon  
 Saikhum – Saiteh  
 Salit – Samong/Saphiah  
 Satar – Sajap  
 Sakhi – Satar  
 Sahep – Suba  
 Salia – Salaid  
 Sapied – Sapai



Sait – Sum	Sakhait – Sakhoit
Sangsot – Sangpap	Sahnud – Sahklong
Setkut – Setdang	Seng – Dang
Shakri – Shakor	Shadem – Sharuh
Shap – Muhor	Shemphang – Shemlad
Shempap – Shemlanot	Shembha – Shemmiat
Shad – Kmen	Shaniah – Shakhien
Sharud – Shakiar/Shariang	Shemsang – Shem-ma
Shikur – Shikmie	Shibit – Arbit
Shim shah – Shim ram	Shit – Syang
Shipa – Shipi	Shiteng – Shiliang
Shitengmiet – Shitengdum	Shitengsynia – Shitengdymmoh
Shitom – Shijot	Siaw-siaw – Soit-soit
Siewspah – Siewphew	Sin – Rngop
Siatpharshi – Siatpharlam	Shohnoh – Shohtuh
Sohshnong – Sothaw	Sohphan – Sohpnat
Shong – Sah	Sopti – Sopjat
Shyiang – Shruh	Shnat – Kuna
Shongkai – Shongiaid	Shongksuid – Shongkhrei
Shongthap – Shongbiang	Shongkurim – Shongkupai
Shongdoh – Shongkah	Shun – Pen
Shongkur – Shongsang	Shongdor – Shongmur
Shoh – Dat	Shohdohkha – Shohdohpnat
Shrong – Shrup	Shwar – Tyngkieng
Shynroiñ – Shynriap	Shuti – Shuwai
Sum – Sleh	Suk – Saiñ

<b>Suh – Thaiñ/Thar</b>	<b>Suloi – Kaman</b>
<b>Suki – Suloiñ</b>	<b>Sumar – Sukher</b>
<b>Sngewbieit – Sngewthem/Sngewanna</b>	
<b>Sngewsih – Sngewdiaw</b>	<b>Sngewbha – Sngewmiat</b>
<b>Sngewjan – Sngewlem</b>	<b>Sngewieit – Sngewthoiñ</b>
<b>Sngewsarong – Sngewsaphei</b>	<b>Sngewdap – Sngewbiang</b>
<b>Sngewthuh – Sngewthaw</b>	<b>Shynriah – Shynraiñ</b>
<b>Shynraiñ – Tyngin</b>	<b>Smai – Spot/Kiria</b>
<b>Snam – Ksuit</b>	<b>Snier – Snap</b>
<b>Sohjew – Sohsat</b>	<b>Sohsyiem – Sohtang</b>
<b>Sohpet – Shynnai</b>	<b>Sohliang – Sohkah</b>
<b>Spah – Phew/Hajar</b>	<b>Stieh – Wait</b>
<b>Sylla – Syllok</b>	<b>Synshar – Khadar/Bishar</b>
<b>Syntiew – Skud</b>	<b>Syrngiew – Syrngiet</b>
<b>Shitom – Shijot</b>	<b>Shnong – Thaw</b>
<b>Shongbasa – Shongbasun</b>	<b>Shongkha – Shongman</b>
<b>Shongblei – Shongdken</b>	<b>Shongshnong – Shongthaw</b>
<b>Shongsniew – Shongsmeh</b>	<b>Siew – Tda</b>
<b>Siewtun – Siewjiap</b>	<b>Sneng – Kraw</b>
<b>Smat – Sting</b>	<b>Sboh – Sbur</b>
<b>Syrwa – Syrwut</b>	<b>Synrum – Synrah</b>
<b>Synteng – Synngor</b>	<b>Syrdep – Syrphong</b>
<b>Syrtok – Motok</b>	<b>Swar – Swiah</b>
<b>Swai – Swot</b>	<b>Simpah – Simkaro</b>

**T**

<b>Tamti – Tamjat</b>	<b>Tamsa – Tamken/Tamhoi</b>
<b>Tasam – Takut</b>	<b>Taprngiew – Taprwiang</b>
<b>Tappud – Tapsam</b>	<b>Tanti – Tanjat</b>
<b>Teh – Khum</b>	<b>Tem – Put</b>
<b>Tehlang – Songlang</b>	<b>Tngit – Tngar</b>
<b>Thangsaw – Thangsain</b>	<b>Thana – Thakher</b>
<b>Thabalieh – Thabalong</b>	<b>Thepshyieng – Thepshruh</b>
<b>Thngad – Thngaw</b>	<b>Thawpait – Thawpra</b>
<b>Thawdur – Thawdar</b>	<b>Thad – Bat</b>
<b>Thamula – Thamulein</b>	<b>Thawlang – Iawbei</b>
<b>Tanti – Tanjat</b>	<b>Thungtasam – Thungtakut</b>
<b>Thiahbasa – Thiahbasun</b>	<b>Tyngka – Peisa</b>
<b>Thiahsngi – Thiahthem</b>	<b>Thiedshah – Thiedsham</b>
<b>Thied – Pet</b>	<b>Thliew – Syar</b>
<b>Thut – Thynrei</b>	<b>Thma – Ktien</b>
<b>Thoh – Tar</b>	<b>Thungbaji – Thungprah</b>
<b>Thylliej – Sabieng</b>	<b>Thana – Thakher</b>
<b>Tipkur – Tipkmie</b>	<b>Tienbiria – Tienbirai</b>
<b>Tim knia – Tim khriam</b>	<b>Tipsngi – Tipnong</b>
<b>Tim – Mai/Tla</b>	<b>Tipduh – Tipdang</b>
<b>Tipduk – Tipsuk</b>	<b>Tipbriew – Tipblei</b>
<b>Tipkyndong – Tipkynnah</b>	<b>Tiplynti – Tipsyngkieng</b>
<b>Tiar – Tar</b>	<b>Thew – Woh</b>
<b>Thngan – Jingit</b>	<b>Thiah – Shong</b>
<b>Thiah jingit – Thiah thngan</b>	<b>Thikni – Thikna</b>

<b>Thied Khutia – Thied khutaiñ</b>	<b>Thlia – Thlaid</b>
<b>Thlong – Synrei</b>	<b>Thok – Shukor</b>
<b>Thung – Tep</b>	<b>Taitkur – Taitkmie</b>
<b>Tdong – Shnet</b>	<b>Teh Ktien – Teh thylliej</b>
<b>Tnga – Khun</b>	<b>Tuh – Thiem</b>
<b>Tla – Tlep</b>	<b>Tulop – Dorma</b>
<b>Thliew – Syar</b>	<b>Tohmet – Tohjun</b>
<b>Thylli – Thyllan</b>	<b>Trai shnong – Trai thaw</b>
<b>Trai muluk – Trai jaka</b>	<b>Trai iing – Trai sem</b>
<b>Trai bri – Trai bsah</b>	<b>Trai seng – Trai dang</b>
<b>Trei – Beng/ktah</b>	<b>Tympew – Lakor</b>
<b>Tup – Man</b>	<b>Tule – Dangle</b>
<b>Tyndong – Tynnah</b>	<b>Tyrsaw – Tyrsaiñ/Tyrsian</b>
<b>Tynnum – Tymbah</b>	<b>Tyngkhap – Tyngkhip</b>
<b>Tylli – Tyllan</b>	<b>Tynriew – Tyndai</b>
<b>Tyrtut – Smer</b>	<b>Tyndep – Tyndup</b>

## ‘U’

<b>U briew – U Mrad</b>	<b>U maw – U Dieng</b>
<b>U Phan – U Kyrpad</b>	<b>U Khun – U Hajar/U Raiot</b>
<b>U Kñi – U Kpa</b>	<b>U Syiem – U Kmie</b>
<b>U Soitan – U Bhut</b>	<b>U Dkhot – U Dkhai/U Lamjew</b>
<b>U Lor – U Hap</b>	<b>U Dpei – U Jympuiñ</b>
<b>U Dusmon – U Dandia</b>	<b>U Myntri – U Korbari</b>
<b>U Syiem – U kmie</b>	<b>U soh– U Syntiew</b>
<b>U Synñiang – U Bynhei</b>	<b>Ud – Khñium</b>

Umtong – Umdih  
 U khnong – U rijied  
 U kynum – U iing  
 U Mraw – U dkhar  
 U dum – U maswa  
 U siej – U skong  
 U tyngshop – U puron  
 Um sngur – Um rupa  
 U war – U riat  
 Umngap – Umlwai  
 Um tngit – Um tngor

U khla – U thlen  
 U Ksuid – U khrei  
 U dkhar – U lyngkien  
 U Diko – U Garo/U Lyngngam  
 U shylliah – U tlieng  
 U soh – U pai  
 Um – Wah  
 Umjem – Umjah  
 Umsaw – Umsian  
 Ur – Hap  
 Ummat – Umpung/Ummut  
 U wieh – U ktia

### ‘W’

Wan ud – Wan nam  
 Wadar – Wakaw  
 Wad – Thud  
 Wandur – Wandar  
 Wahbah – Wahsan  
 Wohdaw – Wohdong  
 Wieh – Pung

Wan iam – Wan ud  
 Wai-wai – Wit-wit  
 Wanmet – Wanphad  
 Wankai – Wanlaid  
 Wahduid – Wahrit  
 Wohnia – Wohjutang  
 Wur-wur – Wer-wer



## LYNNONG – IV

### ADVERB ( JINGBATAI)

1. ***Sngap kyndong:*** Shahshkor bha bad kem ia kaei kaba iohsngew.  
***Sngap sta:*** Sngap da pyrkhath bad ieng hajuh khlem kren.
2. ***Sawriang:*** Ka jingsaw ka bneng shuwa ba ka sngi kan. mih.  
***Sawbyrhuiñ:*** Ka jingsaw ka ba lam byrtem bad ba rit ha jngai.
3. ***Peit seh:*** Kaba peit 'matlieh khlem khih ka snieh khmat kumba iap.  
***Peit samsia:*** Peit dom peit bitar kum ban kynrup.
4. ***Heh kubuit:*** Kaba shu heh briew khlem dur khlem dar.  
***Heh ramam:*** Kaba heh bad at thop thop ki ngap.
5. ***Iaid rakan:*** Kaba iaid khun pynkdor kjat ryngkat ka pynkhia jynshong.  
***Iaid byrship:*** Kaba iaid kdor pyntakhuh para khohsiew.
6. ***Kren suwan:*** Kaba kren shngiam kren heh ia kiba shah khlem kheiñ snep.

**Kren pakai:** Kaba shu kren lorni lorhap ia ka kam ka duk kiwei.

7. **Ƴong-ngaiñ:** Kaba Ƴong rben synia tliw tliw khlem Ƴohi ei ei ruh em

**Ƴong ngir-ngir:** Kaba Ƴong stang bad phyrnai.

8. **Bam kyrngaid:** Bam pyrkhing bad pynkhih met hajuh haduh ba la i wit.

**Bam plan:** Kaba bam na phang khlem tyngkai ei ei.

9. **Khih wit:** Kaba khih kulmar jingmut shanc shatai bad lymbrum lymbram.

**Khih waid-waid:** Kaba khih tlod hajuh ba shoh ne thang ka sngi.

10. **Kren ramia:** Kaba kren rngai khleh bieit khlem sngewthuh aiu ba mut.

**Kren umdum:** Kaba kren lymmuu lymmaiñ ban pyniadei jubor na kawei ka jingmut sha kawei pat khlem da ia parpaiñ ei ei.

11. **Kren kyntuid:** Kren pynshit pynskuiñ ia kiwei kumba kynshu ban Ƴania Ƴamai, Ƴashoh Ƴadat.

**Kren jawsheh:** Kren suki bad pynjem ryndang kum u nongbuaid.

12. **Her der:** Her laidluid bad kaweh kti kumba kaweh thapniang ka sim ha suiñ.

**Her sur:** Her kham suki ryngkat bad ka jingsawa de.

13. ***Īaid kynther:*** Kaba Īaid brun bran : kumba ki Īaiñ  
ki nep na ka met baroh kin hap.

***Īaid jyndat:*** Īaid kyrkieh khlem kren briew Īano  
Īano ruh.

14. ***Īaid kniang:*** Ka jingĪaid jong u briew u ba rit  
raikhoh bad ba jrong.

***Īaid kynjing:*** Īaid da ki shympriah kjat khlem  
pyndei khyndew ia ki sla kjat.

15. ***At byllun:*** Ka jingat haka met kaba khih shane  
shatai, khamtam ha ka kpoh kum ka um ne ka lyer.

***At kuda:*** Ka jingat kaba pyllun kum ka nub bad  
kaba eh pyrkhing hangne hangtai.

16. ***Īong Umreit:*** Īongwandur itynnad.

***Īong Ngaiñ:*** Kaba Īong rben bad synĪa khlem imat  
shuh.

17. ***Mareh kodom:*** Mareh stet bad kynthih artad pjong  
pjong.

***Mareh phongjang:*** Kaba mareh sum la ki kjat bad  
pynnoh la ka met.

18. ***Ap rymmang:*** Kaba ap khlem da thikna la kin wan  
ne em.

***Ap rhing:*** Kaba ap khlem da leh eiei shuh haduh  
ban da Īoh Īa kaba kwah.



19. **Kren dohnoid:** Kaba kren ryngkat ka pynjem <sup>1</sup>ka met baroh shiryngeng.
- Kren dohthaid:** Kren pnah bad pynjlan ia ka jingkren.
20. **Dem slup:** Kaba dem syndah da ka kpoh ha ka khyndew.
- Dem khohmuh:** Dem tur ia ka khyndew da ka khmut.
21. **Her diar:** Her sha jrong eh kum ka kot kudi.
- Her weng weng:** Her suki kumba hap kaei re na jrong.
22. **Heh pihe:** Heh sngaid bad khia ban laid ban ieng.
- Heh likut:** Kaba heh bad lyngkot sapdok.
23. **Ieng tnen:** Ieng khlem khih hajuh kum u maw u dieng.
- Ieng kynthuit:** Kaba ieng lyngngoh tang wei briew.
24. **Iong tili:** Iong tyrkhong ka sniehdoh.
- Iong ngaw:** Iong kum u rnga.
25. **Hap jraiñ:** Ka jinghap shisien hap jong kaei kaei kaba khia na jrong.
- Hap sbuk:** Hap na jrong bad sahngeh hajuh.
26. **Ap siar:** Kaba ap khlem pynsgew pyntip bad ba thmu ban leh ei ei kaba sniew.

**Ap rymmang:** Ap khlem tip ban wan ne ym wan.

27. **Lieh samup:** Haba lieh kum u ñiuhmoh bym ju khap.

**Lieh saphup:** Haba lieh kum u 'ñiuhkhlieh ba saphup.

28. **Lieh phlar phlar:** Kaba lieh kum bym don snam, ba kylla rong na ka jingpang.

**Lieh Phalang:** Kaba lieh bad pynthaba ia kaei kaei kaba pyrshah.

29. **Kren hew hew:** Kaba kren jam bad kyntuid artad.

**Kren rhah:** Kaba kren dait kren buit kren bishni bishnot ia kiwei.

30. **Kren jali jaum:** Kren jem bad khroh da ki kyntien bang kyntien thiang.

**Kren sboh:** Kaba shu kren leh mynleh kumba ieit ba sngewbha eh.

31. **Khih khum khum:** Kaba khih kyndit kumba ngat haei re da ka jingbitar.

**Khih khru khru:** Kaba khih kyrkieh ban leh ei ei.

32. **Iwli:** Kaba iw haba dei ne bit khleiñ ne kynja umphniang.

**Iwrieng:** Ka jingiw kaba lam iwkhong malu mala.

33. **Iwkyrteng:** Ka jingiw kaba pynsngewthuh ka dei kaei.

**Iwtung:** Ka jingiw kaba sieng bad sma kynsha

34. **Shong kyraiñ:** Kaba shong khyrwait met hajuh bad pynkhih shane shatai

**Shong tyngkhip:** Kaba shong kynrong bad bsuh la ki kti ha lynghong khohsiew.

35. **Sngaid phia:** Haba ka jingsngaid ka long kumba shu pyrsad

**Sngaid lykur lykur:** Kaba sngaid dap doh bad itynnad iplung

36. **Nep jlir:** Ka tiar kaba nep spud haduh tduh

**Nep jler:** Ka tiar kaba nep stang ha tduh.

37. **Peit tliw:** Kaba peit sah hajuh kumba dom ne pyrkhat

**Peit samsia:** Kaba peit dom kum ban kynrup ne bam doh.

38. **Riew wo-wo:** Ka kynja jingsawa kaba rit kaba mih na ki kynja tyndong stej.

**Riew pduk-pduk:** Ka jingsawa kaba mih na kaba bsiat ia ka kynja ba tylli hapoh.

39. **Shit btiar:** Ka jingshit jong ka sngi kaba thang ia ka snieh doh.

**Shit dang:** Ka jingshit ding haba pynpisa bad bym lah shah shuh.

40. ***Thoh pan:*** Ka jingthoh dak kaba jrong shaphang kpoh bad met.

***Thoh puid:*** Ka jingthoh dak kaba pynjakhlia ia ka met.

41. ***Thoh shar-shar:*** Ka jingthoh dak kaba ruid arsut kum ha ka jaiñ.

***Thoh lung thoh leng:*** Ka jingthoh rong hangne hangtai kaba pynisih bad pynsniew dur.

42. ***Kawang bhut (bhat):*** Kaba kawang da ka kynja tiar ba nep bad jrong kum ka wait.

***Kawang plom:*** Kawang da u kynja tiar ba khia bad ba eh kum u maw hapoh um.

43. ***Ktah tiak:*** Kaba shu pyndei da ki shympriah kti.

***Ktah ñiak:*** Kaba shu pyndei tiak da ka khmut shympriah kti kum ban pynsalia ne pynsmiej.

44. ***Shong bhek:*** Ba shong kynsan kumba hap na jrong.

***Shong mrong:*** Shong kumba ap ban ñoh ei ei.

45. ***Snoh pyrdah:*** Kaba thaiñ ki kti bad tawah ha ka lynthohdoh ne na ryndang.

***Snoh ryntan:*** Kaba shu snoh bat ha ki jaiñ ki nep kum ki khunlung.

46. ***Dung khak:*** Kaba dung bad pynsahkut artad da ka tiar kaba nep kum u nar ne ka tukri.

**Dung krak:** Dung na ka jaka kaba biang bad kythai artad.

47. **Khmi<sup>h</sup> shai<sup>n</sup>:** Kaba khmi<sup>h</sup> bad kwah dik dik ha ka dohnud.

**Khmi<sup>h</sup> shin:** Kaba khmi<sup>h</sup> thuh bad bishar artad.

48. **Kh<sup>ih</sup> win:** Ka jingkh<sup>ih</sup> kulmar u paitbah shane shatai

**Kh<sup>ih</sup> phaloh:** Kh<sup>ih</sup> kumba kh<sup>ih</sup> ki jingat phyllung ka duriaw.

49. **Shong thap<sup>n</sup>iur:** Shong wei briew khlem sad khlem khyllong bad leh sngewsih.

**Shong tipsngi:** Shong hajuh khlem kh<sup>ih</sup> khlem ksar.

**Shong kli kti:** Shu shong hajuh khlem trei ei ei, ne khlem pynkh<sup>ih</sup> ki kti ki kjat.

50. **Kren khmod khmod:** Kren dom kren khong khong ryngkat ka pynbthuh khmat.

**Kren madan:** Kaba ai nia da ki nia kai kiba sting thor thor.

51. **Kren siat:** Kaba kren pharshi bad tynrah i<sup>n</sup>o i<sup>n</sup>o na jngai

**Kren kyntmuk:** Kren dom mynthi i<sup>n</sup>a i<sup>n</sup>aid artad.

## LYNNONG - V

## KI KYNTIEN BA EH: KA JINGBATAI.

1. ***Ai ksew:*** Kaba kynshu ne pynshit ban foh ia kaba thmu. Haba tyor ne beh mrad la ju pyllait da ki ksew ban sma bad buddien ia ka mrad ha khlaw ban pynkhie ba ki nongap kin foh siat.
2. ***Ia ai reng:*** Iakop ban faleh ne ia tynjuh bor para rangbah la, da ka bor met ne da ka bor ktien (ka nia) katba jop.
3. ***Akher ka sngi:*** Ka sngi bishar ba khatduh jong u Blei ia kiba im bad ba iap la bha ne la sniew katkum ki jingleh. Kiba hok kin leit sha ka jingsuk jong ka bneng bad kiba pop sha ka jingpyn kordit ha nurok ka ksew (dujok).
4. ***Ai baibat:*** Kaba siewdor markti shiteng shiliang kum ka dak ba la bat ia kano kano ka mar die. Lada jia ba u nongthied um wan siew ha ka por ba la buh, un duh ei ia ka peisa baroh.
5. ***Ai boina:*** Kane ka dei ka ktien Bengali kaba mut ai peisa lypa katto katne kum ka dak ba la bat ia ka mar katba ym pat lah ban kit ne rah ia ka. Ka dak ba ia ka mar la thied ne la bat.
6. ***Ai huspai:*** Ai li ne ai mon than sha ba palat namar ba ieit haduh ba kin da fuhroit syndon na ka khlieh.

7. ***Ai baishun:*** Ka jingai peisa tyngka kaba khutia kaba byrtia khyndiat pa khyndiat haduh bym dep siew shuh katno katno ruh.
8. ***Ai khawduh:*** Kaba tait kur tait jait na kano ma ka daw sniew daw smeh, u ba ki kmie ki kpa kila ai lut ia ka bynta jong u bad ba um don hok shuh ban wan korbar wan tukla ia ka kam iing kam sem hadien ha bud. Kaba mut ba ka iing ne ka kur ka jait kam tip shuh ia ka im ka iap jong u bad um don bynta shuh ruh ha ka niam ka rukom, u synñiang u bynhei: la kheiñ ia u kum u ba la iap.
9. ***Ai ksuid:*** Kaba aisniew aismeh da kaba phah pynpang pynshitom da ki ksuid ki khrei haba ioh daw kemdaw na kano kano ka lait ka let, ka tam ka duna namar bym biang ha ka jinglong briew Khlem daw khlem lynti u nongaiksuid um lah ban pynshitom ne pynpang pynhia. Namar kata, yn ju bit ban phah shat phah kheiñ ne phah kñia phah khriam ha ki briew ki bymthikna ioh ki aiksuid kylla ia ka iing ia ka sem.
10. ***Ai sniew:*** Kaba pynbam da u kynbat ban pynking pynbañong ia ka khlieh ka reng ne pynbieit kynthei shynrang ne pynbam pyndih da ka bih.
12. ***Ai khyrwoh:*** Ai khubor ne ai jingtip. Hyndai ki phah khubor da ki ksah ba ki khot 'neanti' bad ki don lai jait- i. Ka ksah kaba biang ia ka 'tikmie ka iathuh ba ka por ka dang don. ii. Ka ksah kaba biang

ha ka 'tideng ka ðathuh baka por ka dang don tang ba la thmoit . iii. Ka ksah ha ka 'tiduh ka ðathuh ba ka por kam don shuh bad la dei ban kyrkieh dar dar. Ha ka ðingbishar pat ka ksah khyrmet ka dei ka rai bad ka ksah khylli ka dei ka apil.

13. ***Ai khaw kylliang:*** Ka mut ka jingia poikha kylliang jong ka kur kynthei bad ka kur shynrang. Ka ain u Khasi ka kheiñ ba ym bit ba ki rangbah na ka kur kynthei kin ðapoi kha bad ki kynthei naka liang jong u kpa ne ki kha.
14. ***Ai amin:*** Phah pynñasam ðapiah ða ki bri ki khyndew ha ka kashari namar ba ða bishni shipara.
15. ***Bam tyllan:*** Bam raksa bam rakot khlem pynsah ei ei shuh bad khlem pyrkhath ða ka la shai.
16. ***Bam jahhluit:*** Ba lew-lew laiñ-laiñ, ba leh kyrkieh ða kano kano ka kam khlem pyrkhath bad khlem sngewthuh nangno kan sdang bad shano kan kut bad sa babe kylla ynda ka kam ka sniew.
17. ***Bam kwai ha ðing U Blei:*** Ka kyntien kynmaw burom ða kiba ieit kiba thoiñ kiba la khlad noh kiba ki ngeit ba ki don ha dwar U Blei. Haba ki kren ne khlei ða ka kyrteng jong kiba kum kita ki da ktah artad ða u shangkwa.
18. ***Bam ruang:*** Bam lut ða ka kamai baroh na ka sngi sha ka sngi khlem ðoh kynshew ei ei ruh.
19. ***Bam plain:*** Bam shitom bad im shitom tyrkhip



tyrkhap tang teh ia ka mynsiem namar ba rit than ka kamai ne jingloh.

20. **Bam krang:** Ka jingpang kaba bam krem bam pong napoh bad kaba pynshitom jur ia u briew. Ia ka jingshun jingbishni la ong ba ka long kum ka jingpang kaba bam krang napoh, kaba pynkhih ia ka dohnud u briew ban pun bad leh ia kaba sniew.
21. **Bam ngem:** Na ka dur khmat la pynpaw ia ka jinglong sniew ba hapoh kaba pdem ia ka jingarsap arphong.
22. **Biah phongrai:** Ka jingkha pylleng u skaiñ ha ka doh ne dohkha ba kan pyut ba kan sma. Ka jingpynbudnam sniew ia ka nam babha u briew.
23. **Bat iambait:** U kynja ñiut uba khapbrip bad pynsniew dur ia lade tang da ka jingpynkhih ne jingpyrsat ba khyndiat. U ba phoi lian bad ba piaw tang shu kren ne pyni ki lok.
24. **Buh 'ingtyrkhong:** Ka jingbuhnud kaba katba ka nang slem ka nang khor sha ka jingkwah pynhiar kput, syriem kum u 'ingmakhir katba u nang tyrkhong katta u nang sat.
25. **Bah khala:** Kaba bah khlieh ban siew ne buria ia ka jingduh ne jinglut ksan baroh.
26. **Bai klier-wait:** Ka ji a bai lut ksan baroh jong ka thma.

27. **Bainoma:** Ka jingsiew ha kashari ban ioh ia ka rai ne ki kot ki sla jong ka mokotduma.
28. **Bai sorjamin:** Ka jingsiew ha kashari ne ha u nongbishar u ba leit peit leit jngoh, leit thew leit woh ia ka jaka ka phuta kaba don ka jingiakam ia knieh para pud khnang ban ia beit ia suk.
29. **Bah ryndang:** Shah da lade ne iap iapli namar kiwei. Hyndai ha ka bishar-blei da ka khalawait la ju pynmih uwei u ban bah ryndang na ka bynta ka iing, ka kur ka jait ban ia khalawait pyrshah ia u nongshun.
30. **Bai mynraiñkhmat:** Ka dor ba dawa ban siew namar ka jingpynjah burom ne jingleh beijot ia ka kynthei khynnah ne ka jingpynkheñ soksular ha ka jingia poikha poiman.
31. **Bailam baileit:** Ka seng ka dang ba ai ki kmie ki kpa haka leit khañ pateng ha ki khun.
32. **Bairneng:** Ka kynja jingai sngewbha da u sbai ne ka peisa ia la ki khun ki pyrsta haba ki leit hat leit iew ne leit jngleit jingai.
33. **Batktien:** Ka jingiakut iadaiñ hapteng u samla bad ka samla ban ia poikha ryngkat ka jingtip jingmynjur jong ki kmie ki kpa, ki ba haing ha sem
34. **Khad tyrut:** U nongkña u synreit da ka um ryngkat ka duwai kña ban weng ia ka mynsaw mynsuiñ, ka tyrut ka smer. Ka kynja jingkña ban

weng ia ka mynsaw mynsuiñ, ka tyrut ka smer ioh ka wan rung ha ka longiing longsem ne longrynieng ryniot.

35. **Bet khawtyndep:** Kaba pynbieit pynthame khlem tip briew. Ki Nongshohnoh ki ju bet khaw tyndep ban pynbieit pynthame ia ki briew khnang ba kin ioh ot bad ai ha u thlen.
36. **Kynjoh khaskaiñ:** Ka jingleh niam haba kiew ne rung iing thymmai. Haba kiew iing thymmai ki ju wah ia ki kha tyrkhong ha tympha ha tyngir bad kat kiba wan ki ia kynthih ki ia kynjoh ban shim ia ki. Ynda ki ioh ki ia thang bad bam sngewbha. Kaba pynpaw ba ka longiing longsem kan roi kan par, kan suk kan kmen bad kan san kan iar ka kamai ka kajieh.
37. **Khie rasong:** Ba kiew ha ka spah ka burom, ka kamai ka kajieh, ka trei ka ktah: ba eh ka dawiiing ka dawsem bad ba heh ka bok ka nusib.
38. **Khie lapeh:** U jingthung u ba khie ba plung tang u jynthang bad ki sla khlem soh khlem syntiew. Ia u briew u bajrong tang ka rynieng katba ka jabieng bad ka kam pat kam ler.
39. **Khi-lainuid:** Ka jingpynshitom da ka shnong ka thaw ia u nongai ksuid ai khrei bad shuwa ban beh shnong beh thaw ki khi lainuid ia ka khlieh jong u ban iathuh ba u dei u nongaiksuid.

40. ***Khun sohsyiem:*** U bar hima u ba shu wan pynīasoh hima, u kynja raŋot ym u khun u hajar.
41. ***Ka kaw:*** U sbai 1280 tylli ba hap ban siew ha ka kñia mawklīm da u shynrang ne da ka kynthēi ka ne u ba iōhtnga khlem dap shisnem hadien ba u ne ka ki iap. Ban pynkhuid iā ka klīm ka ban hap ban kñia maw klīm.
42. ***Ka kaw shiliang ka kaw arliang:*** Ka kuna ka kait ba shoh ka durbar bishar iā ki arliang mamla kiba iā kajia majia.
43. ***Kem bikar:*** Kaba shu kem na madan na surok ban pynkit iā kano kano ka jingkit da ka durbar ne da u syiem.
44. ***Kem kongor:*** Kaba shu kem iā uno uno u shynrang da ka hymmen ka para u syiem ban pynlong tnga pynlong kongor na pdeng u paitbah ba ka jait syiem kan nym duh jait.
45. ***Khyndai pateng ñiamra:*** Ka jaka pynshitom iā ki riwbymman ha ka akher ka sngi. Iā ka jaka kaba hapoh eh ki khot ka 'nurok ka ksew'.
46. ***Ka kjap ka star:*** Ka jingbym dap eit bha u rwieng syiar haba bishar ha ka khat syiar, kaba pynpaw iā ka dak sniew iā ka dei ha u briew ne u blei jong u rwieng.
47. ***Ka ksaw ka kpong:*** Ba dang ieng ka bok ka rwiang ha ka tyor ne ka beh mrad. Ban pynieng iā ka ksaw

ka kpong ki sieh ia ka rneng ka ngap ha pyndem duwan ne ha pdeng shnong pdeng thaw.

48. **Ki 'tien 'nam sarang:** Ki kyntien kynnoh kynshew, ki kyntien tim pynkiew pynhiar ban khot ia ka jingpynhiar kput U Blei; kiba dung kum ki khnam ia ka dohnud u ba 'iohsngew.
49. **Kur ja kur doh:** Ki kur kiba shu ia beh<sup>4</sup> ia poi tang ha ka rong ka taw, ka lad ka khawai . Ha ka iap ka im, ka jynjar ka shipa te em.
50. **Kylla lieng:** Kylla khongpong ka kamai ka kajieh, ka trei ka ktah, ka khañi ka pateng haduh ba ka longiing longsem ka hiar haka kyrduh ka kyrtan, ka longjot longpei.
51. **Kylla jain nep:** Ban suh nep la pyndonkam da ki jaiñ jot. Haba baroh ka kylla jaiñ nep ka mut ba baroh kiba ngi don ki long lehnonei bad bym larkam shuh.
52. **Kynther jymbuiñ:** Ka kmie haba ka tait khun ka da pyiar la ki shñiuh khlieh bad kren da ki 'tien sang 'tien smai ban nym kam khun shuh ne ia tip shuh ia ka iap ka im. Kaba kyntait bad bym kam shuh lano lano ruh. Ka kpoh syiem ka lah ban kynther jymbuiñ ia ka jinglong syiem ha kano kano ka hima.
53. **Ka kynrong ka kyntaw:** Kaba pynkynriah jaka ia ki shyieng jong ki nongiap na uwei u maw sha

uwei pat, na u maw-suidiap sha u Mawbah. Ia kane ki da leh da ka niam ka rukom ka rong ka taw ryngkat ka pungrei bad ka pynsum umkoi.

54. ***Kyndang kwah:*** U lwar ne u thri ba la khyrwait kadiang ha u ba kim ju pynsoh doh, u ba kit ia ka skai ka skiah, ka sniew khmat ka sniew khmut baroh. U briew u ba kwah rhah ia ka bym don hok ba un ioh bad u iap khlem da ioh ia kaba u kwah.
55. ***Ksan rympei:*** U briew u ba heh nia hch jutang ha kyndong kyndong bad u bym ju nud paw pyrthei. Ha durbar dursha u sngap kum u maw u dieng.
56. ***Kyrsan rngiew:*** Ki Khasi ki ngeit ba don kiba jem rngiew bad don kiba eh rngiew. Kiba jem rngiew ki pang ki swai bad ki jem daw. Ia kum kine la ju kyrsan rngiew da ka taplubri ne ksan rngiew.
57. ***Kamai nong khynraw:*** Ki kmie ki kpa ki ju shah ia ki khun ban trei ban kamai katba ki dang don ha iing bad ba kin lum kin lang hi ma ki. Ia kane ka kamai ki khot ka 'kamai nong khynraw'. Lada jia ba u iap khynraw, kane ka kamai ka leit sha ki kur.
58. ***Kylla mulot:*** Ka peisa jot bym iaid siew shuh. Ia kano kano kaba bha bad ba kordor kaba kylla bym iaid dor shuh ki ong kala kylla mulot. ( Mulot ka mut ngam treh pdiang).
59. ***Kiew langtylli:*** La kiew ka jingmeng jingsarong sha lyndet ki shkor haba trei ne leh wat ia kiei kiei

kiba rit ki bym i phuida haduh ba ki briew kiba peit  
kila rkhiu bein.

60. ***Khun ranab:*** Ba khun tang sha la ka mon ka  
sngewthuh tang ban myntoi ia lade ne pynieng nia  
tang sha la ka jingthmu.
61. ***Khem um shit khem umjah:*** Pynsuk pynjem ia  
ki arliang ia kajia da ki kyntien jali jaum khlem  
noh khlem ban shiliang iano iano ruh.
62. ***Kyndoi jakpoh:*** Ka jinglong duk, kaba shu im bylla  
kitnong tang ban ioh ka bam.
63. ***Kren daini:*** Kaba kren dait kren shyit kren  
wohdong kum u nongai ksuid
64. ***Kren amrang:*** Ka jungkren kaba shu khun tang  
sha lade khlem da sngap lem ia ka nia kiwei. Kren  
saitlah kren eh lah tang ban pynksan la ka nia.
65. ***Kren king jakynde:*** Kaba shu kren thulmur kren  
kulmar khlem sngewthuh ia ka khlieh ka tdong kum  
u buaid ne kum u briew u ba king janor.
66. ***Kurilei:*** Ka kyntien pyrwai tim knia u nongknia  
shuwa ban pynhap artad ia ka syrti ka jumai ha ka  
ryndang u syiar. Kaba mut, kyrkhu ko Blei  
Nongthaw nongbuh ba ri ba isynei ia u khun  
bynriew.
67. ***Da rapjot:*** Kaba ialeh ban buhrieh diam diam dam  
dam wat ia kaei kaei ka jingleh kaba la paw pyrthei  
tyngkrein kaba ym lah shuh ban buhrieh.

68. ***Dih 'ad tangnem:*** Kaba dih ãa ka kyiad kaba la tang ha u thlen. Ka sni jong ka wat ãa u briew uba bha ka pynlamwir ban leit shohnoh ne khylllep khyllong kylleng kylleng.
69. ***Diengshaiñ doh:*** U briew uba shu shah pharep, shah lehbeifñ kren beifñ ha ki briew kha-ma-kha khlem daw kumba shah ka dieng lyngkhot haba shaiñ ãa ki dohshyieng dohshruh.
70. ***Kit doh kyndang:*** ãa kit lem ne shah kynnoh lang ha ka sniew ka smeh ba leh kiwei kha-ma-kha.
71. ***Doh tait wait:*** Ka doh saphret saphrong kaba ym don ba kwah shuh ban tam. U briew uba la kyntait la ibeifñ da baroh na ki kam jong u hi.
72. ***Dieng byllan:*** Ki dieng synriang ba pyntuid ãa ki dieng heh ne ki dieng tokta ba kin ãaid. Haba ring mawbynna ruh ki leh ha kajuh ka rukom. ãa u briew u ba la shu pyndonkam da kiwei da ka jingleh ieit khnang ba kin ãoh thied buit ne ãoh pynjan sha u briew ne ka briew kaba ki mon ki thmu. Ynda kila ãoh la ka jingthmu kim ithuh shuh ãa u.
73. ***Ka daw ba lam khlieh:*** Khnang ban suk ha ka kynrong maw ãa ki shyieng ki shruh u nongiap, ki wad ãa ka daw lyngba ka shat ka kheifñ balei u ãap.
74. ***Dong shimat:*** Bym lah ban set ne kan ha lade ãa kano kano kaba u tip, u phlor u ãathuh noh ha kiwei syriem kum ka tyndong kaba tang shimat tang shu



kum pynkhih khyndiat ka um ka hoit lut baroh.  
Wat ia ka bymdei u iathuh la ka iathuh.

75. ***Ia ngam um:*** Kawei na ki bishar blei u Khasi hyndai. Ki arliang mamla ki jied mar la u kshih ban ia ngam. Uno uno uba lah kan slem eh ne ba loh ia u luta ba don lyngkhot ksiar ba buh u kshih ki syiem u jop ia ka mokotduma. Ia kane ki khot ka rai-blei.
76. ***Ka ngoh ka lan:*** Bym lohi shuh ia ka dur ka dar, ka syrngiew ka syrnet la slem.
77. ***Ka nguh let:*** Ka jingpanmap panhoi na khmat ka durbar blei ia ka lait ka let ba u briew u leh.
78. ***Ka sanglet:*** Ka jingiasuit ia shor, ia smai ia kiria ba ym bit ia kiew ia jan shuh pateng la pateng.
79. ***Ka hamsaia:*** Ka khubor ba shu her ha ka lyer ne ba shu iohsngew nangne nangtai khlem da tip la ka dei shisha ne em.
80. ***Ka pynkham:*** Ka jingai burom ia ki syiem ne kiba khraw; ka jingpynkham bor da ka jingbishar ban kam bad longtra i kano kano ka jaka.
81. ***Iar padat:*** U syiar ba ki knia ha jingthang tang shu ai ding. Ia une u syiar ki shu khyrwait haduh ban da iap bad ki padat ia u na shiliang sha shiliang jingthang laiwat. Tang ki nongkylla thang kiba bit ban bam ia u.
82. ***Ia suh martap:*** Ia leh dukhia dukhait khlem kheiñ shuh ia la ka jingim haduh ban da kut.

83. *Iu syndet myrsiang:* Ka jingsma iwkhong kaba bit sha ki jaiñ ki nep ba kum kyrsum ha ki ñiut ki phlang ba leit pynjih u myrsiang.
84. *Shi jhap wait:* Ka briew kaba don khun khadar ngut. Ka jhap wait ka dei ka ryngkap khnam ba kieng ha ka met kaba ngiam khadar tylli ki khnam. Ka riew bun khun bun kti.
85. *'Lai nilli kit synrum:* Ka tlai kaba ñeng harud wah bad haba ka umsaw ka wan, ki ñiut ki ñier bad ki synrum synram ki bah ki sahkut ha ka. Ka riew shempap shem jynjar.
86. *Men suh syntiew:* Ka briew kaba pnah thylliej ban lymbiah lymbaiñ bad pynñaluh samla kynthei shynrang la, da kaba ñoh bainong ne khlem bainong. Ka dei ka jinglong tynrai jong ka hi.
87. *'Nai khatsawsynña:* Khadsaw synña u bnai u pyllun bad phyrnai bha. Ña u ba la samla pura bad uba don dur don dar ki sin u 'nai khadsaw synña, u ba la biang ka rta ban leit ñing briew.
87. *'Niangthangdoh:* Ka khñiang kaba beh ia ka jingshai bad kaba thang hi ia lade ha u sharak ne ha ding. Ka briew kaba shu kren khlem da pyrkhat ban ñap ia lade ne poi sha ka lehraiñ ne ka jahburom
88. *'Niangraithoh:* Ki wieh hapoh snier kiba pynsnai pynraikhoh ia u briew. U briew uba pun ia ka shun ka bishni pyrshah ia la ki paralok ki sin u bam ñiangraithoh.

89. *Niangriang:* Ka kynja puri ne 'suid um kaba pyn'ap ia ki nongjngi ne pynpang ring ia kito kiba wan sum wan jngi ha ka pung ba ka don.
90. *Panshandi dem lorkhah:* Ka kynja dkar kaba rit kaba kiew halor dieng ban jngoh ia u 'Lur mangkara. Ka kynthei kaba iai ap bad khmih lynti lano shi lano ba u baieit jong ka un wan wat haba um don mon shuh ban wanphai.
91. *Pashat waidong:* Ki kyntien ba ka samla ka bret na jngai ban pynpaw ha u samla ba ka don jingmut.
92. *Paw pen ryngkew:* Ka jingsniew kaba ym lah set shuh ka paw bluit shabar.
93. *Phiang phiang bam sih:* U sim-sla-piang-piang u ba bhabriew bad ilub haduh katta katta u ba bam tang da ki jaboh jabaiñ. Ia u samla ba bhabriew bad ba im lali im lyngkar ki sin 'U phiang-piang bam sih'.
94. *Ka saw ka sian:* Hapdeng ka jingialeh ba jur ba phim kynmaw ei ei shuh.
95. *Sew bna lad:* U ksew u ba poi man ki jingkhawai. U briew u ba shu leit tur hi sha ka khawai dawai ki briew khlem da khot khlem da wer.
96. *Thlong mluh thlong sying:* Ka jing'ashun kaba katba ka nangslem katta ka nangjur, kaba ap kyriat bniat ban pynhiar kput.

97. ***Siej liarngot:*** U siej u ba lkuiñ bym don liar. U briew u ba la pynjot bad pynsepei ia la ka jingim naduh dangkhynnah samla. Kumba u tei u siej um long shuh u ba larkam, kumjuh ruh long u ba kum une u kynja samla.
98. ***Pyllait (tehnoh) san shyleng:*** Ka mut kaba ia pyllait tnga hakhmat u tymmen u san namar bym ia suk shuh ban ia shong ia sah ryngkat. Ia kane ki da pynlong ka jingpyrta ka jingshula na khlieh shnong ha trai shnong ba kita kita kila laitluid bad ym den jingteh jingkhum shuh.
99. ***Peh sylli pom shiwait:*** U kdait pom shiwait u ba tang shu bakla u la pynmynsaw namar ba u long uba nep. Ka mut u briew u bastad, basian, baproh bad nep jingmut, u ba don ka bor ban fohi jingai ryngkat ka nia ka jutang.
100. ***Ring saiphla:*** Ia ring sakhi satar bad buddien thik pa thik ban lap ia ka jingshisha.
101. ***Simpah simkaro:*** U nongpynshai u nongpynphngaiñ ia ka jingdum bad jingbym sngewthuh u briew; u riwhok riwsot u bym buhrieh ban kren ia ka hok bad jingshisha baroh.
102. ***Sim lai dieng:*** Ka briew kaba kyntiap na ka iing sha ka iing ban lorni lorhap ia ka kam ki briew, syriem kum ka sim ha ka ruh kaba kyntiap na uwei u dieng ha uwei u dieng.

103. *Sim tyngwieng:* U briew u bym kheit snep ban bynda byndi wat ia la ka kmie ba kha ba pun tang ban loh ia ka syrtok la jong. Ka khana tang ka iathuh ba une u sim tyngwieng u bynda la ka kmie ha ling ki syndakor tang ban loh jaispong ban leit sha ka shad ki laiphew sim laiphew doh. Ynda wai ka lat u klet noh ban leit pynphai ia ka jaispong ba la sngewkynthrong eh katba ka kmie ka shong mraw ha ling jong ki.
104. *Soh laper pep iew:* U kynja soh kwai ba rit bad itynnad hynrei u bym laid iew. Ia u briew uba shu buhteng ban leh ia kano kano ka kam haduh ba kan da pulom syndon.
105. *Len pula:* U thlen uba shong hajuh bad ap bam na juh. U briew u ba shu thap myntoi khlem trei ei ei.
106. *Siar kylla:* Kyrtoh lyndet na la ki kam bakla.
107. *Weng skai:* Ban pyllait na ka sniew khmat sniew khmut, ka sabuit ka sakai ki weng ki kyndat da ka sla tymphew ryngkat ka kren ka khana.
108. *U tangon u lyman:* Ka jingpynshitom ia ki riewrunar da kaba pynhap da u tangon u lyman haduh ba kin da iap.
109. *Upoi ei:* U ba shu wanwir wanhap nangno re.
110. *Tep eit miaw:* Kaba buhrieh ia kaei kaei kaba ym lah shuh ban buhrieh. Ka miaw ka tap ia la ka eit katba ka jingsma ka her kumjuh.

111. **Laplieng:** Kaba kyrkieh dar dar kum bym don por shuh.
112. **U kynthem u kynjai:** U riew don burom surom u ba kynjai majai ha ka jinglong jingim.
113. **Nohjot nohrem:** Wan hap wan ur ka jynjar ka lanot, ka shitom ka shijot ha ka longŋing longsem ne ka long rynŋeng rynŋot namar ki kam lajong hi.
114. **Tap lubri:** Ka niam ban pynneh kyrteng ha ka jer khun. Ia u shynrang ki ai da ka jymphong bad ia ka kyrthei da ka jaiñ kyrshah.
115. **Tap rngiew:** Ka jingkñia ban pyneh la ka bok ka rngiew namar ba jem rngiew jem rwiang bad ba shu pang shu jhia ne ba pyneh rngiew ha kano kano ka kam ka jam ba ki trei ki ktah.



## LYNNONG – VI

### KI KYNTIEN RIEWTYMMEN

1. ***Khleñ la thang jwat la bam:*** Ka ktien kaba sngewieit kum ban leh noh ne ai noh katba ka kam pat sha jngai bah.
2. ***Wat tharai batai ba ym don sla mluh:*** U briew u ba kwah burom ryngkat ka sngewstad batai stad ia kano kano ka kam khlem dei khlem shei haei haei ruh, u duh ia ka burom bad jingshaniah baroh.
3. ***Wat kyrhuh kum u laren khlem dum slap:*** U briew u ba kyrhuh bad byrngem ha kyndong kyndong kum ban bat ia u khla na ka tdong katba ka kam pat kam pushe ei ei.
4. ***Wat kmen tohhoh ia kyndang kwah:*** U briew u ba shu leh shongshit bad kmen jyndeit tang shu kular mano mano ban ai ei ei, khlem da tip la kin ai shisha ne eni.
5. ***Wat balia siang sdieh:*** U briew u ba shu balia bad kren ba nang ba tip ia kiei kiei khlem tip, na kawei ka iing sha kawei ka iing da ki kyntien blab blab, u balia siang sdieh khlem bainong.
6. ***Wat thew shiliang ia ka man:*** Ka jingieit shiliang khmat jong ki kmie ki kpa ia la ki khun.

7. ***Wat leh kum u 'sewbnalat:*** U briew u ba poi ruma haman la ki khawai ki briew khlem da khot ne pyntip.
8. ***Khun jynreiñ:*** U khun u ba shu kjit na ka kamai damai ki kmie ki kpa wat haba u la rangbah ruh. Ha ka jaka ba un pynshngaiñ pyntngen ia ki u kjit pynban haduh ba kin da snai da tyrkhong khait.
9. ***Miaw bam khon (khun):*** Ka kren ia ki kmie ki kpa kiba da ki kam arsap arphong ki pynjot pynsniew ia la ki khun. Ia ki kynja kpa kiba thom bad ban beñ ia la ki khunruit hadien ba u kpa jong ki u la ñap ki sin miaw bam khun (khon).
10. ***Khun kbeit shapuloit:*** Ka shapuloit ka dei ka sim kaba rit kaba kha khun kbeit. Ia ki khun kiba byrngem byrsit ia la ka kmie ba kha kum ban nguid ban bam bad kiba runar bad bymkohnguh.
11. ***Khun tham:*** Ki khun jaipdeh jaituh kiba bam-duh bam-dam ia ka spah ka hajar, ka kamai kajieh jong ki kmie ki kpa syriem kum ki khun tham ki bym mih shuh na ka kpoh ka kmie bad ki bam syndon ia ka doh jong ka haduh ba kan da ñap.
12. ***Shalak (sian) mynsiem, mynleh bieit pyrthei:*** U briew u ba leh mynleh kum bym tip ei ei habar katba hapoh mynsiem pat ka dap da ka jingkhwan sian tyllep.
13. ***'Seiñ syntiat 'liewnur:*** U samla u ba shu leh shalaki kumba donkam eh shajan shajan ki thei samla



ryngkat ka peitsuh lip shi lip kum u bseiñ ba hap ha liewnur u ba kwah ban mih shabar.

14. ***Thang ia ka ktung ruh ym put ih:*** Leh ba stad ba tip katba ka kam pat kam ler.
15. ***Kha iapsaw:*** Ka brierw kaba la iap tnga ne iehnoh tnga kaba dang khmih lynti bad leh khynraw kynjriang.
16. ***Kha ujai:*** Ka dohkha lympat pylleng: Ia ka brierw kaba iaid bun tnga bun shynrang ki sin ka Kha-ujai.
17. ***Kohnguh ka khlieh kyrngah ka tdong:*** U brierw u ba ka ktien da kum wei ka kam pat da kum wei.
18. ***Byllud tdong miaw:*** Ka brierw kaba khlem akor kaba pyndei da ki jaiñ haba ka iaid na khmat ki brierw kumba byllud tdong ka miaw haba ka iaid najan ki brierw.
19. ***Jrong thylliej kum ka blang jliah sla mluh:*** U brierw u ba wanpoi ha shiteng ka ia kren ia khana bad u ba shu kem ktien khlem da sngewthuh ia ka duh ka trai jong ka jingiakren.
20. ***Ksew nguid prie:*** U brierw u ba kren shisien da kum wei bad sa shisien pat da kum wei.
21. ***Bam hati kit kulai:*** U brierw uba duna jingmut jingpyrkhat namar u pynlut khambun ban ia kaba u ioh kamai.

22. ***Thylliej tyrpud:*** Khlem sngewthuh ia kaei ba kiwei ki kren u la lah kem ktien ba ka dei ne ka lait bad sa kylla ktien noh pat kloï hadien. U ba kren lep lep khlem sngewthuh.
23. ***U Moina ha ka ruh:*** Katba ka mynsiem ka dang don bad ka met, u briew u im. Ynda kam don shuh ka met ka iap.
24. ***Kohsiang pynshad thma:*** U briew u ba nang pynshit pynthnam ia ki arliang mamla haba ki don ha ka jingiakynad jinglabitar da ki kyntien pyniashrut pyniadom.
25. ***Kren king jakynde:*** Kaba kren plak-shi-plak ia kajuh shi kajuh ne kaba blaiñ nawei shawei haba yathuh khana khlem sngewthuh sngewthaw ia kaba kut kaba sdang. Ka jakynde ka dei ka ja rai-truh ba la pdem thiat.
26. ***Ruh shongbynda:*** Ka pyrtnei kane ka shong neh hynrei tang ka jaka shong  
Ka jaka shong neh ka don sha lyndet jingim.
27. ***Wan lyngkhuid leit lyngkhuid:*** Mynba ngi wan longbriew sha kane ka pyrtnei ngi wan lyngkhuid bad ynda ngin leit noh ruh na kane ka pyrtnei ngin leit lyngkhiud. Ka mynsiem kam donkam ei ei ban wanlam lymne ban leitlam.

28. *Bam sohphan mano bit thit ia no:* Leh mano re ia ka kam kaba sniew shah kynnoh ei mano re khamakha. Shah kynnoh ki bymleh lait u ba leh.
29. *Wat shu phaloh umsa:* U ba kren pynroh, pynsarong, pynkhyllew ia lade ha khmat ki brieve khlem da pyrkhat satia u dei u ei u shu shah rkhie beif ei kha-ma-kha.
30. *Bam doh-im doh-peit:* U brieve u ba nud ban kren shukor kren lamler pylleif pylleif ha ba shai ba paw khlem riej ia la ka burom ka ijot.
31. *Ktah mat'long:* U brieve u ba leit khlaw leit khlong ia ka lehraiif lehsuiif jong kiwei da ki kyntien siat pharshi pharlam hakhmat ki brieve.
32. *Kha thli tyrkhong:* U brieve uba la iap tnga bad iaw uba dangleh samla bad khmih lynti ban shongkurim biang wat la ka rta bad ka khmat kam i shah shuh.
33. *Kham sha 'tam' la byrhuiif ka ranab lum:* U brieve uba la tymmen bad ym i don por shuh, u ba ha tmir ka jingap. 'Byrhuiif' ka dei ka ding kaba sah ha jingthang hadien ba ka met uba iap ka la ing.

## LYNNONG – VII

### KABA THAW SENTEN

**Ka senten ka dei ka kynhun ki kyntien kaba wanrah ia ka jingmut kaba pura jong u nongkren. Haba la ai ban thaw senten da kino kino ki kyntien ba la jied, la khmih lynti ba ki senten kiba ngi thaw ki dei ban long kiba sngewtynnad bad ba kit jingmut kum ka nuksa:—**

1. ***Pyllait ktien:*** Haba ka ia teh ktien ka thud hap ban ia pyllait ktien noh.
2. ***Law law:*** Ha ki khép kiba eh ka jingim ym ju bit ban leh law law ia kano kano ka kam.
3. ***Jied shiah:*** Ngim ju sngewtynnad ia ki briew kiba jied shiah than ia kiei kiei.
4. ***Kit ia par:*** Hynnin nga la hap ban kit ia par ia u kwai na bri.
5. ***Kheif briew:*** Mano ban kheif briew ia ngi kiba duk.
6. ***Tohmet:*** Ki briew kiba donburom kim ju kren tohmet ia ki lok ki jor.
7. ***Thyllan:*** Nga la ap slem ia i bah haduh ba nga la sngew thyllan ka ap.
8. ***Liam:*** Kane ka jingliam kaba ni bad itynnad bha. U palat liam ia baroh.

9. ***Hor hor:*** Ka long ka bym dei ban shu khroh hor hor ia ki khun haba ki leh runar.
10. ***Krep krep:*** Kane ka kot kaba stang bad ba eh krep krep.
11. ***Kyrwep:*** U bapli u la jem kyrwep bad kti bad kjat ba la thait than.
12. ***Kmir kmir:*** Ka snieh doh ka tai ka khynnah kaba stem itynnad kmir kmir haduh wow.
13. ***Tohhoh:*** I thamula ban peit ia ki briew ki shaid kren tohhoh.
14. ***Mat kylliang:*** Ki samla ban pynpaw ia ka mon ki ju ia peit suh mat kylliang.
15. ***U thap u dap:*** Wat ju leh beiñ ia u thap u dap ba kyrtoha la ka longrynieng.
16. ***Ploiñ:*** Ki hep ki bam lut ploiñ ia ka doh na khiew.
17. ***Jawkhaid:*** Balei uto u briew u shu long jawkhaid kumto ?
18. ***Khawai dawai:*** Ha ka sngi shongkurim ki ju pynlong ka khawai ka dawai kaba heh.
19. ***Lapmiet laplong:*** Khun, ym ju bit ban shu lapmiet laplong eh ha ñing ki briew.
20. ***Saikhun saiteh:*** Mano ban pyllait ia ngi na ki saikhun saiteh ka jinglong mraw.

21. **Laplah:** Ym ju bit ban kren laplah ha khmat ki rangbah.
22. **Pawbynriew:** Naduh ba ngi la ioh la ka state ka ri jong ngi ka la sdang paw bynriew ha ka pyrthei.
23. **Shi khmat:** Nga thoh kane ka kular tang bad phi shi khmat.
24. **Kylla lieng:** Ka long kaba triem haba ka nusib ka kylla lieng.
25. **Aireng:** Kala don ka jingia aireng kaba thain hapdeng ki arliang mamla.
26. **Thwiat:** Ha kane ka eksamine nga la shu lait thwiat da ka said.
27. **Syam:** Nga leh aü mo ba i hep i leh syam haduh katne katne ia nga !
28. **Pyrshing:** Ka iing jong ngi ka don hamar pyrshing utai u lum.
29. **Byrnep:** Ade, kane ka sopti jong phi te hep kaba la rben byrnep.
30. **Tynkdon:** Ia ei phi shu pyneh tynkdon marwei marwei ?
31. **Kham i bha briew:** Phi kham i bha briew mynta shibun ban ia kaba mynwei.
32. **Peit khapbre:** Balei phi poit khapbre kumne ki khmat kum u men dih iad tangsnem.

33. **Janpran:** Nga la janpran sa khyndiat lynda phi pynkynmaw ia nga.
34. **Ryngkhi:** I ne i dei i para i ba bud ryngkhi ha nga.
35. **Kren suwan:** Balei mo thei phi da kren suwan haduh katta katta ?
36. **Khih wit:** U paitbah u la khih wit tang shu bna ia kane ka khubor.
37. **Peit pyrman:** La thung ia u tang kum u nongpeit pyrman ym kum u nongbishar.
38. **Ktah matïong:** Ka longbriew hi ka khang ban ktah matïong ia kiwei.
39. **Sim laidieng:** Wat ju kyntiap iïng eh kum ka sim laidieng.
40. **Thew sharyntoh:** Wat ju thew padsharyntoh ba shah rkhe beifi.
41. **Dyngngor:** Phi peit dyngngor aïu mo bah hangto ?
42. **ïar lyiar:** Ka liengsuiñ kala hap ïar lyiar ha madan.
43. **Dong lydong:** U khiew u la kyllon bad u la tyllun dong lydong.
44. **Man-man:** La nga kren katno katno ruh u shu sngap man man khlem kren satia.
45. **Hap shop:** Wat ju sarong ioh phi hap shop ha la ka jingmeng.


46. *Laitksuid*: Ani ! sngew laitksuid pynban tang shu poi hangta !
47. *Ieng thylli*: Ha ka mokotduma ka liang kaba rem ka ieng thylli.
48. *Pohrati*: Ka jingjaipdeh ka ialam ia ki briew sha ka jingim kaba pohjait pohrati.
49. *Bam kyrngaid*: Ka masi lyngki ka bam phlang kyrngaid harud surok.
50. *Pyrkhing triang*: U Myrsiang u bam haduh ban da pyrkhing triang.
51. *Than eh*: Don ka ma haba la than eh ka suk.
52. *Kyrtong*: Ha ka khalaiwait hyndai ki ju pynmih mar uwei u kyrtong ban iakhun.
53. *Byrtia*: Ngim ju sngewtynnad ia ki briew kiba byrtia jinglong.
54. *Kyrtoh lyndet*: Wat ju leh ia ka bym dei ioh ka kyrtoh lyndet shisien ka sngi.
55. *Kuhiw*: Ki don ki briew kiba kuhiw jinglong katta katta.
56. *Kaba tam*: Ka ktien kaba tam ha pyrthei.
57. *Arsap arphong*: Husiar ban shaniah ia ki riew arsap arphong.
58. *Kiew langtylli*: Ka jingsarong ka pynkiew langtylli ia u briew.



59. *Nongkylliang*: Ym ju bit ban ai nongkylliang ia ki brierw da kaba sniew.
60. *Tur iap*: U bieit u tur iap sha ka khlemlehraifi.
61. *Byndi byndop*: Ha ka pang ka jhia ym banse ban byndi byndop katba don.
62. *Iasuit iashor*: Ki tymmen hyndai ki da iasuit iashor haba ki ia thung mawpud mawsam.
63. *Nongkynti*: Kane ka jaka ka dei ka nongkynti jong i mei i pa.
64. *Markti*: Nga la ioh pdiang markti ia ki peisa baroh.
65. *Biah phongrai*: Ki kyntien jong u ki biah phongrai lut ia ka pyrthei.
66. *Mangkariang*: Shitom ban iadei iajan bad kiba mangkariang dohnud.
67. *Kynther jymbuiñ*: Niar eh yn shem ba ki kmie ki kpa ki kynther jymbuiñ ia la ki khun.
68. *Daiñdong*: Ha ka jinglakren uwei u rangbah u la shah daiñdong ha ban da biang.
69. *Da rapjot*: Kan myntoi aũ ban da rapjot ia kaba la pawpen ryngkew.
70. *Khawduh*: Kiba leh ia ka pap ka sang ki shah ai khawduh ha ka kur k ajait.
71. *Kren pan-kwah*: Ym ju bit ban kren pan-kwah ia ka sniew ka smeh.

72. **Buh ktien:** La bna te phi ba u ta bad kata kila ia buh ktien, tip ka dei ne lait ?
73. **Kham ibynriew:** I ma ma i la kham ibynriew naduh ba i la ioh ia kato ka kam.
74. **Bam ja khluit:** Ha ki kam kiba eh ym ju bit ban shu bam jakhluit.
75. **Doh snieh:** Une u khynnah uba la dohsnieh dohsatar haduh wow.

**La kut**









## **KIWEI KIWEI KI KOT DA U JUH U NONGTHOH**

- 1 Ka Jitlakhar (Poetry)
- 2 Na Kpep U Sohpetbneng (Poetry)
- 3 Ka Panjira Ksiar (Poetry)
- 4 Ka Mamla (Poetry)
- 5 Tang ka jingaiinguh thang (Poetry)
- 6 Na ki Inum Soppring U / Trep (Folktale)
- 7 Ka Sainpyrkhat Synshar Nharar U Khasi
- 8 Primary Education in The United Khasi & Jaintia Hills  
its Socio-cultural roots and Early History
- 9 Ki Siejkhongpong bad ki Sairupa (Poetry)
- 10 U Ba Bah Ia Ka Khia ka Shon (Drama)
- 11 Ka Thud Tam (Drama)
- 12 Ka Jingieit ka Pynbor (Drama)
- 13 Ki Khana Nongtymmen Na Ki Sawlyer Ka Ri Khasi  
(Folklore) Book I
- 14 Ki Khana Nongtymmen na ki Sawlyer Ka Ri Khasi  
(Folklore) Book II
- 15 Ka Khasi Composition na ka bynta ki Primary
- 16 Ka Kot larap ia ka Khasi MIL Paper I na ka Bynta ka  
SSLC/HSLC
- 17 Ka Mariang ka kren